



WANTOK

Great Quality

Affordable Price



Wan Wik, Novemba 17 - 23, 2005 NAMBA 1635 NIUSPEPA BILONG YUMI OL PNG STRET K1.00 long Mosbi tasol - Ausait Mosbi K1.30

Intanesenel De bilong ol Pikinini Spesol - Pes 15 - 18

HAPSAIT PES BILONG MOSBI

DISPELA ples i no stap long wanpela ples pipia. Nogat. Em i nambis bilong ples ldubada ausait tasol long biksiti Pot Mosbi. Eda Ranu na PNG Waterboard i gat ol bikpela projek we bai i kamap neks yia. Wanpela em long stretim wara na pipia wara bilong siti. Wanpela bikpela hevi nau i stap em hevi bilong ol plastik we i wok long bagarapim ol solwara na nambis.



PES 20-21:
Stori na ol
piksa bilong
SP Musik
Awots So



STRONGIM LIKLIK

MANMERI

2006 Mani plen bilong gavman bai salim moa mani na helpim i go daun long ol distrik

MOABETA sindaun insait long politiks, luksave long hevi bilong ol liklik pipel long distrik level na strongpela wok mani insait long kantri em ol as tingting bilong 2006 Nesenel Baset o mani plen bilong gavman.
Nau ol liklik manmeri insait long wan wan distrik long kantri bai kisim bikpela helpim i kam long gavman.
Dispela bai opim rot long kirapim moa wok bisnis long distrik level.
Ol bikpela samting insait long 2006 Mani Plen em:
• K139 milien i go long wok developmen bilong olgeta distrik insait long kantri;
• Daunim bilong potnait takis (long wankain taim i nogat nupela takis);
• Skruim bilong ol takis malolo long ol agrikalsa projek; na
• Moa takis malolo bilong strongim wok turisim

Lukim moa Baset 2006 nius long PES 2, 3 na 4
PES 14 - KOMENTRI: 'Em nau, luksave i kamap pinis'
WANTOK SISTEM: 'Bihainim gutpela baset bilong 2005'



EM9056 Offer Expires 30/11/2005

All-New  TOYOTA

HILUX

New Stocks Have

ARRIVED

Hurry Place Your Orders Now!



Ela Motors

NATIONWIDE

2006 BASET NIUS wantaim Neville Choi, Natasha Bodger, Stephanie Gimo na Salome Vincent

Ol distrik i win Beng takis mak i no senis - Togolo

EITPELA ten nain (89) distrik insait long kantri i win insait long 2006 mani plen bilong kantri.

Neks yia moa long K70 milien bai go insait long ol projek we gavman na Dipatmen bilong Fainens na Treseri i makim long strongim ol projek na stretim sindaun bilong ol pipel.

Aninit long nupela luksave bilong gavman i go long ol distrik, em ol distrik treseri opis bai lukautim mani i kam stret long gavman na gavman yet o ol dona ejensi bai bosim mani bilong ol distrik we i kam aninit long indairek fanding.

Plen bilong gavman em long painim moa sapat i kam long ol dona ejensi na go het long kirapim ol wok projek insait long ol wan wan distrik long neks yia na long ol yia i kam bihain.

Olgeta dispela program i kisim stia aninit long Distrik Sevis Impruvmen Program (DSIP).

Ol arapela hap mani em ol edukesen subsidi, ol lokol level gavman gren, pe bilong ol tisa, helt gren na infrastraksa gren o mani bilong stretim ol rot na bris. Ananit long bikpela nem DSIP, i gat ol program bilong ol eria olsem distrik edukesen, helt, wara saplai, lo na jastis, rot mentenens, fainensel menesmen na takis kredit skim impruvmen program.

Long toktok bilong Fainens na Treseri Minista Bart Philemon i autim olsem gavman i luksave long planti toktok i kamap olsem sevis i no go long pipel long ol rurei eria olsem na insait long dispela mani plen ol i makim bikpela mani i go long ol distrik.



NOGAT SENIS: Mista Togolo i tok i nogat senis long debit takis long nupela baset.

SIAMAN bilong PNG Bisnis Kaunsil, Mel Togolo i tok dispela 2006 baset i gat gutpela setap tasol i mas gat gutpela menesmen long karimaut gutpela wok na tu givim aut mani long wokim kamap developmen insait long wan wan distrik.

Em i autim wanpela hevi bilong em long dispela 2006 mani plen olsem i no lukluk long wanpela hap we bai ol liklik manmeri na ol bisnis pipel bai kisim taim tru long em.

Dispela em long debit takis o takis ol manmeri bilong publik i mas baim olgeta taim ol i rausim mani bilong ol long beng.

Long tingting bilong Mista

Togolo, gavman i no traim long daunim dispela takis na dispela em i hat liklik long ol bisnis man long traim na bihainim.

Mista Togolo i tok gavman inap long lukluk long ol narapela ol rot olsem Gavman Sels Takis (GST) we bai i lukim liklik takis bai stap antap long samting bilong stua o moa beta traim na glasim tok-tok bilong takis na daunim liklik.

Tasol insait long 2006 baset, i nogat wanpela nupela takis we gavman i putim na tu ol i lukluk long strongim wok turisim insait long kantri wantaim ol takis malolo.

Treseri minista autim 2006 mani plen

Ol Developmen Gren bilong ol distrik

Spesol Distrik Developmen Gren (SDDG)

- K10.9m
- Bilong stretim ol distrik opis, haus na masin.

Lis Dvelop Distrik Gren (LDDG)

- K3m
- Bai go long 20 provins tasol bilong strongim rot bilong ol sevis.

Distrik Rot Impruvmen Projek (DRIP)

- K35.6m
- Bai go long olgeta 89 distrik long strongim bek ol bikpela rot projek insait long wan wan distrik na provins.

Distrik Sevises Impruvmen Program (DSIP)

- K50m
- K8.9m bai go long Distrik Edukesen Impruvmen Program (DEIP) bilong stretim o sanapim ol skul inspekta haus insait long ol distrik.
- K8.9m bai go long Distrik Helt Impruvmen Program (DHIP) bilong stretim ol sab helt senta insait long ol distrik.
- K8.9m bai go long Distrik Wara Saplai Program (DWSP) long kamapim ol wara projek bilong kisim helpim mani long ol dona ejensi.
- K8.9m bai go long Distrik Lo na Jastis Program (DLJP) long strongim ol kot na olgeta arapela wok jastis insait long distrik.

BISNIS bilong yumi, gavman na ol manmeri insait long kantri, em long lukluk long baset o mani plen we ol lida i go pas i no wokim stret tripela ten yia i go pinis.

Yumi mas lukluk long ol eria we ol pipel i nogat kaikai na gutpela sindaun (poveti), ol pikinini bilong yumi i nogat gutpela skul, ol manmeri i traim long karim developmen i kam long ples, ol meri insait long komyuniti i traim long kisim gut ol sevis bilong helt na edukesen na tu long traipela hevi olsem sik HIV/AIDS we i kamap bikpela insait long kantri.

Dispela toktok i kam long Minista bilong Fainens na Treseri Bart Philemon long Tunde taim em i tokaut long kantri long K4.8 bilien Baset bilong 2006 wantaim as toktok olsem insait long dispela mani plen ol i laik lukluk long kamapim gutpela sindaun na tingting namel long ol pipel.

Em i autim dispela toktok taim em i sindaun bung wantaim ol manmeri bilong publik long Baset Lokap long tok klia long ol long wanem kain tingting dipatmen bilong em i wokim long kamapim mani

plen bilong nupela yia.

Insait long dispela pepa, Minista Philemon i tok olsem dispela nupela baset i kamap stret long wanem ol i gat gutpela fiskol menesmen o gutpela skelim bilong mani na stretpela ikonmik rifom o senis.

Taim ol i sindaun long mekim dispela mani plen, ol i lukim dispela baset i soim olsem ol inap long sanapim ol strongpela pos we PNG ikonimi inap long sindaun long em.

Em i tok baset i bin kamap long strong bilong ikonimi na fiskel sindaun na tu ol i tok bai kamap long mak 3 pesen long pinis bilong yia 2005.

Long nupela baset bilong 2006 ol i laik kamapim ikonimi we i ken apim kompetisen o wok resis insait long praiwet sekta long wanem reit mak bilong infesen na intres i go daun na eksens reit i stap gut long namel.

Baset pepa i tok Gavman i bilip olsem dispela ol sain insait long baset bilong 2006 i soim olsem ekonomi bai gro strong long wanem fiskel wok i kamap gut na tu ol mani we ol i yusim long baim ol samting

long ol narapela kantri (ekspenditsa) em Gavman i yusim isi.

Em i tok sapos ol taget bilong ol i bihainim gut bai balens bilong 2005 bai go daun long wan pesen defisit insait long Growth Domestik Prodak (GDP). Em nau bai kantri i no inap long mekim winmani, tasol em bai gat 1% long ol dinau i stap yet.

Tresera Philemon i tok insait long baset plen we ol i wok long bihainim, ol i strongim ol gut na yusim mani long mak bilong yusim.

Wantaim ol liklik risos bilong kantri, yumi wok long yusim long kamapim gutpela sindaun namel long ol pipel bilong yumi na isi isi yumi wok long bihainim rot long kamap bikpela moa.

Em tok long yia i go pinis, yumi bihainim rot bilong ol lida we i no karim developmen i go insait long Papua Niugini na tu long tripela ten yia i go pinis, ol manmeri bilong kantri i no kisim sevis na developmen.

Long dispela taim tu, Minista bilong Nesenel Plening na Implimentesen, Arthur Somare, i tok baset bilong 2006 bai lukluk long yusim

mani insait long ol Midium Tem Developmen Strateji (MTDS) projek we i lukim K1.4 milien long K1.68 milien developmen baset bai ol i yusim long kamapim ol wok na projek insait long MTDS faiv yia plen bilong 2005 i go 2010.

Em i tok gavman i setim wanpela taget long kamapim faiv pesen ikonmik gro reit na i lukim olsem ol luksave olsem ikonimi i mas sindaun strong bai dispela i ken kamap.

Niupela baset i luksave long taget bilong GDP insait long MTDS projek na ol i lukluk long ol bikpela eria olsem publik invesen, lo na oda, infrastraksa na ikonmik program we bai kamapim gutpela wok bilong gavman na ol wan wan manmeri insait long PNG.

Em i tok wantaim luksave ol i kisim long baset bilong 2005, ol i bilip olsem dispela bai i kamap wanpela strongpela mani plen long nupela yia na ol yia i kam bihain.

Toktok bilong dispela pepa em Minista bilong Fainens na Treseri i bin autim long Palamen taim ol memba i bin bung long lukim mani plen long Tunde.

TOR TOO

TORO GO AIRWAYS MOTEL LONG DRING NA DANIS IGO TULAIT I BRUK...

BAGA MEKIM WANMEN SPAK NA SINGAIT IGO LONG OL LAIN SINGSING LONG STEIJ...
WAN MOA!! (CHIK!) MAIKOL LENSOROK!!

NAU OL I SINGIM WANPELA FEIVARET SINGSING BILONG EM NA BAGA GO MEKIM WANMEN DANIS ARERE LONG STEIJ...

EM NAU, BAGA SPAK IGO KLOSTU TRI-KILOK LONG MONING NA EM KONK-AUT NA SILIP ANANIT LONG TEBOL...

FOA-KILOK MONING NAU OLGETA LAIK GOAUT NA OL KRUNGUTIM TORO IGO IKAM OLSEM WANPELA PIPIA LONG FLUA...

2006 BASET NIUS wantaim Neville Choi, Natasha Bodger, Stephanie Gimo na Salome Vincent

Rurel Industri Kaunsil amamas long mani plen

AGRIKALSA sekta em bun tru bilong Papua Niugini na i save holim ikonomi we ol liklik manmeri i save tuhat long strongim.

Siaman bilong Rurel Industri Kaunsil (RIC), Brown Bai i salim bikpela tok amamas long gavman long luksave olsem agrikalsa sekta em i stap nambawan insait long baset bilong neks yia.

Em i tok sapot we gavman i givim em i soim olsem ol i luksave long bikpela nid bilong ol manmeri insait long rurel eria o bus ples.

Em i tok 2006 mani plen i karim ol wankain agrikalsa takis malolo ol i bin kamapim long 2004 baset na dispela bai strongim tingting bilong ol agrikalsa kampani long kam na wok insait long kantri na kamapim mani bilong strongim ol rurel pipel na ikonomi bilong kantri.

"Mipela i tok tenkyu long gavman long putim mani long ol eria olsem infrastraksa na wok mentenens.

"Nau yet insait long kantri ol rot na infraksak samting i bagarap na ol lain manmeri

insait long bus ples i kisim taim tru long wanem ol i no inap long kam long taun long salim ol samting we ol i planim long gaden.

"Dispela mani gavman i skelim insait long baset bai kamapim bikpela senis insait long laip bilong ol bus ples pipel long wanem nau ol i gat bikpela sans long kisim sevis na pilim gut han bilong gavman bilong ol," Mista Brown i tok.

Em i tok wok bilong stretim rot i go antap tru na ol pipel i kisim taim tru long ol yia i go

pinis, tasol nau pe bilong trenspot bai inap long go daun na tu ol manmeri bai nap long kam long taun na salim ol samting bilong ol.

"Mipela laik tok tenkyu gen long gavman na tokaut olsem mipela bai yusim mani we ol givim mipela gut na karimaut gut wok long kamapim gutpela sindaun.

"Taim i kamap nau bilong Nesenel Agrikalsa Developmen Plen long kamap tru na ol pipel bai inap long sindaun gut insait long wan wan ples bilong ol."

Bogenvil gavman kisim moa long K50m

OTONOMES Gavman bilong Bogenvil (ABG) bai lukim namba wan hap mani i kam long Papua Niugini gavman insait long mani plen bilong neks yia.

Dispela em bai namba wan hap mani we nesenel gavman i makim bihainim tok promis bilong ol long halivim nupela Bogenvil gavman inap wanem taim ol i ken

sanap na mekim mani bilong ol yet.

Tasol ABG i no sanap ol yet wantaim moa mani i go long ol insait long 2006 Mani Plen. Olgeta arapela provins insait long kantri i lukim mani mak bilong ol i go antap insait long dispela baset.

Dispela bai lukim sindaun bilong planti manmeri i senis i go gutpela.

Sik AIDS hevi kisim K4.1 milien luksave long gavman

SIK HIV/AIDS i kamap pinis olsem wanpela bikpela samting insait long Papua Niugini, na insait long 2006 mani plen Nesenel AIDS Kaunsel Sekreteriet bai kisim K4.1 milien i kam long gavman.

Dispela em i abrusim manimak gavman i bin givim long NACS las yia we i bin inap long K1.5 milien tasol.

Insait long Mideem Tem Developmen Strateji bilong 2006 baset, banis agensim HIV/AIDS em i wanpela bikpela developmen wok bilong gavman.

Aninit long wanpela nupela projek bilong gavman, ol i makim K11 milien i go long wok banis na wok daunim bilong HIV/AIDS insait long ol rurel eria o bus ples.

Dispela program bai poromanim strateji plen bilong pait agensim HIV/AIDS namel long 2004 na 2008 we

NACS yet i go pas long en.

I gat K32.2 milien i stap we ol eit dona bai givim.

Minista bilong Fainens na Treseri, Bart Philemon i tok dispela sik nogut i gat inap strong long bagarapim olgeta wok manmeri insait long kantri na em i ken daunim strong bilong kantri long mekim mani.

Insait long ol arapela hap bilong helt, gavman i makim K370 milien long wok insait long helt sekta. Long dispela hap mani, K125 milien bai go long helt dipatmen wantaim manimak inap long K63 milien bilong baim ol marasin na K161 milien bilong ol haus sik na sios helt sevis. Em i bihainim laik bilong gavman long lukluk long ol helt sevis bilong ol bus ples na bilong stretim ol et pos na helt senta.

Mani Mak provins bilong yu bai kisim bilong 2006

Provins	2005 (milien K)	2006 (milien K)
Flai Riva	30.1	36.9
Galp	17.4	21.3
Sentrel	31.5	38.9
Nesenel Kapitel Distrik 2.6		2.8
Milen Be	30.6	37.6
Oro	18.8	23
Sauten Hailans	49.2	60
Enga	32.1	39.4
Westen Hailans	42.4	51.6
Simbu	32.9	40.5
Isten Hailans	43.8	53.5
Morobe	57.1	69.8
Madang	36.7	40.1
Is Sepik	37.2	40.7
Sandaun	25.8	31.7
Manus	12.9	15.96
Nu Ailan	22.3	27.5
Is Nu Briten	36.7	40.2
Wes Nu Briten	29.7	33.7
Bogenvil	38.4	40.8
Total	628.1	745.8

I gat hevi i stap

DIPATMEN bilong Fainens na Treseri i pinisim bikpela hat wok tru long stretim 2006 Nesenel baset, tasol ol i givim tok lukaut tu olsem i gat ol hevi i ken kamap na daunim olgeta dispela hat wok.

Tresera Bart Philemon i tokaut olsem i gat ol samting olsem prais bilong ol netserel risos insait long wol i ken go daun, na dispela i ken bagarapim strong bilong ol dispela samting insait long kantri nau. Ol arapela bikpela hevi we i ken

bagarapim wok mani bilong gavman neks yia em sapos ol papagraun i bagarapim kirap o ron bilong ol bikpela developmen projek, na hevi bilong El Nino o taim bilong bikpela drai.

Sapos dispela hevi bilong drai i kamap gen insait long kantri, em bai daunim tru strong bilong wok agrikalsa. Nambawan bikpela program bilong gavman.



SAMPELA wantok nilpis i kalap long balus long go bek long as ples karanas. Ol i lusim Mosbi na ron i go olsem long Lae na stail meri hostes i laik toksave long ol i kamap klostu long Nadzab ples balus nau. Tasol bikmeri i asua na tok: "Welkam long Kagamuga ples balus" Sori o...ol lain i save olsem ol i go olsem long Lae. Tasol dispela gutpela meri i asua na klostu tewel bilong olgeta i ronawe lusim ol. Laki tru ea hostes yet i luksave long asua bilong em na em i kolim bel bilong ol turangu nilpis ya.

BIKPELA PNG musik awots so i bin pairap long Mosbi las wik Sarere nait tasol wanpela famili long Erima i no bin sindaun gut. Wanpela stail manki wantok bilong ol i go long haus na giamanim ol hauslain olsem ol man nogut i bin katim na bagarapim biknem Solomon aifans musik atis Sharzy. Tru tumas, ol hauslain em ol bikpela fen bilong man ya. Taim ol i harim olsem, ol i no wet. Ol i ring i go long narapela wantok i amamas long Musik Awot i stap. Taim wantok i ansa long telepon, ol i harim nek bilong Sharzy i pairap i stap. Man, belhat bilong ol i no isi isi long dispela manki wantok bilong ol. Klostu tru ai wara i pundaun nating...

MANI plen bilong yumi long neks yia i kamap pinis na nau em i taim bilong ol mausman bilong yumi long Palamen long paitim tok long en. Planti manmeri ausait i tok em i wanpela gutpela mani plen, long wanem i nogat nupela takis, ol distrik i kisim luksave, na gavman i opim dua bilong ol pipel long mekim wok bisnis. Tasol dispela takis bilong beng i no senis liklik.


TRU tumas, planti manmeri long ples i save paul liklik long dispela pasin bilong beng ya. Ol i tok, taim mi holim mani, em mani bilong mi. Mi tuhat long kisim, na mi holim long han bilong mi. Tasol taim mi givim long beng, mani bilong mi i save bruk i go daun. Hap i beng i save kisim, gavman i kisim hap gen. Na taim mi laik go rausim, mi mas baim takis gen. Oloman. Maski nau long beng. Bai mi haitim mani tasol na stap. Sori o, bipo ating yumi ken mekim olsem. Nau bai hat liklik.



TOK LUKAUT: Tresera Philemon na Minista bilong Nesenel Plening Arthur Somare i tok lukaut olsem i gat ol hevi i stap we mipela mas lukaut gut long ol.

Stackable Chairs!


Great for Church, Banquets, Schools, Offices, Waiting Rooms, Restaurants and Conventions.



Stackable Chair

- Product Code: 820NSB
- Royal Blue Colour
- Durable Plastic Shell
- Ergonomically Contoured for Increased Comfort
- Sturdy Steel Frame
- Stackable and Gangable

K81.40




Stackable Chair w/ Arm Rest

- Product Code: 820INS
- Black Colour
- Durable Plastic Shell
- Ergonomically Contoured for Increased Comfort
- Sturdy Steel Frame
- Stackable and Gangable

K100.65

Prices are inclusive with GST

Waigani Drive, Port Moresby PH: 325 6500 Fax: 325 0302 Email: sales@thecookist.com.pg



THE COOKIST
THE BAKERY SUPERMARKET

2006 BASET NIUS wantaim Neville Choi, Natasha Bodger, Stephanie Gimo na Salome Vincent

Gavman laikim resis bilong brus

Neville Choi i raitim

GAVMAN bai opim rot bilong ol bikpela smuk kampani long kamapim wanpela kain smuk bilong resis wantaim brus.

Wanpela daunim bilong takis long ol bikpela smuk kampani em gavman yet i kamapim bilong givim sans long ol dispela kampani long resis wantaim tapak ol ples manmeri i save groim na salim long maket.

Nau yet brus maket i wok long go strong moa na dispela i wok long pulim rausim ai bilong ol manmeri long ol arapela biknem smuk.

Brus em ol manmeri i save groim na salim aninit long infomol sekta bisnis. Tasol namba bilong ol manmeri i wok long groim na salim brus i wok long go bikpela moa na gavman i laik kisim takis long en.

Takis bilong ol biknem smuk na bia i wok long go antap olgeta 6-pela mun. Dispela i bihainim prais bilong olgeta arapela stua samting. Tasol long dispela wanpela yia i go pinis, prais bilong ol stua samting i no go antap na i stap daunbilo.

Tasol manimak bilong smuk na dring i no bihainim i kam daun.

Stat long namba wan de

bilong mun Disemba 2005, takis na manimak bilong smuk na bia bai bihainim strong bilong Konsuma

Prais Indeks (CPI). Em nau bai takis i makim stret manimak bilong baim ol dispela samting.



SEKIM OL BASET BUK: Planti manmeri husat i bin stap long glasim bilong 2006 Baset i tokaut olsem em i wanpela gutpela baset long wanem em i bihainim as tingting bilong gavman long karim ol sevis i go daun bek long ol pipel insait long ol distrik.

Noken abrusim mani mak

Salome Vincent i raitim

TRESERA Bart Philemon i tok dipatmen bilong em i skelim gut dispela baset na olgeta insait long gavman i noken abrusim mani mak ol i makim pinis.

Em i tok sapos gavman i abrusim mani mak bilong baset, bai kantri i mas dinau gen na bungim moa hevi.

Mista Philemon i tok gavman i mas putim mani long wanem hap stret i gat nid, gavman bai no i nap apim dinau mak bilong ol insait long midiem tem.

Minista Philemon i tok insait long baset bilong 2006, gavman bai yusim mani mak olsem K390 milien long lo na oda, baset bilong

Polis i go antap, mani mak olsem K490 milien i go long edukesen na i lukim K417 milien bai go long baim ol tisa, K370 milien i go long Helt na K160 milien bilong ol hausik., na ol i bai lukluk long infrastraksa wantaim.

Long redi long 2007 ileksen, gavman bai helpim llektorel Komisen wantaim K20 milien. Ol bai putim antap gen sampela mani long taim bilong ileksen long 2007.

Minista Philemon i tok ol gavman bipo i no mekim gutpela wok long sait bilong turisim. Em i tok neks yia, turisim i kisim samting olsem K2 na i mas kamap bikpela na go pas long mekim mani bilong kantri.



Air Niugini Toksave



Itambu tru long salim na baim tiket bilong narapela man. Yu noken kisim balus wantaim tiket bilong narapela man. Sapos yu holim tiket bilong narapela man Insurance i no inap long karamapim yu. Ol wok man long ples balus bai askim yu long ID card long soim olsem tiket em i bilong yu. Ol i ken kotim yu na yu ken kisim bikpela hevi aninit long lo.

Tingim gut taim yu laik kisim balus!

Lukim Air Niugini Sales lain or Travel Agent.

ABG i singaut long moa mani

Natasha Bodger
i raitim

PNG GAVMAN i luk-save long ol spesel nid bilong Otonomes Rijen na tu long singaut bilong ol long K18 milien long wanem ol i gat wok long stretim na developim ol hap insait long Bogenvil we i kisim bagarap long taim bilong hevi.

Dispela i bihainim askim bilong Bogenvil Otonomes Gavman Rijen Presiden Joseph Kabui na delegesen las wik taim ol i kam long Join Supavaiseri Bodi (JSB) bung wantaim Nesenel Gavman.

JSB grup i bin sindaun wantaim ol Bogenvil lida long stretim toktok namel long Otonomes Bogenvil Gavman (ABG) na PNG Gavman long stretim toktok long baset bilong Bogenvil

Presiden Kabui i tok-tok strong olsem dispela ol askim long mani i kamap, long wanem ol i laik stretim ol pipel we i kisim bagarap na lusim planti samting bilong ol

long taim bilong hev na tu, long stretim ol wok bilong ol insait long nupela Otonomes Rijen

PNG Gavman i laik harim tingting bilong ol na bai lukluk long ol tok-tok na rikwes ol i autim leit, bihain taim ol toktok long baset i go het pinis.

Tasol ol Minista bilong Inta Gavman Releisen na ol narapela Minista bilong Nesenel gavman i tok olsem dispela sab-misen i kam leit long wanem minista bilong Fainens na Treseri Bart Philemon, i wokim ol pepa wok bilong 2006 Baset pinis na ol i no i nap long wokim ol kain senis.

Ol bikman bilong Bogenvil husat i kam wantaim Presiden Kabui em Vais Presiden Joseph Watawi, Fainens Minista Mathias Salas, Komyunikesen na Woks na Eneji Minista Moses Koiri, Lokol Level Gavman Minista Magdalen Toroansi, Bogenvil Polis Fos Minista Izikeil Masat na Bogenvil Etmnistreta Peter Tsiamalili wantaim sampela ol administresen opisa.



STRETIM WANTAIM SIKAN: Presiden Kabui na Inta Gavman Rilesens na Bogenvil Afeas Minista Sir Peter Barter i sikan long stretim wokbung namel long ABG na nesenel gavman.

Nu Ailan kisim planti aplikesen leta

NU Ailan Provinsel Gavman i kisim planti aplikesen leta long ol posisen o wok we ol bin etvataisim.

Ol ripot i tok Provinsel hetopis bilong Kavieng i wok long kisim planti aplikesen tru long pulapim ol spes bilong ol Pablik Sevis insait long Nu Ailan etministresen.

Provinsel Etmnistreta Robinson Sirambat i tok olsem ol i surukim taim bilong olgeta aplikesen long kam insait i go long tumora, Novemba 18.

Mista Sirambat i tok olsem ol i surukim taim bilong wanem ol i laik givim sans long ol manmeri husat i gat gutpela save long mekim ol wok.

Dipatmen bilong Pesenel Menesmen i givim tok orait long dispela pablik sevis insait long Nu Ailan Provins long Jun 1, 2005.

Mista Sirambat i tok olsem ol i bin les long ol pablik sevis program bilong ol arapela provins bilong wanem dispela ol program i no bin bungim tingting bilong ol na ol i lukim olsem sampela bai mekim ol i tro-moim planti mani long stretim.

"Dipatmen bilong Pesenel Etmnistresen i bin tok orait long dispela straksa bilong Nu Ailan Provinsel Etmnistresen i bin kamap long bihainim askim bilong ol long Spesel Pablik Sevis Jenerel Oda Namba 10," Mista Sirambat i tok.



Air Niugini Toksave

Festive season travel advice

Purchase your ticket by the stated payment deadline

Ensure to advise phone contact details in case of scheduled changes

Check the flight times and dates on your ticket

Reconfirm your travel at least 3 days prior to your travel date

Your check in baggage weight is 16 kgs per person

Cabin baggage is restricted to one piece weighing 7kgs per person



> **Be at the airport at least one & a half hours before departure**

Be a wise traveller!

Yut lida laikim gutpela wok bung

Egareka Greg Noine i raitim

WANPELA Yut Lida insait long Wod 4 eria bilong Wau-Bulolo Eben Kancel long Morobe provins i singaut long pablik sevans long kamapim gutpela wok bung wantaim ol yut husat i rejista na laik ronim wok bilong ol.

Planti taim ol yut grup i ronim ol liklik projek bilong ol tasol i nogat gutpela skul na teknikel atvais olsem na yut grup i bruk na ol manki i go bek long pasin raskol na kamapim hevi bilong

lo na oda. Ol yangpela meri i mekim pasin pamuk na bagarapim marit.

Mista Katabi Ekaro i mekim dispela toktok long nambawan graduesen bilong Bulolo Adalt Literasi Skul.

Mista Ekaro i tok Wod 4 eria i gat wanpela rejista yut grup em Wagawa meim Waria, Garaina na Watut. Dispela yut grup i gat pamanen bilding stoa, kakaruk projek na bingo senta. Tasol i no gutpela teknikel etvis na kos i kam long Komes, Bisnis na em Didiman Opis i ronim na em askim Distrik opisa bilong Bulolo

distrik long lukluk long ol hevi na salim ol opisa long i go aut na helpim ol wan wan yut grup long distrik.

Em i tok Wagawa yut i bin kisim K5,000 long Bulolo MP Mista John Muingnepe na ronim ol wok inap tupela yia na kamapim K40,000. Dispela mani ol yusim long baim skul fi bilong ol memba, long vokesenel skul, praimer, sponsarim soka klab na poket alauens.

Em i tok moa olsem Wod 4 Kansol eria i bin wanpela raskol eria tasol nau olgeta manki i bisi na pasin raskol i pinis.

Wau na Bulolo kisim hevi long taitwara

... Moa long 30,000 pipel bungim hevi

Bustin Anzu i raitim

MOA long 30,000 pipel long ol ples long Wau/Bulolo i stap nau long ol kea senta bihainim bagarap long ol ples bilong ol we taitwara i kamapim.

Wara Bulolo i bagarapim bris we i save joinim Wau na Kaindi kam long Bulolo na narapela hap ples insait long Morobe Provins.

Samting olsem 12-pela haus wara i rausim pinis na samting olsem 60 famili nau i stap long kea senta long Bulolo.

Bikpela ren long ol las wik i soim bikpela taitwara we i bagarapim planti ples arere long ol wara. Dispela i mekim planti lain pipel bilong Wandumi, Piaru, Garaina na Waria long kamap long Wau na bihain go long Lae.

Long sait bilong namba eit, klostu long Bulolo, traipela diwai i bruk na rausim waia bris bilong ol. Olsem na ol i nogat rot bilong kam aut. Narapela snek wara klostu long ples Bangalum, klostu long Mumeng tu i wok long tait na ol manmeri i pret nogut dispela wara tu i kamapim wankain birua.

Long wiken, polis bilong Bulolo i bin raun na kisim planti ol stori long ol samting i bagarap na salim ripot i go long Lae long opis.

Ol wokman bilong Morobe Provinsel Disasta i bin go long ol dispela ples we wara i bagarapim

long em na kisim ol ripot. Ol dispela lain husat haus bilong ol i bagarap, nau i stap long lukaut bilong kea senta long Bulolo.

Provinsel Etministreta bilong Morobe Manasupe Zurenuoc i tok luk olsem kos bilong Wau/Bulolo haiwe bai mak bilong bikpela mani.

Dispela rot em ol nesenel rot na Dipatmen bilong Woks bai sekim dispela na putim ripot," em i tok.

Ol wokman bilong Woks Dipatmen i raun na kisim ripot long ol dispela hevi bilong rot na bris.

Rot i go long Eddie Creek Maining i pas yet na ol bikpela masin bilong wok i wok long klinim ol hap graun na pipia we wara i kisim i kam na pasim rot long em.

Dispela bris long liklik wara Wau em wanpela bris bilong go long Wau, Bulolo na Lae na namba bilong ol pipol bilong Wandumi, Piaru, Garaina na Waria em samting olsem 30, 000 manmeri husat nau i kisim dispela hevi. Narapela 3, 000 pipel bilong Kaindi na Eddie Creek tu i nogat rot long kam aut.

Edministreta Zurenuoc i tok ol lain husat i luk olsem bai kisim taim long dispela birua bilong wara em Karanas kompaun, arere long wara Bulolo. Polis long Bulolo i tok ol lain husat i stap aninit long kea senta nau i stap long Bulolo maket.



INAP NAU: OL LAIN yangpela bilong Wau/Bulolo i karim diwai mariwana long givim i go long ol atoriti na ol bai bagarapim blkos ol i laikim gutpela sindaun.



PNG POWER Ltd

**TOKSAVE I GO LONG
Ol Easipay konsuma insait
na klostu long NCD**

Mipela i laik tokaut long ol Easipay Konsuma
olsem yu ken baim Easipay units long

OL STOP 'N' SHOP STOA

na tu long

**BOROKO FOODWORLD
- Gordons.**

Tok orait i kam long:
PNG Pawa Pablik Releisens Seksen

Easipawa - Easipay

Lae Polis no holim wanpela long dai bilong waitman

Bustin Anzu i raitim

POLIS long Lae i wok long karim wanpela wok painim long dai bilong wanpela bikpela bos bilong wanpela kakaruk kampani insait long Morobe Provins.

Dispela hevi long i dai bilong bos bilong Zenag Kakaruk, Russell Green i kamap long Eriku, insait long Lae siti las wik. Nau yet polis i no kisim sampela stilman long dispela birua tasol ol i wok hat yet.

Bos bilong Momase Police, Asisten Komisina bilong polis

Giossi Labi i tok dispela kain pasin bilong kilim man i dai em i no pasin bilong ol man. Olsem na em i tok ol man o meri i wok long kilim ol man meri i dai nating nating, kot i mas strongim dispela det penalti o kilim dai man i wokim bikpela trabel insait long kantri.

"Husat trabel man i kilim ol man meri i dai nating, ol tu i mas i dai.

Toktok long senisim pasin na taim ol i pinisim kalabus na kam bek, ol i wok long wokim sem kain samting na wanem taim tru bai ol i tanim bel. I moa gutpela long lo bilong kilim ol dai tu mas kamap strong," em i

tok. Polis i tok i no gat wanpela sain i soim olsem ol birua i kalapim banis na stilim samting long haus bilong em.

Tasol pos motem long Angau Haus sik i soim olsem Green i gat sampela mak long bel bilong em, we i kamapim dai bilong em. I luk olsem ol birua i bin sutim em long sampela samting long bel bilong em.

Wanpela funeral sevis bilong leit Green i kamap long aste (Trinde) bihain long famili bilong em, husat i save stap long Australia i kam long Lae.

Skul long bel isi insait long famili

Timon Henry i raitim

I BIN i gat wanpela Seksuel Vailens Woksop i bin kamap long Mendi insait long Sauten Hailans provins.

Em i bin wanpela bikpela woksop tru na i bin kamap long Daiosisen Pastrol Senta long Mendi long namba 7 i go inap 11 de bilong mun Novemba.

Dispela woksop i bin bungim planti ol manmeri bilong olgeta hap bilong wan wan distrik i bin kam bung long kisim skul bilong luksave long sampela senis i wok long kamap pinis long kantri bilong yumi.

Moa long 35 manmeri i bung long dispela de na planti bilong ol em ol meri.

Olsem na ol kain kos i helpim planti ol manmeri bai ol i ken save long wanem ol kain senis i wok long kamap insait long kantri na tu long provinzel level bai wok na laip bilong ol i ken

ron gut.

Dispela woksop i bin karim kaikai long hat wok bilong man husat i go pas long lukautim opis bilong Pis na Jastis Developmen na Karitas Kodineta Rex Ero long painim rot long kisim skul kam klostu long ol manmeri i stap long ples na komyniti bilong ol.

Mista Ero i tok em i amamas tru long Konsaltansen Implimentesen na Monitaring Kaunsel na meri i go pas long PNG famili na Seksuel Vailens, Ume Wainetti long givim mani long kamapim dispela woksop insait long provins.

Mista Ero i tok integrel humen developmen em i nambawan bikpela samting bilong laip bilong ol man na meri na tupela wantaim i ken kisim wanpela tritmen na serim laip wantaim.

Insait long dispela woksop, Mendi Katolik Daiosisen i bin i gat meri i go pas long Famili Laip, Sista Lorina i tok god i wokim man pastaim na bihain em i

kisim sait bun bilong man na wokim meri bai tupela i ken stap amamas long dispela graun.

Sista Lorina i tok God i givim presen i go long lukautim na serim i no olsem supla tasol. Nogat, em i spesol presen i kam long God yet. Em i tok man na meri i mas serim dispela presen bilong laikim wanpela narapela na tu pasin bilong slip wantaim em i no sin.

"Em i gutpela bilong banis." Narapela man i givim toktok em man i go pas long Provinzel Pis Faundesens Melanesia (PFM).

Kodineta Alouis Ekape i bin kam long givim sampela tingting long ol patisipen long hau wok na developmen i wok klostu wantaim ol NGO insait long dispela provins.

Em i tok bel isi i mas stap long wan wan ples na komyniti pastaim na developmen i ken kam bihain.



BILASIM OPIS: Meri Hagen na mama Agnes Piel i save putim ol pot plent plawa bilong em long hala long opis na ol arapela hap sapos ol man i askim long em. Naispela plawa ya i bilasim Wantok opis i stap.

Kamapim gutpela rekot bilong kantri - Sir Matiabe

Stephanie Waide i raitim

PAPUA Niugini i no gat gutpela rekot long histri bilong kantri na i moabeta long lukluk long dispela na wokim samting nau.

Sir Matiabe Yuwi, wanpela foma palamen lida taim em i stap memba bilong Tari/Pori na memba bilong Konstitusenenel Plening Komiti (CPC) long taim bilong self gavman na independens i tok aut long dispela bel hevi bilong em.

Sir Matiabe i tok long kain taim olsem, taim PNG i lukim 30-pela krismas bilong em, em i sore long lukim olsem kantri i nogat gutpela rekot bilong stori long histri bilong en.

Em i tok long dispela taim, planti bilong ol pikinini na ol bikman tu i no save ol nem bilong ol memba na ol papa bilong kantri husat i wokim mama lo bilong kantri.

Em i tok, planti manmeri i save tasol olsem Sir Michael Somare na Mista John Momis i bin go het long CPC tasol planti i no save olsem, i bin gat ol arapela memba long wanwan rijen i bin bungim han long kamapim mama lo bilong kantri.

Sir Matiabe, i singaut long poro bilong em na Praim Minista Sir Micheal long kamapim wanpela komiti long go pas long wok bilong raitim histri bilong PNG.

Em i tok ol kain ol man olsem

Sir Barry Holloway, Sinage Giregire, John Kaupa, John Momis na sief yet, Sir Michael em ol namba wan lain long save long histri.

Em i tok yumi mas kisim stori bilong kantri long ol.

Em i tok sapos yumi i no kisim stori nau, bai yumi leit na histri bai dai wantaim ol lida bilong yumi.

Sir Matiabe i tok stori bilong gavman bilong PNG long ya 1964 i go inap long independens i bikpela samting tru na i mas i gat gutpela rekot bilong em.

Em i singaut long gavman long luksave long dispela hevi na stretim hariap.

Enga sainim pairitrum agrimen

Stephanie Gimo i raitim

ENGA Provins bai gat sans nau long salim pairitrum i go long Australia.

Dispela i kamap bihainim wanpela agrimen ol bikman i sainim namel long Enga Provinzel Gavman na Botanikeal Risoses bilong Australia (BRA), long salim pairitrum i go long Tasmania, Australia.

Gavana bilong Enga Provins Peter Ipatas i sainim pinis agrimen long makim Provinzel Gavman na pipel bilong em wantaim ol lain bilong BRA bilong Australia.

Aninit long dispela agrimen, Provinzel Gavman bilong Enga bai salim krud pairitrum i go

long BRA we bai ol i mekim kamap ol samting long en na bihain salim long ol narapela bikpela kampani husat i save

kamapim ol naturel insektisait prodak. Pairitrum em i plawa we ol i save kisim long kamapim insektisait o marasin bilong kilim ol binatang olsem moskito. Ol bai salim nambawan kago pairitrum i go long BRA long neks mun, long mak bilong 8000 kilogram we bai ol i kisim bek mani mak klostu long K300,000.

Gavana Ipatas i tok olsem dispela em bikpela mak insait sait long Enga Provins na tu long kantri.

Dispela agrimen nau i wokim bai dispela faktori insait long Kagamuga, long Westen Hailans long stat wok ken bihain long em i bin pas klostu long wanpela ya.

Em tok tu olsem, long dispela taim Enga provins i save kamapim 95% bilong ol pairitrum plawa na tu i papa bilong wanpela pairitrum faktori we i save wokim ol drai plawa long kisim marasin bilong kilim binatang.



TOYOTA

HIACE

**3.0 Litre Diesel,
15 Seater Bus**

Payable Monthly Over
18 Months



FROM **K593*** Per Week

OFFER INCLUDES

- ✔ GST Inclusive
- ✔ 18 Months Comprehensive Insurance
- ✔ 18 Months Servicing

*Weekly Payments (Payable Monthly over 18 months). To Approved Purchasers & Subject to Bank/Finance Approval.

Ela Motors

Offer Expires : 30 / 11 / 2005 or While Stocks Last!

www.elamotors.com.pg

PORT MORESBY PH 3229400 • LAE 4781800 • KOKOPO 9829100 • MADANG 8522188 • GOROKA 7321844 • MT. HAGEN 5421888 • WEWAK 8562255 • KAWIENG 9842788 • KIMBE 9835155 • TABURIL 5489060 • VANIMO 8571254 • PORGERA 5479367 • BUKA 9739915 • LIHIR 9864099 • ALOTAU 6410100

Ilektorel Komisin laik senisim bai ileksen lo

Philip Kepson i raitim

ELEKTOREL Komisen i wok long toktok strong long kisim nupela lo long rausim ol bai-eleksen insait long kantri.

I gat wanpela ripot ol i putim kamap long senisim lo bilong bai-eleksen em i stap wantaim 7-pela arapela lo we ol i laikim olsem Palamen i mas senisim

pastaim long 2007 Jenerel Ileksen, em tok tok i kam long loya bilong Elektorel Komisen, Profesa John Nonggorr.

Em i bin toktok long wanpela woksop bilong Komyuniti Koalisen Agensim Korapsen, we Tresperensi Intenesese! PNG i go pas long em long Yunivesiti.

Profesa John i tok olsem dispela ol senis

long lo ol i mekim long strongim ol elektorel lo we i stap pinis.

Ol arapela hap we Komisen i laik lukim ol senis i kamap long en, em Provinsel ilektoret, elektorel rol, sekyuriti na lukluk gut long taim bilong vot, ileksen na boda bilong Lokel Level Gavman (LLG), LPV, lo we ol pipel i mas bihainim na ol ileksen petisen.

Em i tok aninit long dispela lo ol i laik

kamapim, sapos i gat spes i kamap bihain long wanpela memba i lusim wok bilong em, o ol i rausim em long wok, o aninit long konstitusen ol i luk olsem em i no moa inap long wok, bai i ol i ken kaunim gen ol vot bilong pastaim na maski long karimaut bai-eleksen.

"Dispela bai katim daun ol mani we ol i save yusim gen long holim ol bai-eleksen na

tu bai i ken abrusim ol hevi we i save kamap long taim bilong ol nupela eleksen," Profesa John i tok.

Em i tok olsem Komisen i wok long lukluk tu long kisim pawa bilong rausim ol rit long ol ilektoret we i no gat gutpela eleksen long taim bilong ileksen.

Em i tok olsem ol i laikim dispela senis bilong wanem, i gat sampela keis we i gat

planti hevi i save kamap, olsem long taim bilong 2002 we ol i bagarapim ileksen insait long Sauten Hailans na ol arapela hap bilong kantri.

"Ileksen long 2002 em i bin wanpela rabis ileksen long histri bilong kantri. Dispela luksave long demokrasi na lo i no bin stap na planti man husat i wok wantaim ol kendidet i bin karim gan insait long Sauten Hailans," Profesa Nonggorr i tok.

"Aninit long lo i stap pinis, Ilektorel Komisen

i nogat pawa long kamap wantaim ol disisen insait long dispela ol eria.

Long dispela na ol pipel wantaim ol kendidet na ol sapota bilong ol i save lukim olsem sans bilong ol long mekim ol samting we i no save bihainim lo," em i tok.

Ol opisa bilong Komisen i tok olsem ripot bilong ol nau stap wantaim Nesene! Esekjutiv Kaunsel (NEC) long glasim na skelim na tok oraitim.

EDUCATION PAPUA NEW GUINEA Achieving a better future

BASIC EDUCATION

Elementary

Elementary Prep
Elementary Grade 1
Elementary Grade 2

Elementary education is the first stage of formal education. It consists of an Elementary Preparatory Grade, Elementary Grade 1 and Elementary Grade 2, taught in a language of the child's community. These first three years of education prepares a child for entry into primary school at Grade 3.

In the three years of elementary education, children develop a basis for sound literacy and numeracy skills with family and community values including discipline, personal health care and respect for others.

The government's goal is that every six year old child enters the Elementary Preparatory Grade by 2012 and completes three years of basic relevant education.

Primary

Lower Primary - Grade 3, Grade 4, Grade 5
Upper Primary - Grade 6, Grade 7, Grade 8

Primary education begins at Grade 3 and finishes in Grade 8 and caters for the 9 to 14 year age groups.

Lower Primary education comprises Grade 3 to 5. Upper Primary is Grades 6 and 8.

After 6 years of education in primary school which begins with a bilingual program in elementary, children should have the basic skills to live productive lives and contribute to their communities.


They will be able to use English to understand basic social, scientific, technological and personal concepts and value learning.

The Government's goal is that all children will have the opportunity to complete a full, quality primary education.

All Grade 8 students sit for an examination. This examination determines who continues to high school. Those students who are unable to continue will return home to lead a useful life.

In the education sector basic education is the first priority, vocational and technical training is the second priority with secondary and tertiary education as third and fourth priorities, respectively.

NATIONAL EDUCATION PLAN 2005 - 2014



Student of Brikiti Primary School, Maprik, East Sepik Province.

Enrol your child in school early. Encourage your child to stay in school and complete 9 years of basic education

Subjects taught in Primary School	
LOWER PRIMARY	UPPER PRIMARY
Language	Language
Mathematics	Mathematics
Community Living	Social Studies
Health Education	Personal Development
Physical Education	Art and Music
Environmental Studies	Science
Arts	Art

More information can be obtained by contacting:

- the principal or head teacher in your local school or teacher's college.
- Officers in your district education office including the district education administrator, elementary trainer and primary inspector.
- Officers in your provincial education office including the provincial education advisor, reform coordinator, planner, inservice coordinator, elementary inspectors and training coordinators, primary, secondary and vocational inspectors.

Education information and publications are available from:
Department of Education
Media and Communication Unit
First Floor, Fincorp Haus, Waigani
PO Box 446, Waigani, NCD, Papua New Guinea
Fax: (675) 301 3544

Education PNG is a community awareness initiative by the government of Papua New Guinea. Supported by the Government of Australia through the Education Capacity Building Program.



Australian Government
AusAID



Department of Education

Ol Pasifik Ailan i holim Edukesen bung



SKUL EM BIKPELA SAMTING: Minista bilong Edukesen, Michael Laimo i tokaut olsem olgeta mas go skul.

Stephanie Waide i raitim

OL Pasifik Ailan i ken skelim ol hevi we ol i save lukim long sait bilong edukesen na yumi ken lainim ol samting long wanwan.

Long stat bilong dispela wan wik namba 13 konferens we ol bik man bilong edukesen long ol Pasifik Ailan i kam bung long en long Mosbi, Minista bilong Edukesen, Michael Laimo i tok, edukesen em i wanpela rait bilong ol manmeri.

Em i tok edukesen ken helpim long developmen bilong kantri.

Edukesen plen bilong gavman bilong PNG long yia 2005 i go inap long 2014 em wankain olsem dispela bilong Yunaitet Nesens Edukesenel na Saientifik Ogenaisesen o UNESCO.

Em i tok tenkyu long UNESCO long bikpela sapot bilong em na konferens i kamap long PNG.

Minista Laimo i tok, Papua Niugini na UNESCO, i luksave olsem olgeta manmeri mas go long skul long 9-pela yia bilong edukesen, manmeri i mas save long rit na rait, teknikel na vokesenel trening edukesen, sekonderi na teseri edukesen na open na disten lening.

Dispela bung i lukim, ol bikman bilong edukesen long Fiji, Vanuatu, Tonga, PNG na 13-pela arapela Pasifik ailan kantri i kam bung.

Em i tok amamas long lukim olsem Australia na New Zealand i stap tu insait long dispela kibung bilong wanem, ol liklik kantri bilong Pasifik i ken lainim long ol dispela tupela kantri.

Wanpela bilong ol toktok we bai kamap long dispela kibung em, HIV na AIDS na wanem samting ol arapela kantri i ken lainim long PNG.

Ol bik manmeri i gat progrem long lukim ol sampela skul insait long NCD na Sentrel provins.

Raun lukim ol meri na pikinini

... OL PIKS bilong Ensisi Katolik Mama somap na kuk greduesen las Fraide na Sivarai MYOB Kompyuta kos bilong ol Daiosis Akaun na Seketeri lain.



SKRUIM SAVE: Tude planti meri long ol Katolik daiosis opis i lukautim mani. Oisem na yu lukim sampela hia i wokim kompyuta kos long Sivarai Namona long kisim moa save long wok bilong ol.



STRONGIM TINGTING: Veronica Gapi em Propeti Supavaisa bilong Katolik Bisops Konferens i bin kisim kos long Etvens MYOB ol bin ranim long wanpela wik long Sivarai Namona, Bomana.



SAVE BAI HELPIM: Moabeta long toktok long HIV/AIDS long familil na sios, Ledi Rosalyn i tok.



HARIM GUT: Ol Ensisis Katolik mama grup i sindaun harim ol toktok long greduesen bilong ol.



AMAMAS: Gred 6 sumatin long Waigani Praimeri Skul Kate Parker Miva i greduet long somap kos wantaim mama bilong em tu, Monica, i tisa long Gerehu Sekonderi skul. Ol i sanap wantaim Sandra Mahoney bilong Britis Hai Komisn na Ledi Rosalyn Morauta bihain long greduesen.



HATWOK KARIM KAIKAI: Dispela mama i kisim setifiket long han bilong Ms Mahoney.



SAPOTIM: Wantaim sapot bilong ol papa, ol mama i bin pinisim gut skul na greduet.

CEDAW konferens neks wik long Mosbi

Veronica Hatutasi i raitim

BAI i gat tupela de CEDAW bung long Pot Mosbi neks wik bilong toktok long ol samting i sut long ol meri na wok go het bilong ol insait long kantri.

CEDAW i sanap long Konvensen long Rausim olgeta kain Samting i Egensim ol Meri.

Ol meri lida i makim ol lain bilong ol long ol provins, grup, ogenaesen na gavman bai i stap insait long dispela bung.

Sampela long ol bikpela samting we bai ol i long em long dispela bung em long toktok long sanap bilong ol meri long PNG glasim wantaim ol samting i stap long CEDAW i sut long ikwal raits na ol arapela moa we kantri i

sapos long go hetim bilong wanem, PNG i wanpela long ol planti kantri long wol i sainim CEDAW Konvensen long sampela yia i go pinis, Ol meri na lo, ol meri na helt, edukesen, trening na aweanes, jenda na vailens, ol meri na ikonomi, ol meri i stap long level bilong wokim ol bikpela disisen na ol rot we kantri na gavman i gat long helpim ol meri i go het.

Dipatmen bilong Ateni Jenerel bai lukautim dispela konferens.

Minista bilong Jastis marl Maipakai, Sosel Dvelopmen Minista Dame Carol Kidu em tupela long ol bikmanmeri i stap namel long ol lain bai givm toktok long dispela konferens.

Sir Mekere i redi long helpim ol Ensisi Mama

Stephanie Gimo i raitim

OL Ensisi Mama Grup i laki long kisim luksave bilong Mosbi Notwes memba Sir Mekere Morauta husat i tok bai stap sambai long helpim ol mama long somap na kuk program bilong ol.

Sir Mekere i wokim dispela toktok long namba wan greduesen bilong 22 Ensisi mama bihain long ol i pinisim 9-pela mun long kisim skul long samap na kuk insait long Waigani Peris.

Ol mama i bin kisim helpim long British High Komisn long mun Febuari wantaim done-sen bilong ol masin bilong samap na meteriel long mani mak inap long K16,000.

Kodineta bilong ol mama grup, Tony Miva, i tok olsem dispela kain projek i bihainim wanpela pien bilong gavman



SAMBALONG HELPIM: Magdalen Tagis, skul tisa long Gerehu Sekonderi Skul i bin wokim kos na i kisim setifiket long han bilong Sir Mekere long greduesen las Fraide.

ol i kolim Midiem Tem Dvelopmen Plen Streteji.

Dispela em we, ol i helpim ol mama husat i stap long haus long kisim moa save long informol sekta long mekim ol sam-

ing olsem samap we i ken lukim ol i mekim mani long helpim ol.

Mista Miva i tok tu olsem, bihain long dispela bai i gat namba tu hap bilong dispela

projek we bai lukim ol mama i lainim moa long samapim ol arapela samting.

Memba bilong Mosbi Notwes Sir Mekere Morauta na Ledi Roslyn i bin stap long greduesen seremoni tu.

Ledi Roslyn i bin ges ov ona long greduesen i tok olsem em i amamas long ol mama husat i greduet na em i tok tu olsem ol i givim taim bilong ol long kisim save long somap na dispela em gutpela long helpim ol long mekim mani bilong ol yet.

Sir Mekere i bin tokim ol Ensisis Katolik mama olsem em i sambai tasol long helpim ol long narapela program bilong ol long neks yia.

Neks yia bai i gat namba tu hap bilong projek we bai ol mama i ken lainim moa long samap na ol arapela samting olsem kuk na moa.

Kuk Kona wantaim MERI WANTOK

Banana Wip

- Yu mas i Gat:
- 1-pela peket Painapel jeli
 - 1-pela kap wara i boil
 - 1-pela kap ivaporet milk
 - 3-pela pasen prut
 - 3-pela banana yu staisim

- We long Kukim:
- 1- Putim ivaporet milk long aisbokis long nait i go inap moning na em bai kol gut.
 - 2- Putim jeli long boil wara na alrim i go kol
 - 3- Kapsaitim na tanim milk long kontena na putim i go insait jeli na tanim wantaim.
 - 4- Putim i go insait pasen prut yu autim skin long em na banana yu slaisim pinis na kapsaitim i go long jel ring
 - 5- Putim long aisbokis inap em i sindaun gut na kol.
 - 6- Sevim wantaim ais krim o wip krim

STORI TASOL



wantaim

FR. PAUL LIWUN, SVD

Yumi gat pawa long wokim

I GAT wanpela stori bilong wanpela yangpela boi bilong Saina (Hongkong). Famili bilong em i nogat planti samting. Dispela boi i luksave gut long stori bilong famili bilong em, olsem na em i no save driman bai kamap wanpela man i gat nem o wanpela man i gat planti samting.

Papa mama bilong em tu i no bin mekim ol haus wok long sampela famili bilong Australia.

Taim em i mekim wok insait long dispela famili, em i stat long luksave long save o presen bilong em. Em i gat presen bilong mekim wok ekrobet. Em i stat long developim dispela PRESEN. Bikos long wokim acrobat em inap long painim mani tu. Bikos taim em i mekim dispela so, ol manmeri bai baim em.

Yangpela boi bilong Saina ya, i go het long soim save bilong em long planti manmeri na long planti ples. Nau em i kamap famous o planti manmeri i save long em. Olsem na ol kampani i save wokim muvi, ol i bin baim em long mekim muvi. Na em i kamap olsem wanpela muvi sta na kamap famous tru long olgeta muvi em i pilai long en.

Em i kamap olsem supa sta bilong Esia. Tasol em i tu kamap wanpela miliona, man i gat planti mani tru. Ating planti bilong yumi i bin lukim muvi bilong em. Dispela man mi stori long yupela nau, nem bilong em Jackie Chan.

Planti bilong yumi i save askim na komplem long planti samting olsem; bilong wanem mi God i no givim mi planti presen olsem ol narapela manmeri. Bilong wanem pes bilong mi i no smat olsem pes bilong ol narapela. Bilong wanem God i no givim mi save long pilai ol kain kain musik masin. Na planti moa komplem yumi save mekim. Olsem na sampela taim yumi save yusim God na tok olsem God i mekim wantok sistem tasol. Em i tru God i mekim wantok sistem?

Bekim bilong dispela askim i stap long Gutnius bilong Santu Matiu 25: 14 - 30. Dispela hap gut nius i stori long yumi olsem God i bin givim presen o save long yumi wan wan. Sampela i kisim planti, sampela kisim namel na sampela i kisim liklik tasol.

Bikpela presen o liklik presen, em i no wanpela wari. Nogat. Bikos God bai askim yumi i no long sais bilong presen bilong yumi. Em i no askim yumi hamas winmani yumi kamapim wantaim presen bilong yumi. God bai askim yumi olsem wanem tru yumi strongim dispela presen em i givim long yumi. Bikos em i laik bai yumi yusim gut ol presen bilong yumi long kamapim samting bilong sapatim laip bilong yumi na laip bilong ol narapela.

Hap gutnius mi soim antap i stori long yumi olsem papa bilong mani i belhat na kros long man husat i kisim K 1000 kina, i no bikos em i kisim K1000 tasol. Nogat. Em i belhat bikos man i bin pianim long graun. Em i mak olsem em i mekim indai Presen God i givim long en. Em i feil long yusim save bilong en.

God i givim PRESEN long yumi bai yumi yusim long helpim yumi yet na tu ol narapela. Jackie Chan i bin stori olsem."



GOD I MEKIM STREPELA KOT

Olsem na yupela olgeta man i save sutim tok long ol arapela, mi tokim yupela wanwan, yu no inap tok olsem yu yet yu nogat rong. Harim. Taim yu sutim tok long ol arapela man, yu sutim tok tu long yu yet, long wanem, yu yet yu save mekim wankain pasin olsem ol i mekim. Yu save, God i save bekim pei nogut long ol man i mekim ol dispela kain pasin nogut, na dispela pasin God i mekim, em i strepela olgeta. Yu save sutim tok long ol man i mekim ol dispela kain pasin, tasol yu yet yu save mekim wan kain pasin olsem ol. Yu ting God bai i no inap kotim yu tu, a?

ROM 2: 1-3

OL CTI kisim salens

Veronica Hatutasi i raitim

OL greduet bilong Katolik Tiolojikel Institut (CTI) long Bomana ausait tasol long Mosbi siti i kisim salens long kamap ol wokman na ol rol modol taim ol i karimaut ministri long sevim ol pipel long trupela wol wantaim save ol i kisim long seminari skul.

Long wankain taim tu, CTI i bin harim ol toktok olsem wantaim ol arapela institusen we i kamap olsem afiliat o hap bilong Divain Wod Yunivesiti, ol i mas inapim ol rikwaiamen bilong Haia Edukesen olsem akademik kwaliti o wokim gut long ol akademik sabjek, gat ol kwalifaid leksera i gat trening long mekim wok na ol i kisim ol bikos long kwalifikesen na gutpela wok bilong ol.

Antap long ol dispela, institusen i mas gat ol samting we bai helpim ol sumatin long sait bilong pilai na maloloim tingting bilong ol, ilektronik na etministretiv sait na ol sevis long sapatim tising, lainim na helpim ol sumatin long ol wok, skul na laip bilong ol.

Dokta Cecilia Nembou i bin makim DWU long greduesen bilong 63 yangpela man bilong CTI i bin kisim ol diploma na digri pepa las Sarere na i kam long PNG, Solomon Aitani, Filipins na Tonga husat i kisim skul long kamap pater.

Ol bin pinisim tupela, tripela na 4-pela yia long Rilijes Stadis na Tioloji. Dokta



HATWOK I PINIS: Ol CTI sumatin bihain long greduesen tasol bikpela wok i stap yet long trupela wol.

Nembou i bin tokim ol greduen olsem ol bai kisim wok olsem pater, ol rilijes tisa na kea woka na ol bai kamap olsem ol rol modol we komyuniti bai lukluk i go long ol long soim rot.

"Gutpela: pasin, wok wantaim na luksave long ol narapela, lidasip, menesim pipel, taim na mani, painim taim long wok na stap insait long malti kalsere envoironmen, luksave long ol bikpela samting i kamap long wol na kantri na ol

sose na etikel o samting i sut long pasin em ol samting we bai helpim yupela long kamap ol gutpela wokman," Dokta Nembou i bin tok.

Long wankain taim tu, Asbisop Sir Brian Barnes i bin tok strong long ol sumatin olsem long trupela wol we ol bai wok long em, komyuniti bai lukluk long lidasip bilong ol tasol ol i mas stap olsem ol sevan o wokman bilong pipel. "Skruim ol samting yupela i

lainim olsem pastoral kea o helpim ol pipel na ol arapela moa. Long trupela wol i no olsem seminari we laip i narakain, bai yupela i painim yupela yet olsem ol lida we komyuniti bai lukluk long yupela long stia.

Bikpela samting long trupela wol em ministri long kamap ol wokman we bai yupela i lainim taim yupela i karimaut wok wantaim prea na helpim bilong Jisas i stap olsem stia long laip bilong yupela," Asbisop i tok.

Polis Mama grup ministri kisim blesing

Bustin Anzu i raitim

WANPELA kombain sios sevis i bin kamap long Lae polis bareks bilong komisanim o givim blesing i go long wok bung bilong mama grup long bareks.

Ol polismeri na meri bilong ol polisman insait long Lae siti i statim pinis wok bung wantaim insait long tupela bareks bilong wantaim bikpela as tingting long bungim ol meri bilong ol polisman na ol polismeri long strongim gutpela sindaun insait long ol polis bareks.

Lotu bung long las wik Sande i bin lukim planti famili bilong ol polis man na polismeri i bung na lotu long dispela nupela Steven Pino sapel o haus lotu. Long dispela lotu em ol meri grup i komisanim ol meri husat bai go pas long dispela grup bilong ol mama.

Dispela kombain sevis em long namba wan taim i kamap insait long bareks we saplin bilong polis long Momase rijen, Pater Kingston Tura na Welfea opisa bilong polis Sief Sajen Pauline Siaguru i bin witesim.

Polismeri Siaguru i tok intadinominesen bilong ol meri ol i kolim yet long Lae Polis Women Intadinominesen Ministri, em ol i kamapim aninit long as tingting bilong polis ministri we i stap pinis insait long Royal Papua Niugini Konstabulari na i kisim tu ol meri na yut ministri wan-



KOMISENIM: Ol meri insait long Bumbu na Ten Siti Polis Bareks husat i komisanim long holim wok olsem ol bosmeri bilong ministri i sanap wantaim Saplin Pater Tura (l) na Sajen Siaguru (r).

taim. "Dispela bai soim gutpela mak i go aut long pablik long luksave olsem mipela long polis bareks i stap olsem wanpela komyuniti na famili," em i tok bihain long dispela bung, Sajen Siaguru i tok.

Em i tok ol mama insait long Bumbu na Ten Siti Polis Bareks i lukim olsem i gat nid

tru long dispela wok na makim ol meri husat bai go pas long ronim dispela wok.

Dispela bung tu bai opim rot bilong ol mama na yut grup long go visitim ol narapela wan lain bilong ol long ol narapela hap ples insait long rijen na tu long ol narapela hap ples. Em tu bai opim rot bilong

ol narapela lain grup long kam givim sampela skul tok long ol narapela samting wantaim ol hevi i kamap insait long kantri.

Long ol narapela nius, Steven Pino Memorial Sapel i bin op long las Sande. Dispela bikpela aniveseri i bin lukim olgeta polisman meri kam lotu na tingim hat wok bilong ol.

Ol daisosis akaun lain sindaun long kos



Stephanie Gimo i raitim

SIOS patnasip Program we i gat long em Karitas Australia, AusAid na Katolik Bisops Konferens, i bin mekim wanpela trening we i lukim moa long tupela ten (20) manmeri husat i kam long ol Katolik Daisosis na Institut i kisim skul long yusim ol MYOB Bisnis Kompyuta Akaunting program.

Dispela trening we ol i kolim Integret

Strentening Program i lainim ol manmeri husat i wok long ol akaunting o fainens bilong ol Katolik Diosis na Institut long MYOB Akaunting Pakej we i ken helpim ol long wok bilong ol.

Nupela Program Kodineta bilong Katolik Bisops Konfrens (CBC) Robert Loseni, i tok olsem dispela pekej em bai helpim ol manmeri husat i kisim trening taim ol i go bek long daisosis we ol i kam long en.

Em i tok tu olsem planti bilong dispela ol manmeri i no bin bungim dispela kain program bipo na nau ol i luksave long wei em i ken helpim ol long wok bilong ol.

Dispela em namba tu taim bilong Karitas, Ausaid na CBC long ranim dispela trening, pastaim long Jun long dispela yia, ol i bin holim namba wan trening bilong ol nau ol i ronim namba tu sesen bilong trening we ol i kolim Advens trening bilong MYOB Akaunting Pekeij.

Ol i bin holim kwikbuk trening na fainensel trening long Divain Wod Yunivesiti na nau ol i wok long lukluk long kisim helpim long DWU long lainim skul long MYOB, na bai ol i ken helpim ol long ranim ol trening bilong ol.

Long dispela taim tupela man we i go pas long givim trening Frank Whittaker na Darian Portington, em ol trena we ol i kisim kam long Australia. Sapos DWU i soim helpim bilong ol em bai lukim ol i no nap moa kisim ol trena long Australia i kam antap.

Dispela trening i bungim wantaim ol manmeri long ol daisosis na institut insait long kantri.

GLASIM TOK wantaim



BISOP PETER FOX

Stetmen bilong ol sios lida long HIV/AIDS i go long gavman

OL SIOS lida i bin wokim dispela Stetmen bihain long tupela HIV/AIDS woksop long Goroka na Lae long mun Mas na Ogas long dispela yia, tasol ol i no kisim wanpela bekim long gavman.

"Olsem ol lain i makim ol sios i bung long dispela bung, mipela i tok tenkyu long gavman long luksave long HIV/AIDS i kamap olsem bikpela birua na kamapim Nesenel AIDS Seketeriet na ol planti gutpela wok i kamap olsem Nesenel HIV/AIDS Menesmen na Privensen Ekt 2003, Nesenel Stratejik Plen bilong 2004-2008 na kamapim Palamenteri Stending Komiti."

Taim mipela i luksave long gavman long ol dispela gutpela wok, planti moa wok i stap yet long wokim bikos HIV/AIDS i stap pinis long olgeta hap bilong kantri. Bikpela pasin bilong sot long samting, planti pipel i nogat wok na ol dispela i kamapim lo na oda hevi i go bikpela. Mipela i save olsem ol dispela samting i wok long mekim mak bilong pipel wantaim AIDS i go bikpela. i gat nit long gavman i toktok strong long lo i ken daunim ol bikhet pasin we i mekim binatang bilong AIDS i kalap long planti moa pipel, na long strongim moa yet dispela lo long ol manmeri long bihainim. Gavman i mas katim moa mani i go long helt, edukesen, aweanes long stopim HIV/AIDS na lukautim ol dispela wantaim sik na ol dispela i kisim hevi long en.

Ol sios long PNG i laik wok bung wantaim gavman long tripela level, ol arapela lotu beis, NGO na komyuniti beis grup long stopim sik ya i kalap long moa pipel. Yumi save nau olsem HIV/AIDS i stap pinis long olgeta provins insait long ol taun na rurel eria na ol viles. Ol sios i stap long ol ples we gavman i no inap go long en, mak bilong 80 pesen long ol ples na pipel. Ol sios i wok patna wantaim gavman i laik skulim ol pipel long HIV/AIDS na stopim sik ya i kalap long planti moa pipel.

Ol sios i laikim wok bung long lukautim ol lain i gat binatang bilong AIDS na tu kamapim moa ples long givim fukaut na sapot we i gat ol risos na medikel kea insait long kantri.

Pasin bilong lukluk nogut long ol lain i gat HIV i stap. Yumi i no hariap long soim pasin bilong helpim narapela. Mipela i luksave long asua bilong mipela na tok sori na askim long pogivim mipela.

Mipela i luksave olsem HIV i wanpela hevi na mipela i sanap wantaim na singaut long olgeta pipel bilong dispela kantri long givim ol yet long han bilong Bikpela we mipela i gat bikpela luksave long en.

Ol sios lida i bin sainim dispela stetmen long Goroka, Isten Hailans provins long Mas 17,2005.

Jubili sumatin wokim ritrit

Veronica Hatutasi i raitim

....Sans long glasim long senis

SALENS i go long ol yangpela sumatin long yusim ol gif we God i givim long ol long kamapim gutpela samting insait long komyuniti.

Pater Jurgen Ommerborn SVD i bin mekim dispela salens i go long ol Gret 11 sumatin bilong Jubili Katolik Sekonderi skul long pinisim lotu bilong tripela de ritrit bilong ol antap long Kanosa Skul bilong Laip long Bomana.

Pater Jurgen husat i bin olpela Presiden bilong Divain Wod Yunivesiti na Saplen bilong Goroka Yunivesiti na tu, tisa liklik taim long Katolik Tiolojikel Institut long Bomana i bin lusim PNG aste long go wok long Holan. Tasol Prinsipel bilong Jubili Sekonderi Bernadette Ove i bin askim em long go pas long lotu bilong pinisim ritrit bilong ol sumatin las Sande.

Ritrit em taim we pipel i save gat taim bilong stap isi, pre na tingting na glasim laip bilong ol na rot em i go long em na long bihain taim. Dispela i ken givim ol tiam long strongim tingting long lusim pasin i no gutpela na kamapim senis long sindaun, pasin na laip bilong ol.

Stat yet long 2003, ol Gret 11 sumatin bilong Jubili i wok long holim ritrit long glasim ol yet na kamap ol gutpela manmeri i gat stia long laip bilong ol. Bruder Allen em wanpela Filipino tisa i bin kisim dispela program i go long skul.

Het tok bilong dispela ritrit em "Search-in"

"Lav o laik pasin, tras na bond o pas wantaim i pasim yupela wantaim long dispela taim bilong skelim tingting long painim insait stret bilong yupela. Salens em ol gif we Bikman i givim long yumi wan wan em yumi mas yusim long kamapim gutpela samting, gutpela senis insait long komyuniti. Yupela i ken kamapim senis



SKELIM TINGTING: Kain ol gutpela program olsem i givim sans long ol sumatin i glasim laip bilong ol.

long Mosbi we i gat nem olsem wanpela long ol top birua siti long wol long stap long en. Larim yupela wan wan i stap long lait na senisim Mosbi siti," Pater Jurgen i bin tokim ol sumatin.

Samting olsem 37 sumatin i bin statim ritrit program long Fraide Novemba 11 na pinis wantaim misa lotu long Kurongku Hol we ol papamama i bin go stap long em wantaim ol pikinini bilong ol.

Ritrit Kodineta na tisa Joan Eoe i tok dispela em i wanpela gutpela program we i helpim ol sumatin long glasim ol yet long tingting na spirituel sait na tu, long bildim koneksen wantaim skul na komyuniti.

Long toktok bilong sumatin i makim maus bilong ol, ol i lainim planti gutpela samting we bai helpim ol long kamapim senis na

traim go hetim gut laip bilong ol. Narapela grup bilong Gret 11 sumatin long Jubili bai go long ritrit long dispela wiken.

Long tripela de ritrit, ol sumatin i bin gat ples bilong slip long en long Kanosa Laip Skul yet. Ol Kanosa kongrikesen bilong ol Sister i stap long dispela hap.

Skul bilong Laip i gat ol yangpela meri i skul long somap, keitering o kuk bilong ol hotel na bikpela samting i kamap, ol akademik subjek na ol arapela samting moa we bai helpim ol meri long kisim mani na sapotim ol yet, famili na komyuniti bilong ol.

Kanosa i gat gutpela hap bilong grup i stap long em na wokim ol kain program olsem ritrit, taim bilong stap isi na glasim laip na holim ol woksop na semina.

Riwo Lutheran Kristen amamasim 50 krismas

Paulus Tali i raitim

OL Lutheran sios memba bilong ples Riwo long Not kos rot long Madang i bin selebretim golden Jubili selebren wantaim ol arapela Kristen brata susa bilong ol.

Moa long 2,000 Kristen manmeri bilong Lutheran Sios na ol susa sios olsem Yunaitet na Katolik Sios long Raikos, Karkar Ailan i bin bung wantaim na selebret long Gut Seped

Lutheran Hai skul long Baitabag. Inta Gavman Rilesens Minista na memba bilong Madang Sir Peter Bater i bin kamap tu na autim tok

amamas long ol spirituel na ol arapela sevis olsem helt, edukesen, ol sosel semis na ol arapela wok

Sir Peter i tok amamas long ol Riwo Lutheran Kristen na Katolik we i save wok bung long strongim sios wok na wok wantaim wanbel.

Ol Katolik long Riwo olsem bipo Palamen memba Sir Agmai Bilas na distrik Presiden Reveran Nawon Mellemba i bin kamap tu long dispela selebren.

Sir Bilas i bin tok Baitabag Lutheran sesen i bin stat long yia 1956 taim Amerika Lutheran misinari Reveran Walker i bin opim.

TOK LUKAUT

wantaim

DAVID EPHRAIM



Yumi mas was Gut

INSAIT long moa olsem long 5.9 milien (UN 2005) manmeri stap insait long dispela western ailan bilong New Guinea, Papua Niugini i sanap olsem wanpela namba tu bikpela ailan insait long wol.

Ol save manmeri i tok tu olsem Papua Niugini i ken bungim ol bikpela bagarap olsem long ol bikpela maunten paia, solwara i birua na ol bikpela wara i bagarapim ples we ol manmeri wantaim ol enimol i stap.

Em bikos hap han bilong Papua Niugini i go olsem long Sepik i kam olsem long Madang brukim i go hap sait long Is na Wes Nu Briten na kalap i go insait long Nu Ailan na ron antap long solwara i go long Manus em olgeta i stap insait long wanpela kain rot bilong ol maunten paia o volkeno. Dispela em wanpela bilong ol kain rot we ol kain kain naturel disasta o hevi i ken bungim yumi.

Long 1998 yumi yet i bin bungim pinis bikpela solwara birua long Aitape insait long Wes Sepik.

Moa long dispela nau yet i gat wanpela kain sik we i wok long ron strong tumas insait long Wol. Na kamap pinis long Papua Niugini.

Nau yet yumi kamap klostu long Krismas na yu wan wan bai tingting long amamasim yu yet wantaim ol holide alawens bilong yu insait long dispela taim. Yu save pinis olsem HIV/AIDS em stap insait long kantri. Olsem tasol yu save was gut long nogut birua i kisim bagarapim yu wankain tasol tingting gut long wokabout bilong yu long nau i go inap krismas na nu yia.

Mi bilip olsem nau yet i gat moa ol manmeri i gat dispela binantang na yu was gut. Planti taim ol sampela manmeri i save ting olsem ol lotu lain i nogat dispela na taim ol i go long ol lotu lain bihain long sampela taim ol tu i save kirap nogut ol dispela sik tu i stap wantiam ol lotu lain tu.

Mi laik tok klia olsem HIV/AIDS ino save luksave o rispektim lotu o yu husat nogat em save pondaun tasol long strong bilong tok bilong God tasol.

So tingim yu joinim lotu bai nogat wanpela samting kamap tasol sapos yu bilip long dispela God we ol kristen i bilip long en na bihainim toktok bilong en stap insait long buk Baibel i gat bikpela sans ol tru tru God bai luksave long krai bilong yu.

HIV/AIDS ron stap long kantri. Yumi mas was gut.

EquiTV projek bai helpim ol tisa na sumatin

Stephanie Waide i raitim

OL tisa long kantri husat i tingting long kisim insevis kos, tasol i hat long kam long Pot Mosbi long skul i noken wari nau, bilong wanem Nesenel Edukesen Midia Senta aninit long Dipatmen bilong Edukesen na Japan Intenesenel Koperesen o JICA bai soim tisa taining long EMTV.

Ol i lonsim dispela nupela program "EquiTV" long Pot Mosbi las wik.

Aninit long "EquiTV" program, Dipatmen bilong Edukesen na JICA i wok bung wantaim na statim ol laip klasrum brotkas. Aninit long dispela projek, bai gat nupela laip klasrum brotkas long Mets na Saiens bilong ol sumatin long Gret 6 inap long 8 na tu, ol bai i lukim ol tisa i gat laip insevis kos brotkas.

Long lonsin dispela projek, Tamio Tomina i makim maus bilong Japan Embasi i tok JICA na Nesenel Edukesen Midia Senta i wok hat tru long karim aut aweanes bilong nupela Edukesen rifom.

Em i tok gavman bilong Japan i luksave olsem edukesen em i wanpela bikpela samting na bai sanap strong long surukim wok bilong edukesen long PNG.

Eking Edukesen Seketeri Dokta Joseph Pagelio i tok dispela nupela projek i soim olsem gavman bilong Japan i gat bilip long kantri na Edukesen sistem bilong en.

Tokwin long stil pasin i kamap long nesenel tes

ASKIM i go long pablik olsem sapos ol i gat tok tru long ol tokwin olsem ol tes pepa i go aut long han bilong sampela sumatin bipo ol i sindaun long tes long go lukim ol lain bilong Edukesen Dipatmen Mesamen Yunit.

Long wankain taim tu, stat yet long 1995, ol i wok long prinim ol tes pepa ovasis bikos long ol dispela kain hevi.

Eking Seketeri, Dokta Joseph Pagelio, i tokaut olsem Dipatmen bilong Edukesen i kisim pinis dispela tokwin bilong ol tes pepa i go aut tasol

... bikpela mekim save sapos i tru

em i tok em no nap long tok sapos dispela tokwin i tru bikos Dipatmen i no kisim strongpela evidens yet long dispela na tu, taim ol i glasim gut tru ol risal bilong ol tes, ol i no lukim sampela samting we i sutim tok long krangi pasin i kamap.

Dokta Pagelio i tok sapos pablik i gat sampela save long dispela samting, ol i mas ring long Opis bilong Seketeri bilong Edukesen long telipon namba: 301 3446 o ring long

Superintenden bilong Mesamen Sevis Yunit (MSU) long telipon:325 7700.

Wok bilong MSU em long lukluk long ol nesenel eksam. Dispela yunit i save kisim olgeta tokwin olsem bikpela samting olsem na ol i bai lukluk gut stret long ol 2005 mak bilong ol skul insait long Nesenel Kapitel Distrik. I gat ol wei bilong ol i ken yusim long painimaut long ol samting we i no stret long ol mak na sapos ol i painim olsem ol sumatin i

wokim dispela, ol bai givm bikpela mekim save long ol.

Dokta Pagelio i tok sekyuriti long ol opis bilong MSU i strong tumas na ol man o meri nating i no save go insait long ol dispela wok ples

Long 1996 yet, ol i save mekim ol tes pepa long ovasis, long wanem i bin gat wankain hevi i bin kamap long taim ol i mekim ol pepa long 1995. Ol pepa i save kam long PNG insait long ol kontena ol i pasim strong na putim insait long ol bikos bilong wanwan skul, Dokta Pagelio i tok.



KAS BILONG YANGPELA KATE: Noken ting skul somap i bilong ol mama tasol, nogat. Yangpela Kate Miva i gat 13 krismas i wokim Gret 6 long Waigani Praimeri skul i bin greduet long somap skul wantaim 21Ensis Katolik Mama grup long Waigani Peris las Fraide. Em i werim meri klos em yet i somapim. "Mi amamas tru long kisim skul long samap, wantaim dispela save mi laik skulim ol poro bilong mi tu long samap," em i tok. Kate i save kisim skul long samap long ol Sarare wantaim ol arapela mama husat i save wok long ol wikde. *Moa stori bilong greduesen long Pes 9.*

Bogenvil gavman putim edukesen i go pas

Natasha Bodger i raitim

OTONOMES Bogenvil Gavman (ABG) i putim edukesen olsem wanpela bikpela samting long ol wok plen na baset bilong em.

Ektin Sief Plena ABG Peter Siana i autim tok olsem edukesen em i namba want samting we Gavman bilong em i wok long lukluk long kamapim strong insait long Otonomes rijen.

Dispela i bin wanpela toktok we Mista Siana i strongim taim Presiden na ol memba bilong ABG i bin kam bung long Pot Mosbi long sainim MOU agrimen namel long PNG Gavman na ABG.

"Mipela i laikim olsem olgeta manmeri na pikinini insait long rijen bai gat save long wanem mipela i lukim olsem edukesen em wanpela bikpela samting na tu sapos ol manmeri i gat save, ol bai i nap long wokim kamap gutpela senis insait long ples na rijen bilong mipela," Mista Siana i tok.

Em i tok ol skul i wok long kamap isi isi na planti ol pikinini i wok long pulapim ol skul insait long rijen olsem na ol i putim olsem long namba wan samting long lukluk long em taim ol i wokim baset bilong 2006.

Em i tok taim ABG i bin kamap long mun Jun, ol minista na wokman bilong lukluk long edukesen i no westim taim long stretim rot na kamapim ol luksave long ol samting we inap long strongim dispela insait long rijen. Em i tok sampela hevi olsem wok mentenens na sot long ol skul buk na ol arapela samting bilong skul i hat liklik long kisim long wanem mani ino i nap long baim ol samting.

AIDS konset bilong ol yut

Salome Vincent i raitim

WANPELA AIDS konset bai kamap long pinis bilong mun long skulim ol yut na helpim ol pipel i gat dispela sik.

Nesenel AIDS Kaunsel (NAC) wantaim NCD Provinsel AIDS Kaunsel bai putim kamap AIDS konset long Novemba 30 long Sir John Guise Stedim we i gat het tok, "Stap fri long" o long Tok Inglis, "BE AIDS FREE."

Het tok bilong Wol AIDS De long dispela yia em "Stopim AIDS na Noken Brukim Promis".

Wanpela grup ol i kolim "Friends That Care" (FTC) i kamapim dispela tingting long putim wanpela konset bilong skulim ol yut long HIV/AIDS na tu long helpim ol dispela i gat sik AIDS.

Nupela Siaman bilong NCD Provinsel AIDS Kaunsel (PAC), Pasta Daniel Hewali i tok, AIDS i wok long bagarapim planti bilong yangpela manmeri bilong yumi.

Em i tok, tude ol yut i save harim planti musik olsem na FTC wantaim tupela AIDS Kaunsel i laik bringim toksave bilong HIV/AIDS long musik.

Pasta Hewali i tok ol bikman

long palamen i mas go long ol ples manmeri na wok wantaim ol long pait egensim dispela sik bikos em i kamapim bikpela hevi long olgeta pipel bilong kantri.

NAC i givim namba bilong ol manmeri i gat AIDS olsem i abrusim 11,000 mak pinis.

Man i go pas long ogenaism dispela konset, Henry Onsa Junia i singaut long ol bisnis haus na ol memba bilong palamen long givim helpim long sait bilong mani long karimaut dispela program.

Baset bilong dispela konset em inap long K23,5 000. na sapos sampela mani i stap yet

bihain long konset, ol bai yusim long ol arapela aweanes wok long neks yia.

Wanpela yangpela man husat i gat sik AIDS, em Rabura, i tok em i bungim planti hevi insait long komyuniti bilong em taim em i tokaut olsem em i gat dispela sik bikos pipel i no laikim em na ol i pret long em

Tasol taim em i stat wok wantaim Aids Kaunsel, em i go long planti ol provins long givim aweanes na em i amamas long lukim planti ol yut i kam harim em toktok. Em tasol i wanpela yut husat i gat sik Aids na i karimaut ol aweanes i stap.

Bagarapim holi bung

Dia Edita

MI LUKIM pas bilong John Kopap long Mendi, Sauten Hailans provins. John Kopap yu bin rait i kam long Wantok Niuspepa long 27 Oktoba 2005. Tok yu mekim em long ileksen bilong ELC-Papua Distrik. Brata John, hau yu save olsem ileksen na vot em i samting bilong palamen, na gavman na i no samting bilong sios na God?

Yes, yu bin tok olsem mipela ol bikman bilong Papua distrik em mipela i nogat sem, yes mipela sem long wanem samting? Mipela i sem long holim bung bilong God? Mi save yu i no stap long Mendi na yu raitim dispela pas. Nogat yu stap long Pot Mosbi. Brata John yu tok tu nogut mipela dispela 400 manmeri i votim man bilong giaman na pamuk man. John, sios i gat pasin bilong ileksen na votim ol lida em samting bilong bipo tru i kam. Em i no nupela samting. John yu tokim mipela Papua Distrik, wanem sistem distrik bilong yu Emmanuel i save bihainim na kamapim ol lida bilong yu? John yu yusim 3-pela doti toktok antap long holi bung bilong ELC-Papua Distrik. (1) Pamuk tupela taim; (2) i nogat sem bilong mipela 400 deliget manmeri. John mi laikim bai yu tok sori long bilip manmeri bilong God we yu bin toktok long mipela. Mipela dispela 400 deliget manmeri em mipela i makim moa bilong 30,000 kristen manmeri na mipela i stap long holi kristen bung we yu bagarapim mipela.

Hau yu save olsem bai mipela i votim ol giaman na pamuk man na meri? Pasin bilong votim ol lida bilong sios em i samting we bai ol kristen manmeri i save lukim na votim man na meri we bai ol i ken mekim wok bilong sios. John Kopap, yu tokim mipela wanem tingting tru bilong yu na yu raitim dispela pas i kam long edita? Yu bin tok tu long singsing hula hula na soim skin long bosman em wanem bosman tru na yu toktok long en?

Brata John Kopap, yu save long yu i tok nogutim holi krisetn bung, bung i holi tumas em yu bagarapim long tok pamuk, nogat sem na soim skin. Mi askim yu gen long rait i kam bek gen na tokim mipela tok bilong pamuk sem na soim skin long bosman, yes yu save olsem yu bagarapim namba 3 tok bilip em i tok olsem "mi bilip long Holi Spirit na Holi Kristen sios, bung bilong ol manmeri i holi." Yu save olsem yu tok nogutim holi kristen bung we em holi spirit i stap wantaim long ol kain bung olsem. Brata John Kopap plis bekim gen.

**KONSEN PAPUA DISTRIK
POT MOSBI
NCD**

Baim kompensesen: Dadae o Kawa

Dia Edita

MI BILONG ples Kabwum na nau mi stap long Wasu LLG Eria na rait long wanpela hevi i kamap long Wasu we wanpela liklik pikinini i lusim laip bilong em.

Long mun Oktoba draiva bilong Kawa Developmen Koporesen Kampani bilong Mema bilong Kabwum Mista Bob Dadae i kilim i dai wanpela pikinini meri wantaim kar. Ol lain bilong pikinini i dai ol sasim K50,000 kompensesen mani pinis.

Ol pipel bilong Wasu na Kabwum laik save husat bai givim dispela kain mani, Mista Bob Dadae bai givim o Kawa Kampani bai givim o draiva bilong Mista Dadae bai givim? Hevi kamap long kar, draiva na kampani bilong Lida olsem na Mista Dadae mas toksave tu long Ombudsman Komisin long wanem rot dispela K50,000 em bai kisim na givim. Wok bilong Mema em bilong i stap mausman tasol na i no inap i stap mausman na i stap bisnismen long wanpela taim. Dispela kar inap long seivim manmeri bilong Kabwum na i no wokim bisnis na kilim man. Em bin ting em toktok long arapela lain tasol em yet i kamap olsem. Skelim gut dispela toktok na redi long 2007 ileksen. Tok bilong Baibel tu tok olsem "Long tok bilong yu yet ol arapela bai kolim yu stretpela man na long tok bilong yu yet tasol arapela bai kolim yu giaman man."

**WOKA BELONG
WASU LLG
MORobe PROVINS**

Noken guria nating long mirakol bilong giaman profit

Dia Edita

MI LAIK agensim tru pas bilong brata John Koppa husat i toktok na promotim tru Rivaivel lotu long hiling pawa bilong ol we em tokim long las mun Wantok Niuspepa olsem em laik bai olgeta narapela lotu bai lusim lotu bilip

bilong ol na bihainim lotu Rivaivel.


Brata dispela toktok bilong yu em yu tokim mi olsem yu wanpela man we yu i no save ritim Buk Tambu (Baibel).

Yu mas wanpela raun stret man tasol olsem na lukim hiling pawa

bilong ol na moni bilong ol na yu guria nating na yu mekim kain toktok olsem. Plis brata John Koppa onim Buk Tambu long 1 John 4: 1,5; 1 John 2:18 na kisim gutpela tingting pastaim, bihain glasim Exodus 20: 8; James 2: 10; Mark 2: 28; John 14:15

na Mathew 5: 17,19. Em tasol mi gat long helpim yu. Sapos yu laik agensim em rait tasol na sapotim em laik tasol. Amamas tasol long lukim na bekim pas.

**DAVID S. HAZZA
WEWAK
IS SEPIK PROVINS**



Beng ajen bilong mipela long ples we?

Dia Edita

MI BIHAINIM pas bilong brata Oi Hiangi bilong Derim long Kabwum long Morobe provins we i kamap long Wantok Niuspepa bilong Septemba 29, 2005 aninit long het tok "Morobe Seivings na Lons indai pinis?"

Tru olsem long 2002 ileksen taim Mista Bob Dadae bin tok bai em putim beng ajen long olgeta hap bilong Kabwum distrik na long kempein buk bilong em em putim kamap na kopi i stap yet wantaim mi.

Em tok em putim pinis dispela benk ajen long 3-pela hap pinis

em Komba, Timbe na Teptep na em lusim tingting long Selepet.

Tasol Komba na Teptep ol wet yet na em putim long Derim long Timbe long hap bilong em yet.

Sapos toktok bilong brata Oi Hiangi bilong Derim i tru olsem dispela beng Morobe Seivings na Lons long Derim Mista Bob Dadae putim em i dai pinis em olsem tingting bilong em long putim ajen long Komba na Teptep em tu idai pinis na Selepet em nogat nem olgeta bilong wanem Selepet ol orait ating long ol beng seivises.

Mi laik askim na laik bai mema yet mas toktok long dis-

pela Wantok Niuspepa gen na mipela olgeta ken lukim. Bilong wanem yu giaman ol pipel bilong Komba na Teptep long putim beng ajen na ol wet longpela taim nau?

Bilong wanem yu no putim nem bilong Selepet long pamlet bilong yu?

Long Derim dispela beng azen yu putim em idai pinis, bai yu olsem saveman bilong akaunten bai kirapim gen? Yu bekim olgeta gut em yu fri long 2007.

**BAMENG TUMA
LAE
MORobe PROVINS**

Krai bilong Saga Paris

Dia Edita

KISIM krai bilong Saga Paris na krai i go long gavman bilong mipela Huon Distrik long helpim. Krai bilong mipela i olsem mipela Saga Paris i gat 4-pela kongregesen.

Mi save lotu aninit long as bilong diwai long taim bilong tumbuna i kam inap nau. Mipela i save lotu long gutpela taim tasol taim nogut mipela i save kisim hat taim stret long ren.

Olsem na mipela krai i go long Gavman plis inap yu marimari long mipela 4-pela kongregesen na yu givim mipela 4-pela haus lotu? Em tasol liklik krai bilong mipela Saga paris.

**EFANG JONAH
MARE VILES
MORobe PROVINS**

Stil pasin i kamap long Pos Opis

Dia Edita

MI WANPELA meri bilong Sauten Hailans provins i laik putim aut komplem bilong mi i go long ol lain wokmanmeri bilong Pos Opis insait long PNG na long Sauten Hailans provins olsem;

Yupela Pos Opis lain em yupela manmeri bilong stil stret.

Yupela i nogat rait long opim o brukim pas na pases bilong ol arapela manmeri.

Taim yupela i sotim aut ol pas na taim yupela i lukim olsem bikpela pases na sampela pas i gat velu, em yupela i save kisim ol samting i stap insait.

Yupela painim wanem samting stret na yupela i wok long mekim olsem? Mi putim aut komplem bilong mi long Wantok Niuspepa bikos planti komplem i kamap long ol manmeri.

Mi laik ol manmeri i lukim olsem bikpela pasin bilong stil i kamap long ol lain Pos Opis na ol i ting mipela i no save.

Na tu ol pases bilong mi long Amerika na sampela hap provins insait long kantri i wok long lus na sampela i lus pinis.

Mi hat stret long painim aut ol dispela samting i wok long lus.

Bihain long sampela mun ol pren i rait i kam gen na askim mi olsem yu kisim ol samting o nogat? Dispela i mekim mi belhat stret.

Olsem na plis gutpela manmeri stret, no ken na noken opim ol pas we i gat ol samting i stap insait long en.

Wankain long ol pases tu bikos dispela samting i no bilong yupela. Sori tru long bagarapim nem bilong yupela tasol mi i gat rait long putim aut komplem bilong mi.

Sapos yupela husat i gat kros wantaim mi long dispela orait putim aut tasol na noken lokim long tingting.

**MISS SCHOLA
WHITE
MARGARIMA
SAUTEN HAILANS
PROVINS**

WANTOK KOMENTRI

Em nau, luksave i kamap pinis

NAU dispela man husat i save brukim baksait long karim bek kopi bilong em long bik bus na slip kirap long bus i kam long painim kar i go long maket bai inap long malolo liklik. Dispela tingting nau i stap long as bilong kamapim baset o mani plen bilong Nesenel Gavman bilong neks yia 2006.

Bikpela as tok bilong 2006 baset em long stretim sindaun bilong ol pipel na salim moa wok na mani i go daun long ol distrik.

Tru tumas, planti krismas i lus pinis we ol pipel bilong yumi i stap long as ples stret i no save lukim wanpela han mak bilong wok gavman i mekim.

Nesenel Fainens na Treseri Minista Bart Philemon i luksave long dispela hevi long ai bilong em yet taim em i wok long raun i go long ol liklik distrik long karim ol sevis bilong beng, pos opis, na wok mani bilong gavman. Oigeta dispela samting em ol liklik manmeri bilong ples i save painim hat tru long kisim. Nau i mipela i gat bilip dispela bai karim gutpela kaikai. Tasol wankain tasol olsem ol manmeri insait long ol distrik, bai mipela i noken hariap long amamas tumas long ol nupela bikpela toktok bilong gavman we i swit moa long iau bilong mipela.

I gutpela tru olsem gavman nau i luksave long ol liklik manmeri na ol bai suvim ol sevis i go bek long ol. Bikpela wari nau we ol pipel bai tingting planti long en, em strong bilong olgeta dispela nupela samting gavman i laik sanapim long distrik level.

Hevi bilong stil pasin i no save stap long provinsel na nesenel level tasol. Em i save go daun olgeta long distrik level tu.

Olsem na sapos gavman i tingting strong long mekim dispela ol nupela program i karim gut kaikai, ol i mas lukluk long strongim save na wok pasin bilong ol distrik etministresen pastaim long ol i go het na salim moa developmen i go daun.

Wanpela gutpela samting tru mipela i ken lukim insait long ol dispela nupela wok developmen bilong ol distrik, em dispela Distrik Rot Impruvmen Program. Aninit long ol dispela program, gavman i makim mani bilong stretim bek olgeta liklik han rot insait long wan wan distrik insait long kantri. As tingting bilong dispela hap wok em long opim rot bilong ol ples manmeri long karim ol maket samting bilong ol i go na salim.

Dispela em mipela i ting em i wanpela nambawan program stret. Sapos em i go het stat long neks yia, bai i gat moa manmeri, na tu, ol yangpela manmeri husat bai kisim tingting long strongim wok agrikalsa bilong ol. Em nau bai mipela i lukim moa liklik bisnis i kamap na sindaun bilong ol pipel bai orait liklik.

Long wankain taim, baksait bai no inap pen moa long karim ol bek kopi, kakau, kopra na ol arapela samting.



Bihainim gutpela baset bilong 2005

SAPOS 2006 nesenel baset bilong Papua Niugini bai sut long kirapim ol bikpela developmen na bringim sevis i go long ol pipel, orait em i mas lukim tru olsem kaikai bilong wok i kamap.

Dispela em namba 6 palamen we i bin kamapim samting olsem 30 baset olgeta insait long wan wan yia. Planti bilong ol baset long bipo i no save kamapim tru ol astingting em i laik kamapim long dispela kantri. As bilong em olsem olgeta baset ya i no trupela baset. Em ol i ting tasol olsem amas mani kantri bai gat bai mekim dispela wok. Olsem na em ol giaman baset tasol.

Las yia tresera Bart Philemon i bin brukim samting olsem K4.5 bilion baset. Na ol i sanapim dispela baset long



wok bilong didiman. Ol i kolim lkonomik Rikavri Baset we i sut long strongim tru wok bilong agrikalsa. Em i tru planti pipel i stat long salim kakao, kopra, kopi na ol arapela kes krop. Na kantri i stat long mekim mani long ovasis maket. Las yia tu PNG i bin mekim gutpela mani long wel long ovasis maket. Prais bilong wel i bin gutpela na kantri i mekim mani. Dispela i lukim kantri i gat inap mani bilong baim balus na karim moa kopi long ol bus ples i kam long taun. Dispela i strongim tok bilong gavman long strongim agrikalsa long

ples. (Grin Revolusen).

Kantri i mekim mani bikos baset i sut long opim ol rot bai moa pipel i ken karim ol kaikai i go long maket na salim. Taim ol rot i op, moa mani i stat long pundaun long han bilong ol pipel na gavman tu i ken pilim olsem kantri i mekim mani.

Sanap antap long astingting na plen 2005 baset i bin ron long en na strongim antap long 2006 baset bai yumi ken lukim moa gutpela senis long 2006. Dispela em trupela kaikai bilong baset.

Wanpela gutpela piksa tu em lidasip bilong Somare gavman long holim gut mani na yusim stret long wok stret i bin gutpela. Ol i no tromoi mani nabaut nabaut olsem sampela gavman bipo. Sampela taim laip i hat tasol yumi mas sanap strong na putim mani long wok tru na i no long arere

nabaut. Dispela yia em agrikalsa o wok didiman i bin nambawan. Olsem na neks yia wok agrikalsa i mas sanap namba wan yet na bihainim wantaim lo na oda na rot na bris.

Sapos gavman i laik daunim takis long neks yia, orait em gutpela nius long ol kampani na bisnis long mekim gut mani na wok bilong ol tasol ol i mas opim wok na opim dua long kisim planti manmeri long wok. Dispela tu inap daunim sampela hevi baset bilong 2006 bai bungim.

Mi bilip dispela gavman i mekim gut long dispela yia olsem na em inap mekim gut tu long neks yia. Taim gavman i sanap strong, baset tu i save karim kaikai long kamapim wok bilong sevim ol pipel bilong dispela kantri. Gut lak long 2006 baset bilong PNG.

Ol lida mas daunim ol yet aninit long God

ROM 13: 1-7 i tokim yumi olsem ol gavman em God yet i makim ol long kamap lida na givim wok long ol. Olsem na ol i mas pret long God na aninit long God na mekim wok Lida gut. Long Ves 4a Pol i tok: Ol i wokman bilong God, bilong helpim yumi na mekim yumi i stap gut.

Long Ves 4b Pol i tok: tasol sapos yu mekim pasin nogut, orait yu mas pret. Long Ves 4c Pol i tok: Bai yu kisim pe bilong pasin nogut yu i bin mekim. Dispela bainat God i bin givim ol em ol i no holim nating, nogat dispela bainat em i bilong bekim pe nogut bilong ol man i mekim pasin nogut.



Nau yumi mas lukluk gut na skelim dispela hap tok i go olsem wanem? Long Rom 13: 1 God yet i makim ol na givim ol wanem kain wok nau ol i holim i stap. Olsem na olgeta lida i mas i stap aninit long God na olgeta man i mas i stap aninit long ol lida.

Long Rom 13: 3a Pol i tok: Gavman i stap i no bilong pretim ol man i save mekim gutpela pasin. Tasol ol i stap

bilong pretim ol man i mekim pasin nogut. Long Rom 13: 3b Pol i tok: Sapos yu i no laik kisim pe nogut orait yu i mas i stap aninit long ol na mekim gutpela wok na gutpela pasin bai ol i litimapim yu.

Long Rom 13: 4 Pol i tok dispela bainat ol i holim, ol i no holim nating. Yes ol pren, God i save makim ol gavman na givim pawa long ol long yumi i mas i stap aninit long ol. Ol lo na oda ol gavman i putim olsem bainat ol i holim long han. Sapos yu mekim pasin nogut, em yu brukim lo. Olsem na lo mas mekim save long yu.

Sapos yu i no brukim lo, bai yu i stap gut na lo i no inap mekim save long yu. Bai yu i

no inap kisim nem nogut nogat bai yu kisim gutpela nem.

Long Rom 13: 5 - i stap aninit.

Aposel Poli tok: God i save makim ol gavman olsem Lida bilong olgeta man na i stap wokman bilong God yet.

Yu i mas pret long God na i stap aninit long God olsem gutpela Lida, bai God em yet i ken litimapim yu long gutpela wok bilong yu na bai yu holim dispela wok longpela taim - Rom 13: 6-7.

Na long graun ol man bai givim biknem long yu na i stap aninit long Lidasip bilong yu na bihainim dispela olgeta wok yu givim ol long mekim.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

AVGeneral Manager Elizabeth Konga

Editor Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

DE BILONG OLGETA PIKININI LONG WOL

"LUKAUTIM OL PIKININI LONG SIK HIV/AIDS"

Toktok bilong Deputi Rijinel Dairekta bilong UNICEFF long Esia Pasifik rijen

LONG wanwan de, wanpela pikinini i save dai long ol sik we i save kam wantaim AIDS na long olgeta 15-pela seken, wanpela yangpela man o meri i save kisim sik HIV/AIDS.

Tasol planti bilong ol yangpela manmeri i no save gut long wei we ol i ken lukautim ol yet long dispela sik, AIDS.

Long lonsing bilong wanpela kempein bilong ol pikinini na HIV/AIDS we i kamap long Crown Plaza hotel, Mista Richard Bridle bilong UNICEF, husat em Deputi Rijinel Dairekta bilong Is Esia na Pasifik i tok aut olsem, planti bilong ol bel mama long PNG i no save tu olsem, sapos ol i gat AIDS ol i ken stopim pikinini

bilong ol long bel long kisim dispela sik.

PNG em i wanpela kantri long Pasifik we i winim olgeta arapela kantri long sik Aids.

Ol i painim aut olsem i save gat 50-pela nupela kes bilong HIV/AIDS olgeta dei.

Planti bilong ol em ol yangpela manmeri.

Namel long dispela 50-pela, tripela i kamap taim mama i gat sik AIDS na i givim long pikinini long bel.

Mista Bridle i tok, dispela pait agensim dispela sik HIV/AIDS i mas kisim helpim long olgeta manmeri. Ol lida, i mas go het na ol pikinini i mas bikpela konsen bilong gavman. Em i tok dispela, kempein i soim olsem PNG i lukluk long stopim

HIV/AIDS long go bikpela.

Wok bilong dispela kempein em i long kisim moa helpim, na karim aut moa wok na aweanes long wei long lukautim yu yet long HIV/AIDS.

Narapela tu em, long lukautim ol pikinini we i gat dispela Sik na karim skul bilong HIV/AIDS i go long ol yangpela manmeri.

Long dispela wei, PNG i ken helpim ol arapela kantri long pait egensim dispela sik.

Mista Bridle i singautim tu long ol arapela patna bilong ol long bung na pait egensim dispela sik.

MESEJ LONG SINSING



Mipela i laikim futja na laip i gat hop, fridom na gutpela sindaun. Ol dispela pikinini i tok.

Toktok bilong wanpela yangpela man

Dispela Poem i bilong wanpela liklik meri, Sarah i tokaut long hevi we planti pikinini long PNG na wol tude i bungim insait long famili.

Sarah

Nem bilong mi Sarah
Mi gat tripela krismas
Ai bilong mi i solap
Mi no i nap lukluk

Mi mas nogat save
Mi mas nogut
Wanem ken bai mekim papa

belhat tru?

Mi laik kamap gutpela
Mi laik luk nais
Na nogut bai mama i laik holim mi

Mi no nap long toktok
Mi no nap mekim rong
Nogat bai mi kalabus long haus
Long moning i go apinun.

Taim mi kirap mi yet i stap
Haus i tudak
Na mama papa i no stap

Taim mama i kam
Bai mi traim long mekim gut
Na nogut long dispela bai ol

paitim mi wanpela
taim tasol.
Noken mekim nois

Nau tasol mi harim ka
Papa i kam bek
Long ba bilong Charlie.

Mi harim em i tok nogut
Em i singautim nem bilong mi

Mi sanap pas long wol
bilong haus.

Mi traim long hait
Long lukluk bilong em
Mi pret nau
Na mi stat long krai

Em i lukim mi i krai
Em i tok nogut
Em i tok em rong bilong mi
Olsem na em i no wok gut.

Em i slapim na paitim mi
Na singaut yet long mi
Mi lus long han bilong em
Na ron go long dua
Tasol em i lokim pinis

Na mi stat long krai
Em i kisim mi na sut long mi
I go long stronpela wol.

Mi pudaun long plua
Bun bilong mi klostu bruk
Papa i go yet
Wantaim moa tok nogut

"Soril" mi singaut
Tasol em i leit pinis

Anyone can be a Father,



But it takes SOMEONE SPECIAL to be a Daddy

Pes bilong em i tanim
Go nogut stret.

Dispela pen mi pilim
Olgeta taim
Papa God, marimari long mi!
Plis mekim stop!

Em i stop
Na wokabaut i go long dua
Mi stap isi tasol
Silip antap long flo

Nem bilong mi Sarah
Mi gat tripela krismas
Tude long nait papa bilong me
I kilim mi dai.

BAI mi tok wanem long makim maus bilong ol pikinini long pinisim dispela kibung?

Olsem poro bilong mi i tok pinis long stat bilong dispela kibung, lukluk go het long futsa bilong mipela ol pikinini i no luk gut tumas. Dispela em toktok bilong Jack Ario, wanpela sumatin long Pot Mosbi Nesenel Hai skul husat i makim ol yangpela bilong PNG.

Wanem samting mipela i lukim na harim long hia i mekim mipela wari.

Mipela i save wanem samting i save kamap sapos yu gat AIDS tasol mipela i no save olsem planti bilong ol manmeri husat i gat AIDS em ol pikinini.

Mipela ting olsem sik AIDS m i sik bilong ol bik manmeri tasol.

Nau mipela i luksave olsem ol lain husat i kisim bagarap tru em pikinini. Planti taim i no asua bilong mipela.

Ol bik manmeri i laik givim wanem kain kantri long mipela ol pikinini long bihain taim? Bai mipela lukautim wanem kain kantri?

Mi lukim olsem ol gutpela toktok bilong yupela long helpim long stopim gro bilong dispela sik i stretim tingting bilong mi liklik.

Tasol...plis...mipela ol pikinini i askim yupela long putim ol tokok bilong yupela i go kamap wok we ol manmeri i ken lukim.

Ol wok we i ken helpim mipela. Ol yangpela manmeri na ol pikinini i kamapim haf bilong dispela kantri.

Ol i no gat asua. Na noken lus tingting long mipela. Taim yupela i no luk-

save long mipela, yupela i no luksave long futsa bilong kantri bilong yumi.

Em i bai asua bilong yupela sapos yupela i no lukautim futsa bilong kantri bilong yumi, bilong wanem yupela i tok aut tete, olsem yupela bai traimlong stopim gro bilong AIDS.

Mipela ol pikinini i save olsem mipela nogat gutpela kibung long toktok long ol toktok bilong AIDS, tasol mi laik tok olsem mipela bai gat bihain.

Long makim maus bilong ol pikinini, mi laik tok aut olsem, mipela i ken kamap ol rol modol long karim aut ol gutpela wok. Lukautim mipela ol pikinini olsem ol patna bilong yupela.

Mipela bai weit tasol long singaut bilong yupela.

Pastaim long mi pinis, mi laikim yupela olgeta long sanap na makim kros long bros bilong yupela na tok bihainim toktok bilong mi.

YUMI BUNG LONG NEM BILONG OL PIKININI: YUMI BUNG AGENSIM AIDS.

Yumi bai no inap tru long larim narapela generesen bilong ol pikinini bilong yumi pundaun long han bilong AIDS.

Long makim maus bilong ol pikinini, na UNICEF, UNAIDS na UNDP ol man husat i go pas long dispela bung.

Mi tok tenk yu long yu, Sir, Gavana Jenerel, Dr Hfiz Pasha, UN Asisten Seketeri Jenerel, UNDP rijinet Dairekta, Hon. Puka Temu na olgeta husat i bung long dispela kibung.

Tenkyu na yupela gat gutpela de.

Universal Children's Day - 20 November 2005 STOP VIOLENCE AGAINST CHILDREN

As the peak national body that works towards the reduction of the prevalence and occurrence of family & sexual violence in the country, the Family & Sexual Violence Action Committee is calling all its partners, the departments responsible as well as the public to observe 20-days of activism which commences on 20 November and on 10 December 2005.



Article 1: A child means a person who is 18 years of age and under.

Did you Know?


- About 10,946 children had contracted HIV/AIDS in 2005 and by 2010 this figure is expected to grow to 22,000.
- The number of children made orphan is 9,400 and by 2010 this figure will grow to 77,000.
- 138,108 children live in AIDS-affected families and this figure is expected to grow to 270,000 by 2010.
- The number of children at risk of infection is 620,585.



Article 3: All interests concerning children's welfare and protection should be considered in the best interest of the children.

This year's theme "Stop Violence Against Children" is in line with the United Nation's commitments and the Millennium Development Goals, which provide a child-focused framework for holding the world to its promises and a mechanism for pushing for a faster and stronger response to children living in violence and are at risk or are already affected by HIV/AIDS.

Without taking determined steps to address violence against children, the introduction of universal primary education in PNG and other specific needs of children, there will be no chance of meeting the Millennium Development Goals and certainly no chance of halting and beginning to reverse the spread of HIV/AIDS. Failure to meet the goal on violence, child sexual exploitation and HIV/AIDS will adversely affect the world's chances to meet the other MDGs, as these issues will continue to impede efforts to reduce extreme poverty and hunger, provide universal primary education, and reduce child mortality and improve maternal health. Millions of children, adolescents and young people in the path of violence and the HIV/AIDS pandemic are at risk and in need of protection. Papua New Guinea with the rest of the world must act urgently and decisively to ensure that the next generation of children live and grow up in a non-violent and AIDS-free environment.



Article 6: Recognise that every child has the right to life and to ensure the healthy survival and development of the child.

HIV/AIDS will adversely affect the world's chances to meet the other MDGs, as these issues will continue to impede efforts to reduce extreme poverty and hunger, provide universal primary education, and reduce child mortality and improve maternal health. Millions of children, adolescents



Article 7: Every child has the right to be registered, named and acquired a nationality.

and young people in the path of violence and the HIV/AIDS pandemic are at risk and in need of protection. Papua New Guinea with the rest of the world must act urgently



Article 15: A child has the right to freedom of association and freedom of peaceful assembly.



Article 4: Ensure that Children's Rights are protected in all legislative and administrative processes.



Article 5: Respect the rights and duties of parents, legal guardians, or person's legally responsible for the child, to provide for the child's needs, direction and guidance.

A life free from violence

it's our right!

Family & Sexual Violence Action Committee
PO Box 1530, Port Moresby, PNG
Tel: 321 1714/320 3728 Fax: 321 7223
Email: pngfvac@daltron.com.pg



Article 28: A child has the right to progressive education on the basis of equal opportunity.



Article 34: A child has the right to protection from sexual exploitation and sexual abuse.

Did you Know that?

- 827,500 to 1,344,600 children live in violent homes (UNICEF)
- 50% of children feel 'rather or very unsafe in their communities at night (UNICEF)
- 75% of boys and young men who come into conflict with law are 'panel beaten' (HRW)
- Tribal conflicts in rural areas and rape in urban and rural settings remain a major threat to the security of girls and women. Children are adversely affected by the burning of schools, hospitals and other child-friendly institutions.
- 88% of women report being physically assaulted.

STOP VIOLENCE AGAINST CHILDREN

STOP PASI BAGARAP PIKINI

MARAGI DEKENAI K DIKA ITA KA LAS

an initiative of

WANTOK

DE BILONG OLGETA PIKININI LONG WOL

"LUKAUTIM OL PIKININI LONG SIK HIV/AIDS"

Intenesenel De bilong ol Pikinini 2005

Yunaitet Nesesen i bin sanapim Intenesenel de bilong ol Pikinini long promotim lukaut na welfea bilong ol pikinini long olgeta

hap bilong wol.

Yumi save selebretim de long olgeta yia long Novemba 20. Dispela em de we Yunaitet

Nesens Jenerel Asembli i bin kisim i go insait Konvensen long Raits bilong ol Pikinini long 1989.

PNG em i sainim Konvensen long Raits bilong Pikinini na long selebretim Intenesenel de bilong ol Pikinini long dispela yia. PNG Gavman wantaim

sapot bilong UNICEF i wok long strongim ol pipel long lukluk long ol rot we i ken helpim daunim vailens o pasin bilong kamapim bagarap long ol pikinini.

OLGETA PIKININI I GAT RAIT LONG:

Stap long gutpela komyniti na seif envaironmen

Seif long pasin bilong bagarapim, paitim, mekim nogut long em na long birua.


Noken fosim ol long wokim pasin nogut.

OLGETA MANMERI NA OL LIDA I GAT WOK LONG:

Putim pikinini long gutpela ples na envaironmen i seif

Stopim na ripotim pasin bilong bagarapim pikinini

Lavin o gat laik pasin, lukautim na sapotim pikinini.



DE BILONG OLGETA PIKININI LONG WOL

"LUKAUTIM OL PIKININI LONG SIK HIV/AIDS"

Stopim Vailens egensim ol pikinini

FAMILI na Seksual Violens Eksen Komiti (FSVAC) insait long kantri i singaut long olgeta wanwok bilong ol, wantaim ol dipatmen na publik long luksave long 20-de wok bai stat long Novemba 20, 2005.

Long dispela yia het tok bilong dispela kempem em "Stopim Violens Agensim ol Pikinini" i stap wantaim bilong Yunaited Nesen (UN), ol Milenium Developmen Gol, UNGASS Dekleresen ov komitmen long HIV/AIDS na 2005 Wol Samit we i givim wanpela frem wok we i tok tok long ol pikinini, long holim wol long ol promis bilong ol na wei long kisim wanpela

kwik na strongpela bekim long helpim ol pikinini husat i stap long birua o i gat sik HIV/AIDS aninit long het tok "Bung long ol Pikinini, Bung Agensim AIDS."

HIV/AIDS i wok long kamap moa nau long ol pikinini, ino olsem bipo. Nau yumi wok long go insait long 30-pela yia bilong dispela bikpela sik, wanpela pikinini i dai long wanpela sik bilong AIDS long olgeta minit bilong olgeta de na long olgeta wan tan faif sekon i lukim wanpela yanpela i kisim HIV. Long olgeta de moa long 5,000 yanpela manmeri we krismas bilong ol namel long 15-24 i save kisim HIV na i gat klostu long 2000 nupela keis we i soim mama i

givim HIV i go long pikinini bilong em.

15 milien pikinini insait long wol i lusim ol mama na papa bilong ol long ol sik olsem AIDS na long dispela taim yet planti ol yanpela manmeri i no save wanem kain rot long bihainim bai mekim ol no i nap kisim HIV/AIDS.

Dispela kempem "Bung long ol Pikinini, Bung Agensim AIDS" bai i stap olsem wanpela plen we ol i ken lukluk go insait long ol wei ol i ken stopim dispela sik long olgeta hap bilong wol long nesanel na komyuniti levul.

Em bai givim wanpela kain wei long hotim wol long promis bilong ol long kisim wanpela kwik na strongpela bekim long helpim

ol pikinini husat i stap long birua long kisim HIV/AIDS o ol pikinini husat i kisim pinis.

Long lukluk bilong Famili na Seksual Violens Aksen Komiti (FSVAC), ol i lukim olsem Famili na Seksual Violens em bikpela samting we i wok long apim namba bilong HIV/AIDS insait long kantri na long wol.

Famili na seksual violens em i bikpela long olgeta hap bilong wol bilong wanem i gat wanpela lukluk bilong ol man na arapela bilong ol meri dispela ol i kolim jenda ikwaliti.

Dispela em bilong wanem insait long wol ol i lukim ol meri olsem ol meri nating we i nogat hap bilong ol, na dispela i mekim na ol i ken kisim HIV ii tru.

Taim wanpela meri i no stap gut o taim em i kisim HIV, dispela i ken mekim em i ken givim HIV i go long pikinini bilong em.

Long dispela taim PNG i gat bikpela hevi we i lukim HIV i wok long kamap long 2 pesent bilong ol pipel olgeta taim.

Long wanpela lukluk bilong ol pikinini husat i gat HIV insait long PNG, ol i makim olsem long dispela yia yet (2005) i gat moa long 10,000 husat i kisim HIV/AIDS na ol i lukim olsem long yia 2010 dispela namba bai go antap long 22,000.

Namba bilong ol pikinini we i lusim papamama bilong ol long dispela yia em 9,400 na long yia 2010 namba bai i go antap long 77,000.

Nogat kaikai o mani (poveti) em arapela samting tu we i mekim na ol lain i save kisim HIV. Poveti tu i apim namba bilong dispela sik. Planti yanpela meri insait long wol i wok long salim bodi bilong ol yet, bilong wanem ol i lukim olsem nogat arapela wei long mekim mani. Ol man husat i save mekim gutpela mani i save baim ol dispela meri long slip wantaim ol.

Long wanpela lukluk bilong UNICEF, ol i paimaut olsem moa long wan milien pikinini i stap insait long ol haus we i gat planti vaiolens na planti

bilong dispela ol pikinini i no save stap gut o pilim seif long stap insait long ol komyuniti bilong ol long nait. Humen Raits Was (HRW) long lukluk bilong ol tu i painim aut olsem planti ol yanpela man husat i painim hevi wantaim lo, i save kisim hevi we ol polis i bin penel bitim ol. Ol wanpela pait insait long ol ples na pasin bilong mekim nogut long meri insait long ol ples na taun i stap olsem wanpela bikpela birua long ol meri.

Ol pikinini husat i no stap wantaim papa na mama bilong ol i stap long bikpela asua long kisim bagarap long ol yet. Planti ol pikinini husat i stap wantaim ol arapela manmeri i save go stap wantaim ol bihainim sait bilong kastom, moa long 200,000 pikinini aninit long 18-pela krismas i lusim wanpela o tupela mamapapa bilong ol wantaim.

Ol pikinini meri aninit long 12-pela krismas i marit bihainim lo bilong ples, klostu long 4000 pikinini we krismas bilong ol i stap namel long 10-14 i marit na stap long ol ruroi hap. Ol i lukim olsem ol yangpela meri husat i marit bipo long 18-pela krismas, i no gat gutpela skul, i karim planti pikinini, man bilong ol i lapun moa long ol, na planti vaiolens i save kamap long ol na tu

man bilong ol i ken maritim moa long wanpela meri.

Lukluk i go insait long Vaiolens agensim ol Pikinini insait long Papua Niugini, i soim olsem olgeta pikinini insait long haus bilong ol i save lukim hevi bilong vaiolens na humen raits hevi.

Dispela hevi we i save kamap long ol pikinini em ol manmeri husat i lukautim ol, i mekim dispela hevi long ol. Dispela ol lain em ol mamapapa, brata, susa, ol aunti na uncle na tu ol tisa, husat i gat wok long lukautim ol tasol nogat.

Taim mipela i tok Stopim Vaiolens Agensim ol Pikinini, mipela i askim olsem ol pipel, mamapapa, famili, komyuniti na gavman i mas luksave long UN konvensen long Raits bilong Pikinini (CRC) na bihainim to we PNG i bin sainim long luksave olsem ol pikinini i gat wankain raits olsem ol arapela, mipela i lukim olsem famili em bikpela samting insait long hap mipela i stap na famili em wanpela hap we ol pikinini i mas stap gut, we ol i ken painim gutpela sindaun insait long famili bilong ol yet, na em i wanpela hap we ol tu i ken kisim skul long stap gut.

STOPIM VAIOLENS AGENSIM OL PIKININI - EM I WOK BILONG MIPELA OLGETA.

SAVE THE CHILDREN

As Papua New Guinea slowly develops, many children encounter problems of abuse, negligence, hunger, unemployment, discrimination, education, health and HIV/AIDS. With the increase in these problems, Save the Children in PNG is fighting to save the lives of many of our innocent children through its work in the areas of health, education, HIV/AIDS, adult literacy, disability, domestic violence and child protection and participation as well as promotion of the rights of children.

Save the Children in Papua New Guinea (SCiPNG) is a joint program of Save the Children New Zealand and Save the Children Australia, who are both members of the International Save the Children Alliance, the largest global movement for children.

SCiPNG has been working in PNG for over 30 years, with program providing significant contributions to improving lives of women, children and communities and operates from its country office in Goroka, and project sites in Wewak, Port Moresby, Lae, Madang and Kainantu with four major programmes with over 80 staff and 400 volunteers.

Save the Children fights for children's rights and delivers immediate and lasting improvements to children's lives worldwide.

Save the Children in PNG works for a world that respects and values each child, listens to children and learns, and a world where all children have hope and opportunity. No matter what race, colour, gender, language, religion, birth status or ability, a child has, they are entitled to human rights-just like adults.

Children, often need special care and protection, so a separate set of rights has been created especially for them. This set of rights is known as the United Nations convention on the Rights of the Child (CRC). It became a law in 1990.

The rights outlined in the convention focus on such areas as the child rights to education, health, and support services that will ensure the child's survival and full development. As well as this, children should be seen as active members of their communities and be encouraged to actively participate so that the child's best interests are considered when decisions are being made about their welfare. Children should be able to express their views freely, as they are important part of society. Children should also be protected from all kinds of discrimination, exploitation and abuse, especially as they are incapable of protecting themselves.

PNG is one of the 190 countries that accepted the convention on the Rights of the Child, signed in 1990. PNG signed the convention in 1993.

The convention and would mean very little to us if it is not put in to practice. We must work to turn it in to reality to ensure that children everywhere are assured their fundamental rights to grow and develop.

Let us unite and fight for Child Rights. Our children are our future and the future of our culture, so let us join our hands and work towards a better world for our children. Save the children today for a better world tomorrow.

By Catherine Mackson
Communication and Media Officer
Save the Children in PNG

Program for Samogo Village, Bena Bena - WHP

Monday 21st November, 2005

Procession

- 5:00 Rise & Shine and prepare food for children in groups.
- 7:00 Prepare children with banners, placards, posters in uniforms and by hamlets.
- 9:00 March to Main Arena with grandparents leading the procession.
Invited Guests - Seated
- 10:00 - 12:00 Opening Ceremony Master of Ceremony - Miss Pauline Kuiva
Opening Prayer Girl Child
Flag Raising & National Anthem/Pledge
Sogopegu Elementary School Poem Boy Child
Welcome Mr Paul Kuiva, Chairman, HCDA, Member for Bena-Unggai Hon. MP Benny Allan, Community Justice & Liaison Unit Dr. Rodney Kameata
Item Children of Samogo Village
Secretariat, EHPG Mr John Sari Provincial Police Commander Mr Philip Solala
Item Children of Samogo
Parent from Samogo Mr Manu Kamavo
Dedication from Parents SDA Church Choir
Partner Representative Mr Jim Yawane, Chairman EHFV
Item Children of Samogo

*Food stalls will be set up for the public to buy and agricultural products from Samogo Village will be showcased.

Taim bilong Kiap na Patrol Opisa

Bustin Anzu
i raitim

OL PATROL opisa na ol kiap long taim bilong bipo o brukim bus lain em ol trupela man husat i kirapim ol gavman sevis. Wanem samting nau yumi lukim long em, ol han mak bilong ol.

Ol bin wokim bikpela wok long taim bilong bikpela pait ol i kolim Wol Woa 2 na klostu long taim bilong kantri i kisim independens long 1975.

Papua Niugini i amamasim 30-ya anivesari long tupela mun i go pinis. Ol pipel i bin lukim planti senis i kamap insait long tripela ten krismas.

Ol saveman na meri i save developim kantri, husat i gat save na tingting long plenim ron bilong kantri. Tasol tingim ol dispela lain long taim bilong 'masta', husat i brukim bus long kamapim gutpela sevis long kantri. Ol i bin pas wantaim ol lain bilong ples, kisim ol lidaman kam klostu, lukluk long wanem hap gavman

stesis bai stap na dispela samting i kisim longpela taim long kamapim.

Wanpela pilai drama bilong Kuma Taigas bilong Kari-Kanimbe insait long Tambul long Westen Hailans Provins long soim wokabaut bilong ol patrol opisa o kiap bilong bipo i pullim tru planti manmeri na planti i bin sori tru long dispela. Ol i bin pilai long soim ol dispela patrol opisa o kiap i bin kam na kirapim Tambul stesis.

Ol manki Kuma Taigas bilong Malgumb, wanpela klen bilong Kari - Kanimbe wanpisin i kamapim dispela pilai long soim ol yangpela bilong nau piksa bilong ol tumbuna na papa bilong ol i kisim ol waitman kiap na patrol opisa go long Tambul, klinim ples na kamapim Tambul gavman stesis.

Dispela pilai i soim au ol patrol opisa na ol polis bilong bipo i kam toktok wantaim ol man bilong ples, kisim ol strongpela man, kamapim ol olsem tultul na luluai, givim ol swit

...Kamap bilong Tambul Stesis



HARIM SANAP: Polisman Thomas Dupi sanap harim tok bilong masta

pela kaikai, brukim traipela wara na kirapim Tambul stesis. Dispela i opim rot bilong ol narapela sevis olsem hausik na skul i go insait long Tambul eria.

Man i go pas long dispela pilai drama, Thomas Dupi, i tokim Wantok Niuspepa olsem:

"Dispela pilai em mipela i putim aut long soim ol pablik na tu ol yangpela bilong nau long au ol lain tumbuna na ol papa bilong

mipela i toktok wantaim ol patrol opisa na ol kiap long kamapim Tambul stesis. Ol masta i bin wokim ol gris toktok na givim ol samting olsem tamiok, sol, mira na ol klos long pulim tingting bilong ol. Ol tumbuna na ol papa i bin kisim ol dispela samting na larim ol long kirapim gavman stesis olsem nau yumi lukim long en," em i tok.

Tasol em i tok dispela ol samting em olsem ol i yusim long ol man i mas

helpim ol long mekim wok bilong ol.

Dupi i tok nambawan patrol opisa o kiap em wanpela waitman, nem bilong em Ropi. Em i bin kam lukluk raun insait long Tambul eria. Em i bin kam wantaim narapela tupela polisman bilong Papua Niugini. Nem bilong tupela em Simbu Kama na Anton bilong Goroka. Ol i bin kam long ples na painim ol gutpela man husait i strong na ol man inap mekim wok

bilong senisim ples na helpim ol.

Tupela lida man bilong ples ol i bin painim em Kanimbe Namai na Kanimbe Kuma we ol bin makim tupela olsem lului na bihain givim tultul long tupela wantaim. Ol patrol opisa o kiap i tokim tupela long painim sampela gutpela hap bilong kamapim gavman stesis.

Long dispela taim tu bikpela pait i kamap na ol lain istap nabaut long olgeta hap. Taim ol i harim ol masta kam wantaim ol polisman, planti i pret na i no kam soim pes.

Tupela i bin bungim ol lain bilong tupela na painim wanpela ples long sanapim gavman stesis.

Aninit long lukaut bilong tupela polisman, ol man i karim ol bokis bilong ol patrol opisa we i gat ol buk na ol narapela pepa bilong wok. Ol i bin brukim traipela wara Ambuga, we i save ron namel long ples bilong ol Kanimbe na Tambul stesis. Ol i go long narapela sait na

kamapim sesin we nau stesis i sanap long em.

Hanmak bilong ol i karim bikpela kaikai. Nau i gat distrik opisa, we dispela opisa i gat hap opisa gen bilong polis, didiman, komes o sait bilong wokim bisnis na ol narapela wok. Long stesis tu i gat kansel semba bilong Maunten Giluwe Lokal Level Gavman, Hausik, Top-Up skul na bikpela hap eria bilong wok didiman rises (Nesene! Agrikalsa na Risets Institiut, NARI) na ol haus bilong ol wokman.

Wanpela lidaman bilong ples Alkena insait long Lowa Kaguel, Peter Philip, husat i lukim dispela pilai i tok dispela i nambawan pilai we i soim au ol kiap na patrol opisa i bin kam long kirapim ples.

"Planti ol man meri bilong nau i ting olsem ol dispela samting i kamap isi tasol ol ino save olsem sampela lain i bin hat wok long kirapim ples long kamapim gutpela sevis i kam insait long ol wan wan haus lain bilong mipela," em i tok.

RABAU SHIPPING and STARSHIPS HOLIDAY SCHEDULES FOR NOVEMBER/DECEMBER 2005 AND JANUARY 2006

NEW GUINEA ISLANDS SERVICE

	MONDAY		TUESDAY		WEDNESDAY		THURSDAY		FRIDAY		SATURDAY		SUNDAY	
	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO
SOLOMON QUEEN	2PM LAE	KBE	4PM KBE	RAB	3PM RAB	BUA	3PM BUA	RAB	3PM RAB	KBE	10AM KBE	LAE	8AM ARRIVE LAE	
RABAU QUEEN	6AM BIA 12PM KBE	KBE LAE	8AM ARRIVE LAE		3PM LAE	KBE	10AM KBE 3PM BIA	BIA RAB	4PM RAB	KVG	4PM KVG	RAB	3PM RAB	BIA
MOROE QUEEN	8AM ARRIVE RABAU		3PM RAB	KBE	10AM KBE	LAE	3PM LAE	ORO	3 PM ORO	LAE	2PM LAE	KBE	4PM KBE	RAB
KOKOPO QUEEN									5PM RAB	PAL	10AM PAL 12PM UVL 3PM PAL	UVL PAL RAB	8AM ARRIVE RABAU	

SANDAUN SERVICE

	MONDAY		TUESDAY		WEDNESDAY		THURSDAY		FRIDAY		SATURDAY		SUNDAY	
	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO
MARANG QUEEN	5PM MAG	WWK	4PM WWK	MAG	8AM ARRIVE MADANG		5PM MAG	WWK	4PM WWK	MAD	8AM ARRIVE MADANG			

FORTNIGHTLY SAILINGS TO VANIMO FROM WEWAK

MILNE BAY SERVICE

	MONDAY		TUESDAY		WEDNESDAY		THURSDAY		FRIDAY		SATURDAY		SUNDAY	
	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO	DEP FROM	TO
POMIO QUEEN	8AM ALO	MIS	8AM MIS	ALO	8AM ALO 3PM SAM	SAM ALO	8AM ALO	POM	5PM POM	ALO			5:30PM ARRIVE ALOTAU	
ATOLLS QUEEN	5AM ARRIVE ALOTAU		8AM ALO 5PM MAP 6:30PM KAL 7PM WAI	MAP KAL WAI BOL	7AM BOL 7:30AM WAI 8AM KAL 8:30AM MAP	WAI KAL MAP ALO	7AM ARRIVE ALOTAU		5PM ALO 12AM SAL	SAL ESA	7AM ESA 9AM LOS	LOS ESA	10PM ESA	ALO
SAMARAI QUEEN	8AM ALO 3PM SAM	SAM ALO			10AM ALO 5PM WED	WED RBR	7AM RBR 9:30AM CVG 12PM WAN	CVG WAN TUF	1AM TUF 2PM ORO	ORO TUF	10M TUF1 11AM WAN 1PM CVG 3PM RBR 10PM WED	WAN CVG RBR WED ALO	9PM ARRIVE ALOTAU	

***WE WILL MAKE EVERY EFFORT TO NOTIFY PASSENGERS OF ANY SCHEDULE CHANGES**

ABBREVIATIONS: ALOTAU-ALO BUKA-BUA KALOKALO-KAL LOSUIA-LOS MISIMA-MIS PORT MORESBY-POM SALAMO-SAL WAILAGI-WAI BIALLA-BIA CAPE VOGAL-CVG KAVIENG-KVG MADANG-MAG

ORO BAY- ORO RABARABA-RBR TUF1-TUF WANIGELA-WAN BOLUBOLU-BOL ESA'ALA-ESA KIMBE-KBE MAPAMOIWA-MAP PALMALMAL-PAL RABAU-RAB UVOL-UVL WEDAU-WED WEWAK-WWK

CONTACTS: ALOTAU 641 0012, 641 0031; BIALLA 983 1014; BUKA 983 9817; KAVIENG 984 2755; KIMBE 983 5365, 983 5399; LAE 472 5699, 472 5861; MADANG 852 1322; PORT MORESBY 325 7445, 325 7455; RABAU 982 1070, 982 1071, 982 1072; WEWAK 856 1160; VANIMO 857 1144

Awot nait i kam gut stret



LUKSAVE I STAP: Papa na mama bilong tupela brata bilong Twin Hoks Ben bilong Kavieng, Rosa na James Wol (sanap holim ol awot) i makim tupela pikinini bilong ol na kisim tupela awot ol i winim. Ol i sanap wantaim Marketing Menesa bilong SP Bruri, Albert Veratau (namel) na Jimmy Peter bilong Lihir Maining Kampani.



Natasha Bodger i raitim

POT MOSBI Kantri Klub i bin kam gut stret taim ol kain kain musik manmeri insait long kantri na Pasifik i bin kam bung wantaim long makim 2005 SP Musik Awots las wik Sarere nait.

Namel long dispela ol musik lain bin James na Rosa Wol, papama bilong tupela brata bilong Twin Hox, wanpela ben bilong Kavieng we i bin stap long kisim awot bilong tupela pikinini bilong ol.

Maten Kadiek, singsing we i sindaun moa long tupela ten tu (22) wik long Nesenel Wikli Hit Pareit, we Yumi FM i save go pas long em, i kisim singsing awot bilong dispela na namba wan Nupela Grup Bilong Yia 2005.

Twin Hox Ben i kam

long Lipuko wanpela ples long Lihir Ailan insait long Nu Ailan provins, i bin stap insait long tripela resis o ketogori namel long ol arapela musik manmeri bilong PNG.

James Wol, papa bilong tupela ol Twin Hox brata, Tony na Paul Wol, i tok em i amamas tru olsem SP na Yumi FM i luksave long musik bilong tupela pikinini bilong em tasol em i sore tru long wanem tupela i no stap long lukim hat wok bilong ol i karim kaikai na kisim dispela awot.

"Mi laik tok bikpela tenkyu long Lihir Menesmen long karim mi na meri bilong mi kam long Mosbi na tu long Emmanuel Mugunaua long Cyclone Studio long bilip na luksave bilong em long singsing bilong tupela bois bilong mi husat i bin kisim

bagarap long taim i go pinis," James i tok.

Em i tok tenk yu tu long SP Bruri long sapot na sponsa bilong ol long PNG musik industri na long mekim dispela nait i kamap.

Em i tok tupela bois bilong em i no stap long kisim dispela ol awot "tasol mipela save olsem sapos ol i stap taip yet bai ol i amamas tru long kisim awot na tu mipela i laik tok tenk yu tru long olgeta Twin Hox musik fen insait long Lihir, Lavogai, Nu Ailan na PNG."

Shazy, nambawan musik man bilong Solomon Ailan i bin stap namel long ol arapela atis husat i winim tripela awot olgeta.

'Aelan Wei' albam bilong em i kisim bikpela luksave olsem nambawan Albam bilong yia 2005 awot na nambawan Pasifik Ailan Atis bilong 2005.

Narapela awot we Sharzy i bin winim long dispela nait em sat konsistensi o planti bilong ol singsing long albam bilong em i sindaun long musik kaundaun sat.

Sharzy i tok em i gat bikpela amamas long ol tupela sponsa SP na Yumi FM long mekim dispela awot i kamap tru, "i go long Ronnie Paiva husat i save hat wok long helpim mi wantaim ol singsing bilong mi na bikpela wan i go ol fens bilong mi long PNG long sapot bilong ol na lav bilong ol long musik industri long kantri."

Oi narapela awot long dispela nait i bin go long Sebeats ov Sepoe, Dadii Gii, Uralom Kania, Niu Age Ben, Slim Buda, Julius Maob, Haus Boi na Patti Potts Doi.



RUKI YA: Dadii Gii i kisim Ruki bilong Yia 2005.



TELIKOM PNG Limited
Now we're really talking!

PABLIK NOTIS

RFQ TPL 808

Telikom PNG Limited i askim ol biknem saplaia long givim ol prais bilong:

SAPLAI, DELIVARI, NA KOMISIN BILONG OL DIJITEL SEKET MALTIPLIKESAN IKWIPMEN O MASIN (DCME) BILONG SETELAIT DOMESTIK NETWOK BILONG TELIKOM, NA TU LONG LUKAUTIM GSM TREFIK LONG DISPELA WANPELA NETWOK.

Yu ken kisim sof kopi dokumen sapos yu salim askim bilong yu long feks, email o pas, na yu mas baim wanpela fl inap long tu handret kina (PGK 200.00) o wanpela beng o kampani sek i go long **TELIKOM PNG LIMITED**. Yu ken ringim:-

**The Secretary
Supply & Tenders Committee
P O Box 6352
Boroko, NCD
Papua New Guinea**

**Tel: +(675) 300 5989
Fax: +(675) 325 6759
Email: damos@telikompng.com.pg**

Bikpela toksave: Olgeta bid bilong dispela i mas stap insait long wanpela envelop i sil gut na i mas i gat dispela RFQ namba na taim bilong pinis na yu ken salim i kam long dispela atres antap o yu ken lusim insait long 'Tenda Bokis' i stap long:

**Grass Fica, Telikom Rumana
Kumaf Avenue, WAIGANI**

Oi askim long sait bilong teknikel wok i ken go long:-

**Mr. Kevin Kaluwia
Planning & Design Department
1st Floor, Telikom Rumana
Waigani, NCD
Papua New Guinea**

**Tel: +(675) 300 5231
Fax: +(675) 300 5208
Email: kkaluwia@telikompng.com.pg**


Tingim: Taim bilong tenda bai pas long Tunde, namba 6 Disemba 2005 long 2 kilok apinun PNG Taim.

ZERO
BALENS:
Julius
Maob,
mangi
Raikos i
pairapim
namba
wan
singsing
bilong em.



KILIM STRET: Ol manmeri i no isi long seksekim lek i go kam.

Apim royalti bilong ol musik man



TINGIM OL MUSIK ATIS: Justin JK Kili i tok strong long givim luksave long hat wok bilong ol musik atis na apim mak bilong royalti o winmani bilong ol.

Natasha Bodger
i raitim

MUSIK insait long Papua Niugini i wok long kamap strong tru taso mani o royalti we ol musik manmeri i save kisim bek olsem pe bilong musik bilong ol i no stret na i liklik tumas.

Ol i no save kisim bek gut mani bilong ol taim kampani i rekodim musik bilong ol i save salim long wanem royalti pe i liklik tumas.

Dispela toktok i bin kam long biknem musik man insait long PNG musik, Justin 'JK' Kili i autim taim em i makim maus bilong ol musik bos insait long PNG na musik industri.

JK i tok musik insait long kantri i makim moa long tripela ten krismas na yumi wok long go

het yet tasol yumi ol musik atis mas wok wantaim long kamapim gutpela bekim bilong dispela industri.

Long sait bilong musik na pairap bilong en, yumi kalap go antap tru na nau sindaun wantaim ol arapela musik atis insait long Pasifik rijen.

Em i tok "taim yumi kalap i go antap moa long saun na musik bilong yumi, sait bilong royalti i mas kamap stret tu long wanem i no liklik wok ol musik atis i mekim na tu mi laik singaut long ol musik studio long traim na mekim sampela senis long taim bihain."

JK i tok tu olsem sapos yumi no sapatim ol musik manmeri, bai ol i no traim long stap strong insait long musik industri long wanem ol i

no kisim gutpela bekim o pei taim ol i wokim singsing bilong ol.

Em i tok em i laikim bai ol musik atis tu i bung wantaim na kamapim wampela grup we bai inap lukluk long dispela ol hevi bilong ol na traim long stretim toktok namel long ol na musik studio.

Em i autim olsem taim PNG i kisim kopi rait lo, i no wok strong stret long wanem planti ol redio na TV stesin, produsa na pablisa i wok long pleim ol singsing na i no luksave olsem i gat man o meri we i hat wok long kamapim dispela singsing.

Em i tok olsem awot nait we SP na Yumi FM na ol arapela spona i wokim kamap em wampela gutpela rot long givim luksave long ol atis insait long PNG na tu traim long soim ol manmeri we i gat talent o stail tru long singsing na mekim musik.

Em tok tenkyu tu long Chin H Meen Supa Sauns na Pasifik Gof long ol awot nait bilong ol long bipo we i save givim luksave long ol musik atis bilong 1980 na 1990 na tu Benson na Hedges na British American Tobacco long kamapim Golden Tones Musik Awot bilong bipo.

Las tru em i singaut long SP Bruri na Nius Midia insait long PNG long strongim sapat bilong ol long musik awot bilong 2006 na olgeta bai kamap bihain.



NIU AGE: Niu Age Ben bilong Bogenvil i no isi long kirapim skin bilong ol manmeri.



TELIKOM PNG Limited
New we're really talking!

PABLIK NOTIS

APGRET BILONG WEWAK TELEPON EKSENS

Telikom PNG i laik toksave long ol kastoma bilong em olsem bai gat apgret wok i kamap long Wewak Telepon Eksens long Fraide, namba 25 de bilong mun Novemba, 2005 bai stat long 7 kilok nait.

Wan wan ol liklik hevi bai kamap stat long namba 25 de i go inap 29 de bilong mun Novemba, 2005. Ol telepon kol i go insait na i kamaut long Wewak bai no inap wok gut taim dispela wok apgret i kamap.

Ol telepon namba we bai gat wan wan hevi em:

856 1XXX	857 69XX	856 2XXX
857 79XX	857 2XXX	857 89XX
857 39XX	858 30XX	857 49XX
858 51XX	857 59XX	858 87XX

Telikom PNG i tok sori long wanem kain hevi i kamap.

Toksava i kam long Menesmen

- www.telikompng.com.pg

Sasha mekim nem wantaim Trouble Zone

EM i bin kam insait long PNG musik industri wantaim bikpela pairap tru na nek bilong em i bin nupela na i pulim iau bilong planti manmeri husat i laikim tru nek bilong em.

Dispela nupela nek insait long PNG musik em Sasha Laris-Silovo, wanpela long ol meri husat nek bilong em i strong tru na i nogat wankain nek bipo i kam inap nau.

Nupela nek insait long PNG

Sasha i gat wanpela nek we yu ken tok olsem i nogat narapela i wankain insait long PNG musik industri longpela taim tru. Laspela taim we i bin i gat wanpela kain nek olsem em taim Loujaya Dunar i bin lusim musik long 1992 bihain long em i bin kukim wantaim singsing bilong em long Saut Pasifik Gems, Keep The Fire Alive.

Tru tumas, taim Sasha i singsing, bai yu mas sanap na harim nek bilong em. Bai yu paol olgeta. Em nek bilong meri PNG o meri bilong wanpela arapela kantri. Tasol taim yu harim singsing bilong em Livin' On a Prayer, wanpela singsing em yet i raitim, bai yu luksave olsem PNG musik industri i wok long bihainim rot i go long intanesenel maket.

Em i gat wanpela ten seven kris-mas tasol, tasol em i gat namba wantaim ol musik rekoding studio taim em i rekot insait long CHM Supasauns studio taim em i skul gret 2 long Sen Josephs Intanesenel Katolik Skul, Boroko we em i bin singsing insait long wanpela skul kwaia taim ol i rekotim wanpela redio singsing It Is My Right. Dispela singsing em UNICEF, ol lain bilong lukautim sindaun bilong ol meri na pikinini i bin askim ol long mekim.

Strongim laik long musik

Mama bilong em Salome Laris-Silovo i bin raitim singsing, go pas long kwaia na rekotim redio jinkel em yet. Dispela singsing i save kamap long redio planti taim olgeta yia na moa yet long Novemba 20 olgeta yia. Dispela de em Intanesenel Pikinini De we Yunaitet Nesens yet i makim. Tasol Salome i bin bungim bagarap taim sik kensa i bin kisim laip bilong em sampela yia i go pinis. Papa bilong Sasha, Ronald Silovo, wanpela pablik seven i wok long skul long kisim Mastas Setifiket long Pablik Etministresen long Gol Kos, Australia.

Sasha i go stap wantaim papa bilong em long Australia long mun Februari dispela yia na i wokim gret 11 long Tweekhead Girls Gramma Skul. Em bai stap long Australia long mekim Gret 12 neks yia.

Papa bilong em, Ronald em bilong ples Mailu insait long Sentrel provins na leit mama bilong em, Salome em bilong Buka ailan.



Sasha na Trouble Zone

Sasha Laris-Silovo em i wanpela strongpela, yangpela na stail meri husat i kam long wanpela famili i save laikim tru singsing olsem ol i save mekim long Sen Josephs Sios long Boroko long Mosbi.

Sasha i kamap long albam bilong wanpela long ol bik nem musik grup, Trouble Zone, long nupela albam bilong ol Livin' On A Prayer we i kamaut aninit long Cyclone Studios.

Sasha yet i singsing solo long tupela singsing, Sina Soho, wanpela sore singsing na stori we em i singsing long tingim leit mama bilong em, Salome. Em i bin wok olsem wanpela agrikalsa na kworentin opisa. Dispela singsing i stori long laspela taim bilong em wantaim ol pikinini bilong em.


Em i singsing long dispela singsing Livin On A Prayer we em yet i bin raitim. Bihain em i singsing bekap long ol arapela singsing

"Wankain olsem wanpela palai i save senisim skin bilong em, nem Warzone i senis gen long 1990, na em i senis i go long Crisis Survivors husat i rekotim ol supa hit olsem Tsomi Alia na Gutsomi, ol singsing ol arapela ben olsem Niu Age Ben i wok long pairapim i stap."

long dispela albam.

Longpela taim tru i bin lus na musik industri i no harim wanpela singsing i kam long Trouble Zone. Nau em 15 krismas i lus pinis bihain long ol i rilisim singsing Oh My Island Bougainville, we ol i raitim long stori long ol samtng i kamap long leit 80s taim hevi i bin kamap long Bogenvil. Tasol bihain long dispela wanpela singsing, Trouble Zone i bin lus.

Nau, bihain long bikpela pait i kamap long ples bilong ol, bihain long ol memba bilong ol i go kalabus, bihain long wanpela nupela otonomes gavman i kamap na wanpela nupela meri i singsing wantaim ol, Trouble Zone i kam bek gen na nupela albam bilong ol em i nambawan tru.



Dispela Livin On A Prayer albam i gat tenpela singsing long tok ples Bogenvil. Namba wan singel, Sina Soho em planti manmeri i laikim pinis na ol i no save isi long askim long en taim ol i ringim Yumi FM redio stesen.

Namba tu singsing, Livin On A Prayer i wok long kirapim das tu. Long wanem planti i tok dispela albam na nek bilong Sasha tasol i mekim dispela singsing olsem ol i mekim na rekodim ovasis.

Cyclone helpim Trouble Zone i kam bek

Dispela Livin On A Prayer projek em Cyclone Studios yet i bin laik mekim olsem wanpela kam bek albam bilong Trouble Zone. Namba wañ albam bilong ol em ol i bin rekodim wantaim Pasifik Gold Studios long Rabaul bipo long hevi i kamap long Bogenvil.

Musik Dairekta bilong Yumi FM, Ankol ET, husat i bin stap na lukim ol senis i kamap long ben Trouble Zone taim em i wok olsem brotkasta long Redio Bogenvil, na em i stori long ol kain kain nem senis i bin kamap.

"Long 1987 ol i kolim ol yet Trouble Zone taim ol hevi i kamap na gavman na ol praivet kampani wok manmeri i bin ronawe lusim provins," Ankol E.T. i tingting bek. "Taim olgeta hevi i go bikpela olgeta, ben i senisim nem bilong em i go long Warzone na rilisim ol singsing olsem Brokenville long makim sindaun bilong Bogenvil pipel na Sulunmata, ol ai wara bilong pipel i bruk."

Ankol E.T. i tok taim olgeta samtng i wok long sindaun gut gen long 1989 ben i senisim gen nem bilong em long makim olsem ol i lusim pinis hevi.

"Wankain olsem wanpela palai i save senisim skin bilong em, nem Warzone i senis gen long 1990, na em i senis i go long Crisis Survivors husat i rekotim ol supa hit olsem Tsomi Alia na Gutsomi, ol singsing ol arapela ben olsem Niu Age Ben i wok long pairapim i stap."

Las wik Sarere nait long SP Rok Musik Awots 2004-2005 Niu Age Ben i winim tupela awot, Albam bilong Yia 2004, bilong albam Tsomi Alia na Nambawan Grup bilong Yia 2004. Tasol em bilon stori bilong neks wik.

Kirap bek bilong Trouble Zone

Wanpela memba bilong ben Trouble Zone na man husat i stap taim ol nem i wok long senis, Marcelline Getsi i bin bung wantaim saun enjinia Emmanuel Muganaua bilong Cyclone Studios na givim tingting bilong em olsem em i laik kirapim bek ben aninit long namba wan nem bilong em, na em i askim Emmanuel long painim wanpela meri bilong singsing long dispela nupela albam.

"Projek i bin stat long Buka tas yia yet taim mi na Marcelline i bin stat long bungim ol singsing bilong Livin On A Prayer albam," Emmanuel i stori. "Bihain mipela i mekim dispela i go olgeta long Mosbi na putim nek bilong Sasha long tupela singsing we em i singsing

ing solo."

Manu i tok dispela singel Sina Soho we Sasha i singsing i gat wanpela naispela sore kra i bilong em na nek bilong Sasha na stail bilong em long singsing i makim tru sore bilong em long lusim mama bilong em Salome. Singsing bilong em Livin On A Prayer i kamaut long tupela stail. Wanpela em i isi, na narapela em tekno miks bilong en.

"Mi sindaun bihain long mipela i rekodim dispela singsing i go i go long wanem mi bin bilip olsem sapos mi inap kisim nek bilong Sasha na bungim wantaim wanpela stail tekno musik, em bai kamapim wanpela gutpela singsing bilong danis."

Manu i mekim dispela wantaim singsing Livin On A Prayer. Em i givim wanpela promosenet kopi i go long Yumi FM na em i kamap gut tru. Yes, dispela singsing em i wanpela top singsing tru. Yes, dispela

singsing em i nambawan tru we taim mi harim nambawan taim, mi ting olsem em i wanpela singsing i kam long Amerika.

Tasol taim anaunsa i tok olsem singsing i kam long Sasha na Cyclone Studio i rilisim, mi kirap nogut tru.

Karamap bilong albam bilong ol i givim liklik stori long as bilong Trouble Zone i no rilisim ol rekoding insait long wanpela ten 5 yia i go pinis. Getsi, husat nau i holim wok olsem memba bilong Otonomes Bogenvil Haus bilong ol Mausman i bin kalabus long Kerevat Haus Kalabus long Is Nu Briten olsem wanpela kalabus man.

Long dispela albam bilong ol em i raitim wanpela singsing Bapien Ri Bougainville long salim i go long ol wanlain Bogenvil kalabus husat i bin kalabus namel long 1990 na 2002.

Marcelline em i wanpela nambawan musik man husat i bung wantaim namba wan man Bogenvil bilong raitim singsing na singsing yet, Simon Hanga. Tupela i bin strongim Bogenvil musik industri taim ol i bin go pas long Trouble Zone na Warzone long 1980s, Crisis Survivors long 90s na ol milenium hitmekas, Niu Age Ben long 2003.

****Yu ken ritim ol stori bilong Musik olgeta Mande insait tasol long The National**

Raun wantaim Kanage olgeta wik



YUMI FM NATIONAL WEEKLY HITPARADE NOVEMBA 19, 2005


Singsing	Musik Atis	Dispela Wik
Maten Kandiek	Twin Hok of Kavieng	1
Lavili fes biutiful bodi	Stranded	2
Queen 4 Lane	Leonard ft Anslom	3
Kinoa Eopa	Sharzy	4
Ramandu	Off Cuts	5
Rosie Marara	Sharzy	6
Ngo Oei Nei	Paeva	7
Mi Nao	Sharzy	8
Lala Tora	Sebeats of Sepoe	9
Tavue	Off Cuts	10
Keliu Ngala	Saba	11
Boina Tuna	Twin Hok of Kavieng	12
Tei Kariko	Sebeats of Sepoe	13
Lavai	Sebeats of Sepoe	14
Longlong man	Songkexz	15
Living on a prayer	Troublezone ft Sasha	16
Sorpendeng	Twin Hok of Kavieng	17
Uve Gema	Saba	18
Much Love	Justin Wellington	19
Sore Lewa	Sharzy	20

TV GAID

FONDE, 17 NOVEMBER 2005		NEWS	
4.59AM	STATION OPEN	6.30PM	G ICE DISCOVERED Grand Final (2-hour finale)
5.00AM	G CREFFLO DOLLAR	8.30PM	G 60 MINUTES
5.30AM	G JOYCE MEYER	9.27PM	G EMTV TOK SAVE
6.00AM	G TODAY	9.30PM	M SUNDAY NIGHT MOVIE: EXIT WOUNDS (2001) Action/Thriller - Orin Boyd (Seagal) is a Detroit cop who does n't follow rules. After he saved the Vice President by violating every order he received he is transferred to one of the worst precincts in the city. There he quickly encounters some corrupt cops selling heroin to drug dealers. The problem is, it's very difficult to tell who is the bad guy and who you can trust. Stars: Steven Seagal, DMX, Isiah Washington.
9.00AM	G 2ND TEST - AUSTRALIA v WEST INDIES	11.30PM	G EMTV NEWS
11.30AM	G THE CRICKET SHOW	MIDNIGHT	EMTV PRIME TIME LINE UP
12NOON	G AUSTRALIA v WEST INDIES		
5.27PM	G EMTV TOK SAVE		
5.30PM	G TEMPTATION: THE BACHELOR		
6.00PM	G NATIONAL EMTV NEWS		
6.30PM	G A CURRENT AFFAIR		
6.57PM	G NEWS UPDATE IN TOK PISIN		
6.59PM	G LOTTO DRAW		
7.00PM	G CHM SUPER		
7.57PM	G EMTV TOK SAVE		
8.00PM	G SPORT S		
9.30PM	PG THE APPR		
10.30PM	G EMTV NEWS REPLAY		
11.00PM	PG LEGEND OF THE HIDDEN CITY		
MIDNIGHT	EMTV PRIME TIME LINE UP		
FRAIDE, 18 NOVEMBA 2005		MANDE, 21 NOVEMBER 2005	
4.59AM	STATION OPEN	4.57AM	STATION OPEN
5.00AM	G CREFFLO DOLLAR	5.00AM	G CREFFLO DOLLAR
5.30AM	G JOYCE MEYER	5.30AM	G JOYCE MEYER
6.00AM	G TODAY	6.00AM	G TODAY
9.00AM	G 2ND TEST - AUSTRALIA v WEST INDIES	9.00AM	G 2ND TEST - AUSTRALIA v WEST INDIES
11.30AM	G THE CRICKET SHOW	11.30AM	G THE CRICKET SHOW
12NOON	G AUSTRALIA v WEST INDIES	12NOON	G AUSTRALIA v WEST INDIES
5.30PM	G TEMPTATION: THE BACHELOR	5.30PM	G TEMPTATION: THE BACHELOR
6.00PM	G NATIONAL EMTV NEWS	6.00PM	G NATIONAL EMTV NEWS
6.30PM	G A CURRENT AFFAIR	6.30PM	G A CURRENT AFFAIR
6.58PM	G NEWS UPDATE IN TOK PISIN	6.59PM	G NEWS UPDATE IN TOK PISIN
6.59PM	G LOTTO DRAW	7.00PM	G LOTTO DRAW
7.00PM	PG SURVIVOR GUATEMALA	7.02PM	G PRAISE
8.00PM	G TOK PIKSA	8.00PM	G TOK PIKSA MON DAY EDITION
8.27PM	G EMTV TOK SAVE	8.27PM	G EMTV TOK SAVE
8.30PM	M TAKEN	8.30PM	PG WHO WANTS TO BE A MILLIONAIRE **final**
10.30PM	G NEWS EMTV REPLAY	9.30PM	M C.S.I. MIAMI
11.00PM	M C.S.I.	10.30PM	G EMTV NEWS REPLAY
00.00AM	EMTV PRIME TIME LINE UP	11.00PM	G CHM SUPER SOUND
		12MIDNIGHT	EMTV PRIME TIME LINE UP
SARERE, 19 NOVEMBA 2005		TUNDE, 22 NOVEMBA 2005	
8.00AM	G PLANET FANTA	5.29AM	STATION OPEN
9.30AM	PG 50 FRESH	5.30AM	G JOYCE MEYER
10.30AM	G 2ND TEST - AUSTRALIA v WEST INDIES	6.00AM	G TODAY
11.30AM	G THE CRICKET SHOW	9.00AM	G CREFFLO DOLLAR
12NOON	G AUSTRALIA v WEST INDIES	9.30AM	EMTV PRIME TIME LINE UP
6.00PM	G NATIONAL EMTV NEWS	KIDS KOHA	
6.30PM	PG AUSTRALIA'S FUNNIEST HOME	4.57PM	G EMTV TOK SAVE
7.30PM	G EDUCATION PNG	5.00PM	G THE PRICE IS RIGHT MONSTER SHOWCASE
8.00PM	G SOUTH PACIFIC MUSIC	5.30PM	G TEMPTATION
8.57PM	G EMTV TOK SAVE	6.00PM	G NATIONAL EMTV NEWS
9.00PM	PG XENA WARRIOR PRINCESS	6.30PM	G A CURRENT AFFAIR
10.00PM	M WALKER TEXAS RANGER	6.57PM	G NEWS UPDATE IN TOK PISIN
11.00PM	G EMTV NEWS REPLAY	6.59PM	G LOTTO DRAW
11.30PM	PG AIRLINE	7.00PM	G HAUS & HOME
MIDNIGHT	EMTV PRIME TIME LINE UP	7.57PM	G EMTV TOK SAVE
SANDE, 20 NOVEMBA 2005		8.00PM	PG YOU ARE WHAT
3.59AM	**STATION OPEN**	8.30PM	PG NANNY 911
4.00AM	G TRI-NATIONS RUGBY	9.30PM	M RPA
6.30AM	G THE WORLD HERITAGE	10.00PM	G KING OF QUEENS
7.00AM	G AGRICULTURE FIRST	10.30PM	G EMTV NEWS REPLAY
7.27AM	G EMTV TOK SAVE	11.00PM	PG BACKYARD BLITZ
7.30AM	G BUSINESS SUCCESS	12MIDNIGHT	EMTV PRIME TIME LINE UP
8.00AM	G BUSINESS SUNDAY	TRINDE, 23 NOVEMBA 2005	
9.00AM	G SUNDAY	5.29AM	STATION OPEN
10.30AM	G 2ND TEST - AUSTRALIA v WEST INDIES	5.30AM	G JOYCE MEYER
11.30AM	G THE CRICKET SHOW	6.00AM	G TODAY
12NOON	G AUSTRALIA v WEST INDIES	9.00AM	G CREFFLO DOLLAR
5.00PM	G WILD ADVENTURES WITH DAVID IRELAND	9.30AM	EMTV PRIME TIME LINE UP
6.00PM	G NATIONAL EMTV	KIDS KOHA	
		4.57PM	G EMTV TOK SAVE
		5.00PM	G THE PRICE IS RIGHT MONSTER SHOWCASE
		5.30PM	G TEMPTATION
		6.00PM	G NATIONAL EMTV NEWS
		6.30PM	G A CURRENT AFFAIR
		6.57PM	G NEWS UPDATE IN TOK PISIN
		6.59PM	G LOTTO DRAW
		7.00PM	G ICC CRICKET WORLD
		7.30PM	PG MCLEOD'S DAUGHTERS (final)
		8.27PM	G EMTV TOK SAVE
		8.30PM	M WEDNESDAY NIGHT MOVIE: THE BACHELOR (1999) Romance/Comedy - A commitment-phobic man goes in search of a bride including his fed up girlfriend, to inherit his grandfather's \$100 million inheritance. Stars: Chris O'Donnell, Renee Zellweger.
		10.30PM	G EMTV NEWS REPLAY
		11.30PM	G SOUTH PACIFIC MUSIC
		12.30AM	EMTV PRIME TIME LINE UP

CATHOLIC RADIO 103.5 FM

Fonde		Mande	
6.00	ANGELUS	6.05	SUNDAY EUCHARIST (replay)
6.05	MEDITATION/INSPIRATIONAL MUSIC	7.00	HOLY ROSARY
7.00	VATICAN RADIO WORLD NEWS	7.30	CATHOLIC INSIGHT
7.15	VATICAN ENGLISH PROGRAM	8.00	VATICAN WORLD NEWS
7.35	NON-STOP GOSPEL MUSIC	8.15	VATICAN ENGLISH PROGRAM
8.00	JOURNEY HOME (EWTN)	8.40	IN THE LORD'S VINEYARD
9.00	VATICAN RADIO WORLD NEWS	10.00	NON-STOP GOSPEL MUSIC
9.15	VATICAN ENGLISH PROGRAM	Fraide	
9.40	KIDS SING-ALONG	6.00	ANGELUS
10.00	CATHOLIC JUKEBOX	6.05	MEDITATION/INSPIRATIONAL MUSIC
10.30	GOSPEL MUSIC	7.00	VATICAN WORLD NEWS
11.00	NON-STOP GOSPEL MUSIC	7.15	VATICAN ENGLISH PROGRAM
12.00	ANGELUS	7.35	NON-STOP MUSIC
12.05	VATICAN WORLD NEWS	8.00	BEST OF JOURNEY HOME
12.20	VATICAN ENGLISH PROGRAM	9.00	VATICAN WORLD NEWS
12.40	REFLECTION MUSIC	9.15	VATICAN ENGLISH PROGRAM
1.00	LAMB'S SUPPER WITH DR. SCHOTT HAHN	9.35	KIDS SING ALONG
2.00	MUSIC	10.00	CATHOLIC JUKEBOX (EWTN)
3.00	CHAPLET OF DIVINE MERCY	10.30	NON-STOP GOSPEL MUSIC
3.20	NON-STOP GOSPEL MUSIC	12.00	ANGELUS
4.00	CATHOLIC JUKEBOX (EWTN)	12.05	VATICAN WORLD NEWS
4.30	NON-STOP GOSPEL MUSIC	12.20	VATICAN ENGLISH PROGRAM
5.00	JOURNEY HOME	12.40	AFTERNOON REFLECTION MUSIC
6.00	ANGELUS	Tunde	
6.05	MADANG LOCAL NEWS	6.00	ANGELUS
6.10	VATICAN ENGLISH PROGRAM	6.05	MEDITATION/INSPIRATIONAL MUSIC
6.30	LAMB'S SUPPER WITH DR. SCHOTT HAHN	7.00	VATICAN WORLD NEWS
7.00	HOLY ROSARY	7.15	VATICAN ENGLISH PROGRAM
7.30	CATHOLIC INSIGHT	7.35	NON-STOP MUSIC
8.00	VATICAN WORLD NEWS	8.00	BEST OF JOURNEY HOME
8.15	MADANG LOCAL NEWS	9.00	VATICAN WORLD NEWS
8.30	VATICAN ENGLISH PROGRAM	9.15	VATICAN ENGLISH PROGRAM
9.00	TOK STREET LONG HVAIDS	9.35	KIDS SING ALONG
10.30	VATICAN ENGLISH PROGRAM	10.00	CATHOLIC JUKEBOX
		10.30	GOSPEL MUSIC
		12.00	ANGELUS
		12.05	VATICAN WORLD NEWS
		12.20	VATICAN ENGLISH PROGRAM
		12.40	AFTERNOON REFLECTION MUSIC
		Sarere	
		6.00	ANGELUS
		6.05	MEDITATION/INSPIRATIONAL MUSIC
		7.00	VATICAN WORLD NEWS
		7.15	VATICAN ENGLISH PROGRAM
		7.35	NON-STOP MUSIC
		8.00	BEST OF JOURNEY HOME
		9.00	VATICAN WORLD NEWS
		9.15	VATICAN ENGLISH PROGRAM
		9.35	KIDS SING ALONG
		10.00	CATHOLIC JUKEBOX
		10.30	GOSPEL MUSIC
		12.00	ANGELUS
		12.05	VATICAN WORLD NEWS
		12.20	VATICAN ENGLISH PROGRAM
		12.40	AFTERNOON REFLECTION MUSIC
		Trinde	
		6.00	ANGELUS
		6.05	MEDITATION/INSPIRATIONAL MUSIC
		7.00	VATICAN WORLD NEWS
		7.15	VATICAN ENGLISH PROGRAM
		7.35	NON-STOP MUSIC
		8.00	BEST OF JOURNEY HOME
		9.00	VATICAN WORLD NEWS
		9.15	VATICAN ENGLISH PROGRAM
		9.35	KIDS SING ALONG
		10.00	CATHOLIC JUKEBOX
		10.30	GOSPEL MUSIC
		12.00	ANGELUS
		12.05	VATICAN WORLD NEWS
		12.20	VATICAN ENGLISH PROGRAM
		12.40	AFTERNOON REFLECTION MUSIC
		Sande	
		6.00	ANGELUS
		6.05	MEDITATION/INSPIRATIONAL MUSIC
		7.00	VATICAN WORLD NEWS
		7.15	VATICAN ENGLISH PROGRAM
		7.35	NON-STOP MUSIC
		8.00	BEST OF JOURNEY HOME
		9.00	VATICAN WORLD NEWS
		9.15	VATICAN ENGLISH PROGRAM
		9.35	KIDS SING ALONG
		10.00	CATHOLIC JUKEBOX
		10.30	GOSPEL MUSIC
		12.00	ANGELUS
		12.05	VATICAN WORLD NEWS
		12.20	VATICAN ENGLISH PROGRAM
		12.40	AFTERNOON REFLECTION MUSIC



Salim ol pas i kam long
WANTOK NIUSPEPA:
P.O. Box 1982, Boroko
N.C.D 111
Fax: 325 2579
Email:
word@global.net.pg

Nem: Abigail Smith
Krismas: 25 (meri)
Adres: PO Box BJ 37, Awutu-Bawjiase, C/R Ghana, West Africa
Save laikim: Ritim buk, raun lukim ples, kuk, lukim TV, swimming, wokabaut long nambis na raitim pas.

Nem: Nathan Gaio Taino
Krismas: 18 (man)
Adres: Bema High School, PMB Lae Post Office, Morobe Province
Save laikim: Go painim abus long bus, hukim pis, ritim buk, tok pilai na go long lotu.

Nem: Jamian A. Rex
Krismas: 18 (man)
Adres: Kambubu Adventist Secondary School, PO Box 421, Kokopo, ENBP
Save laikim: Lotu long sabat, harim kwaia na musik, Baibel stori, lukim TV na muvi, go long skul na raitim pas long penpren.

Nem: Laura Simon
Krismas: 17 (meri)
Adres: Gavien Primary School, PO Box 175, Wewak, East Sepik Province
Save laikim: Pilai basketbol, volibol, soka, softball, harim musik, stori na tok pilai.

Nem: Vida Amisah
Krismas: 26 (meri)
Adres: University of Cape Coast, PO Box 294, Ghana, West Africa
Save laikim: Pilai basketbol, kisim poto, danis, kukim kaikai na senisim presen.

Nem: Stan Mashama
Krismas: 19 (man)
Adres: Aitape Vocational Training Institute, PO Box 34, Aitape, Sandaun Province
Save laikim: Harim musik, tok pilai na raun wantaim ol brata.

Nem: Mashama Ilankie
Krismas: 20 (man)
Adres: Aitape Vocational Training Institute, PO Box 34, Aitape, Sandaun Province
Save laikim: Stori tumbuna, pilai soka na rait long ol pren.

Nem: Dennis Akango
Krismas: 19 (man)
Adres: Angra village, C/- PO Box 34, Aitape, Sandaun Province
Save laikim: Pilai soka, raun wantaim ol pren na stap long ples.

Nem: Sam Cobrey
Krismas: 20 (man)
Adres: PO Box 2242, Lae, Morobe Province
Save laikim: Harim Reggae musik, pilai soka, raitim pas na senisim presen.

Nem: Vanessa Posong
Krismas: 18 (meri)
Adres: Papitalai Secondary School, PO Box 149, Lorengau, Manus Province
Save laikim: Pilai soka, harim musik, lukim TV, wokim fani, go huk na ridim buk.

Nem: Maureen Mulavasa
Krismas: 16 (Meri)
Adres: Mercy Secondary School, P O Box 580, Wewak, ESP
Save Laikim: Ritim Wantok Nius, tok pilai na pilai spot.

Nem: Joel Pipa
Krismas: 19 (Man)
Adres: Bema High School, PMB Lae Post Office, Morobe Province
Save Laikim: Pilai soka, basketbal, volibol, go long piknik, pilai na harim musik



BIPO tru, i gat wanpela meri wantaim tupela pikinini bilong em na ol i stap long wanpela ples.

Dispela ples i no longwe long Goroka. Wanpela em pikinini meri na wanpela i man. Tupela i liklik tru.

Ol birua i bin kilim papa bilong ol na ol tasol i stap. I nogat papa long lukautim ol. I nogat man long wokim gaden na tu helpim ol. Nogat tru. Ol i gat liklik kaikai na tu nogat samting long karamapim skin bilong ol, samting olsem laplap na snot. Em na ol i kamap rabis olgeta.

Bilong wanem na famil i bruk

Wanpela taim tupela i nogat samting long kaikai. Na mama i wari nogut tru. Bai ol liklik bilong em bai kaikai wanem samting tru? Em i tingting i go nau na i tokim ol pikinini long stap na em wanpela bai go painim kaikai. Tupela i stap nau na em i go long bikbus.

Tasol long dispela hap i gat ol traipela man bilong bikbus ol i save kaikaim ol manmeri. Planti taim long bipo ol i bin kilim na kaikai sampela pipel pinis. Em nau olgeta manmeri bilong dispela hap i pret olgeta na i no save raun wan wan long dispela ples.

Mama ya i soim wanpela diwai banana i sanap klostu long haus bilong ol. Em i tok: "ples ya, tru i gat birua, tasol i nogat kaikai tru na mi laik i go ya nau". Em i tok olsem pinis nau i kirap na sori wantaim i go long ples bilong painim kaikai.

Dispela ples i longwe moa moa yet tasol em i no pret, em i go tasol. Em i tingting long painim pis pastaim long painim kumu wantaim sampela kaikai. Em i bihainim wanpela wara i go antap long het. I no long taim em i bungim wanpela lapun man. Dispela man i

wok long sindaun long as diwai na wok long sapim tamiok ston bilong em i stap.

Meri i tingting planti na em i wari. Nogut man ya i kilim em. Em i hangre nogut tru i stap. Olsem taim meri i kamap em i askim. "Eh meri, yu i gat sampela kaikai? Mi hangre nogut tru." Lapun meri i givim sampela pis nau long en. Hangre man ya kwiktam tasol daunim olgeta na askim long sampela moa.

I no long taim, olgeta pis bilong meri i pinis. Man ya i kaikaim olgeta. "Yu laik i go olsem wanem nau?", em i askim meri. "Yu laik bihainim mi o yu laik mi bihainim yu?" Lapun meri i pret na i tingting planti.

Bihain liklik em i tok em bai bihainim dispela man man. I no long taim, tupela i painim narakin yam long gaden. Em i tokim meri: "Dispela em narapela kain yam, tasol yu nogat kaikai olsem na yu mas dikim." Tasol em i tokim, "Yu mas lukaut gut long i noken tru brukim yam long namei. Sapos olsem i nogut long yu nau."

Meri i stat long dikim i go daun. Man i holim tamiok bilong em na em i was gut tru i stap. Trangu meri i traim hat tru na digim gut i go daun. Tasol yam i gro i go insait tru na i hat moa yet long em i digim.

Daunbilo tru ya, yam i luk olsem pinis. Em nau meri i mekim nais nau asua bilong em, ya i bruk. Man, lapun man i belhat nogut tru na tok: "kamon dikim aut olgeta hap bilong yam".

Kwiktam taim tasol man i kirap katim lek bilong meri ya na trangu i dai. Na em tu i pret na hariap tasol planim em nau lusim gaden na ranawe i go pinis olgeta. Em i no moa stap hia.



Mi gat wari na mi laikim helpim

Dia Laipain,

Mi gat 20 krismas na mi wok long wanpela maining kampani. I no long taim i go pinis mi gat laik long wanpela meri husat i wok sem maining kampani olsem mi. Mipela i save raun wantaim na em i tokim mi olsem em i bin marit bipo na em i gat wanpela pikinini.

Laikim bilong mitupela i kamap bikpela na em i save kisim mi i go long ples bilong em.

Tasol wanpela samting em, krismas bilong em i bikpela moa long mi.

Mi paul na mi laik save sapos mi ken lusim em na raun wantaim narapela meri husat i wan krismas wantaim



mi, o go het long raun wantaim dispela meri we mi gat bikpela laik long em?

Dia Pren,

Mi ken lukim olsem yu wok long kisim hat taim tru long skelim ol tingting na laik bilong yu namel long dispela meri we yu gat bikpela laik tru na krismas bilong em.

Yu ken toktok wantaim

papamama bilong yu, o ol famili bilong yu long hevi bilong yu.

Yu mas tingim tu olsem, pasin bilong wanwan manmeri bai senis. Pasin bilong yu tu bai senis. Na ol ples we yu wok na ol manmeri yu bungim long wanwan de i ken senisim tingting bilong yu.

Taim yu makim meri o man bilong yu, em i wanpela bikpela disisen yu bai wokim. Yu mas givim bikpela taim long tingting gut.

Plis tingting gut, na weit inap yu ting olsem em i meri tru we yu laikim wantaim olgeta lewa bilong yu, bihain yu ken marit.

Laipain.

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu. Laipain

Wok manmeri i sot long maining sekta

...NGO agensim Minerel Risos Atoriti

Natasha Bodger na Neville Choi i raitim

MINISTA bilong Maining Sam Akoitai i tokaut olsem insait long dipatmen bilong em i nogat inap wok manmeri na mani long mekim wok.

Dispela i bin as toktok bilong em taim em i givim wanpela toktok pastaim long ol memba i pasim o wanbel long wanpela bil long stretim Maining dipatmen.

Dispela bil em i sanapim Minerel Risos Atoriti bilong senisim Dipatmen bilong Maining.

Tasol wanpela non gavman ogenaisesen nau i autim tingting na tok olsem dispela bai rausim olgeta strong bilong gavman long mekim gut wok maining.

Senta bilong Environmen Risets na Developmen (CERD) i tokaut long wanpela pas olsem sanapim bilong dispela Minerel Risoses Atoriti i no gutpela tru long wanem gavman i tromoi nating pawa bilong em long lukautim wok maining.

Minista Akoitai yet i tok klia olsem maining em i wanpela bikpela risos developmen we i save sapotim planti long ol wok kamap insait long kantri.

Em i tok olsem planti samting we i wetim long kamap insait long maining eria i stap tasol maining dipatmen i sot long ol wok manmeri long mekim ol dispela wok kamap.

Em i tok olsem em kamapim dispela bil long wanem em i laik soim olsem i gat wanpela nupela menesmen straksa we inap long givim help na stongim maining indastri na gavman insait long kantri.

Em i tok insait long dispela nupela straksa we ol i kolim Minerel Risoses Atoriti (MRA), i bai gat wanpela bod we ol wok manmeri i kam long praivet na pablik sekta we ol bai lukluk long kamapim gutpela wok bung wantaim insait long wok maining.

Minista i tok MRA bai sanap wok em yet na bai lukluk tasol

long kamapim gutpela menesmen insait long maining sekta.

Em i tok olsem etministresen wok bilong maining sekta bai stap wankain yet aninit long Mainint Ekt bilong 1992 na dispela bil bai no inap senisim wok i stap aninit long lo.

Long dispela sait, CERD i tok Maining Ekt 1992, maski planti i lukim olsem wanpela bikpela pos bilong lo, planti i tok em i save lukluk moa long sait bilong indastri na i no save givim inap luksave long ol arapela stekholda.

CERD i tok dispela bil nau i mekim MRA i kamap wanpela atoriti ol foren etvaisa na ol arapela nesanel menesa i na wokman husat i no save long mekim gut wok long bagarapim sindaun bilong indastri.

Wanpela bikpela samting wari bilong CERD long dispela nupela bil em ol i tok MRA bil bai "rausim pawa long Bogenvil Otonomes Gavman long lukautim olgeta wok maining insait long rijen bilong ol".

"Insait long tok wanbel ol Bogenvil lida i mekim wantaim nesanel gavman, na i bihainim Mama Lo bilong kantri, olgeta wok maining insait long Bogenvil Otonomes Rijin bai kam aninit

long lukaut bilong politikel, regulatori na etministretiv lukaut bilong Bogenvil. "Aninit long MRA, i nogat wanpela toktok i banisim Bogenvil na ol arapela otonomes rijen bilong bihain taim long dispela MRA Ekt. Na tu i nogat tok wanbel bilong MRA long givim wok maining i go long Bogenvil o ol arapela otonomes rijen long bihain taim," CERD i tok.

CERD nau i tok olsem i gat planti samting we i ken bagarapim sindaun bilong kantri long bihain taim, na gavman i bin i gat sans long opim dispela bil i go aut long pablik bai ol manmeri i ken skelim na givim tingting bilong ol long en, pastaim long em i bin go long Palamen.

Mista Akoitai i tok dispela bod bilong MRA bai no inap givim tok orait long ol wok maining long wanem bai i gat ol wok lain insait long praivet sekta husat bai stap long en tu.

Em i tok as tingting bilong dispela Bil em long sanapim gutpela fremwok we i gat inap mani na wokmanmeri bilong strongim dispela indastri.

Long tok oraitim dispela bil namba wan taim, 58 memba i bin tok yesa long en na i nogat wanpela i tok agensim.

TRU TOK...

Tasol CERD i strong yet olsem nau gavman i tok sapos dispela MRA Bill i kamap lo, bai gavman i:

- Tromoi pawa bilong em long busgraun na wara i go long han bilong wanpela 'Atoriti' na bai nogat gavman kontrol na gutpela banis long wok mani;
- Bai givim MRA pablik mani aninit long nem 'prodaksen levi' o 'royalti'. Dispela hap tok 'prodaksen levi' em ol i yusim long abrusim bel hevi i kamap namel long ol papa graun na ol lokal level gavman husat i no inap kisim ol maining royalti.
- Bai larim MRA i sasim ol fi bilong kolektim ol royalty long makim stet. Dispela em i narapela takis hevi antap long ol lokal komyuniti. Nau yet, i nogat pe bilong dispela wok;
- Bai i larim MRA long wok olsem wanpela 'supa praivet kampani' na bai i nogat banis long kamapim gut wok.
- Bai givim maiolo long BRA long baim ol koporet winmani takis i go long Stet, maski i gat ol winmani i kam long prodaksen levi, ol fi na ol invesmen;
- Bai MRA i no inap long baim ol dividen i go long gavman, maski em i wok olsem wanpela supa praivet kampani; na
- Bai larim MRA i haitim wok bisnis bilong em long ai bilong pablik na ol arapela bikpela opis olsem Ombudsman Komisn na Pablik Sevis Komisn.



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Elmerrillia papuana (Wau Beech)

Nem bilong en: Wau beech

Ples we em i save groa: Elmerrilla i gat 7-pela spis i kam long Malaysia, Kalimantan, Filipins na PNG.

E papuana i save groa insait long PNG tasol na isten Moluccas long Indonesia. Insait long PNG, spisis i save kamap long Vogelkop i go olsem long Milen Be na Nu Briten. Wau beech em yu ken painim i gro stat long mak bilong solwara na i go antap inap long 200 mita. Em i save gro long ples daun insait long ol fores na wan wan taim em i save gro insait long ol regrot fores.

Wanem kain diwai: E papuana em i wanpela bikpela diwai na em i ken gro inap long 40 mita samting wantaim wanpela bikpela namel bilong em. Bikpela bilong namel bilong em inap long 1.2 mita. Bikpela bilong skin diwai bilong em inap long 2 sentimita na kala bilong em ausait i grei wantaim braunpela hap hap long en. Ol lip bilong en i longpela.


Plawa bilong em i save gro wan wan na tu tu. Prut bilong em, longpela bilong em i namel long 4 na 10 sentimita na i gat pink o orens pikinini bilong em.

Rot bilong yusim: Diwai bilong em i strong na i gutpela long mekim vinia, hai gret tebol na sia samting, long mekim bot, mekim kaving, timba bilong plua na ol arapela liklik haus samting.

Taim bilong karim plaua: Em i save plaua olgeta mun bilong yia tasol hap taim we ol i karim planti long ol plaua em namel long Novemba na Januari long Wau na Bulolo eria. Ol pikinini diwai o sit i save pundaun stat long mun Epril na pinis long mun Jun. I gat samting olsem 30,000 pikinini long wan wan kilogram.

MCCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

"Long kisim tok stia long olgeta wok diwai"



Bungim na prosesim ol sit

- Taim yu lukim ol pisin i save kaikai ol prut bilong diwai na ol bikpela sit i pundaun lusim diwai, em nau i min olsem ol sit i redi. Yu ken kisim tasol long graun o yu ken goap long diwai long kisim.
- Bihain long yu bungim, yu ken larim ol mau prut long ples kol inap long tripela de bai em i mau moa yet bipo long yu rausim mit bilong prut long bun bilong em.
- Bihain yu larim prut insait long wara inap long tupela de long rausim mit; bihain wasim gen na larim bai win i draim bipo long yu planim ol karamapim gut bilong yusim bihain.

Rot bilong holim na lukautim


Yu ken putim ol sit i wet yet insait long bokis ais (namel long 3 na 5 digri sentigret) i go inap long 4-pela mun.

Rot bilong groim insait long neseri

- Putim sit insait long kol wara inap long tupela de pastaim long yu groim bai em i strongim em long gro.
- Insait long wanpela wik we sit i kru, bai ol siting i redi bilong groim.

Cat D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!



Outmanoeuvre every job you tackle.

A single lever joystick controls speed, direction and steering on Cat® "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- **Power Train** - Offering powerful six-cylinder Cat® 3046 engine that provides the power you expect from Cat tractors, and the productivity you need to increase your profitability.
- **Undercarriages** - Undercarriages are rugged with strong, durable components for long wear life and lower costs.
- **Operator Stations** - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering

CAT

Product People Commitment.
We deliver.



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am

0000-2200000

5995; 6020; 9710; 1280(KHz)

PACIFIC BEAT

Ol soldia bilong Fiji i kamapim kros insait long rijen

Eitpela yia i go pinis ami bilong Papua Niugini i bin pait agensim gavman bihain long ol i traim long kisim ol soldia bilong ol arapela kantri husat i bin kam insait long PNG.

Ol i bin kolim dispela projek "Sandline". Nau i luk olsem dispela ol soldia i kamap ken insait long kantri, toktok i kam aut olsem 9-pela soldia husat bipo i wok wantaim ami bilong Fiji i stap wok long Bogenvil. Man husat i go pas long wanpela mani skim, Noah Musingku i kisim ol dispela soldia i kam long wok insait long wanpela no-go hap long Bogenvil. Dispela stori i kamapim wari insait long Fiji, we ol i poret olsem wok bilong kisim ol bipo soldia long wok olsem ol sekyuriti gat long ol arapela kantri i wok long kamap bikpela nau.

Husat i askim:

James Panichi

Husat i bekim:

Ezekiel Massat, Polis Minista, Otonomes Gavman bilong Bogenvil, Jerry Singirok, bipo Komanda bilong PNG Ami, Sakiusa Raivoce, man i kisim ol man long wok, Globol Risk Stretajis (Fiji).

PANICHI: I bin namba 16-dei long mun Mas long yia 1997 na PNG Ami i bin lonsim "Operesen Rausim Kwik".

Em i bin wanpela rot we ami i bihainim long stopim gavman long salim ol soldia bilong ol arapela kantri long go long trabol ailan bilong Bogenvil.

Ol i bin rausim dispela ol soldia, tasol dispela hevi i bin kamapim i bin kirapim wanpela komisen ov inkwairi. Tasol em i bin opim rot tu long pis proses

long kamap long kirapim bek bel isi long provins.

Tasol nau i gat ol arapela paitman i go bek gen long Bogenvil. Na nau ol bai no inap long harim tok bilong gavman.

Ezekiel Massat em i polis minista bilong Otonomes PNG provins bilong Bogenvil.

MASSAT: Olsem minista mi ken tokaut nau olsem mipela i gat 9-pela man Fiji husat long dispela taim i stap long Tonu, em long Siwai insait long Bogenvil.

Dispela 9-pela soldia i mas wok wantaim ol Fijien ami o nogat ol i mas ol soldia bipo na dispela i wok long kamapim planti wari namel long mipela bilong wanem mipela i wok long traim long kirapim ol gavman sevis long graun wantaim na yet long dispela taim mipela i wok long rausim ol gan, tasol i gat ol man bilong ol arapela kantri husat i kam insait na wok long kirapim planti wari.

PANICHI: Gavman bilong Bogenvil i wok long traim stretim em yet bihain long ol ileksen long Mei na nau toktok wok long raun olsem i gat ol soldia bilong arapela kantri i stap pinis long graun bilong ol, ol pipel i kirap nogut stret.

Dai bilong rebol lida Francis Ona long mun Julai i bin mekim ol lain bilip olsem dispela no-go hap, we ol sapota bilong em i ronim yet, bai luksave long pawa bilong gavman.

Nau i luk olsem dispela man, Noah Musingku i mas gat wanpela politikel tingting bilong em yet.

Jerry Singirok, bipo PNG Ami komanda husat i bin givim oda

long hevi bilong yia 1997, i nau singaut long ol gavman insait long Pasifik - wantaim Fiji long bung wantaim long lukluk long dispela nupela hevi long Bogenvil.

SINGIROK: Long Pasifik Ailan Forum Lida Kibung we ol i bin holim long fas mun, ol i bin toktok long isu bilong sekyuriti. Dispela em nau taim bilong toktok long dispela isu we i wankain. Nau em taim long ol i mas toktok na mekim wanpela samting.

Olsem yu save pinis, Fiji i save salim ol soldia long wol. Long hap bilong ol yet, i gat wanpela sans long ol soldia long kam insait long Bogenvil. Em i bikpela samting na gavman bilong Papua Niugini i mas wok hariap long stopim kain hevi olsem "Sandline" long kamap ken.

PANICHI: Nogat gutpela save long wanem samting dispela ol man Fiji i mekim long Bogenvil, tasol i gat ol ripot i tok olsem ol i wok long givim trening bilong yusim gan long ol yanpela wokman bilong Mista Musingku.

Gavman bilong Fiji i tok klia olsem dispela ol man i wok wantaim ami bilong Fiji long bipo na ol i kam long Bogenvil wantaim sapot bilong ol lokel sios.

Moa long 100-pela eks soldia nau i wok olsem ol sekyuriti gad long Iraq na Midel Is.

Dispela wok i kamap olsem wanpela gutpela samting long ol dispela man, planti bilong ol i wok olsem pis kipa insait long Lebanon, tasol ol i nogat wok taim ol i kam bek long Fiji.

Tasol Sakiusa Raivoce - wanpela bilong ol man husat i salim

ol man i go long Iraq - i no nap larim dispela ol man i go long ol arapela hap long Pasifik.

RAIVOCE: Mi no inap tingting long dispela, sapos ol bai mekim dispela kain wok: long lainim ol sumatin long yusim ol gan. Yu no nap go long arapela kantri na skulim ol manmeri long yusim gan, i gat ol man insait long dispela ol kantri, i no ol lain long arapela kantri.

PANICHI: Yu sore olsem i gat ol man Fiji husat i laik mekim dispela kain wok?

RAIVOCE: Sapos lo i no tok orait, mi save olsem yumi olgeta husat i bin wok pas long militari bai no nap laikim nem bilong ami i bagarap long dispela kain wok, olsem wok long kamap long midia tete.

PANICHI: Long dispela taim, dispela samting i singaut long gavman bilong Fiji long helpim na putim ol i go bek gen insait long sosaiti.

Sitisens Konstitusiona Forum (CCF), wanpela lokel NGO, i singaut long gavman long lukluk gut long sekyuriti indastri na long luk save long wok we ol pipel bilong Fiji i wok long mekim long ol arapela kantri.

Dairekta bilong CCF, Revren Akuila Yabaki i tok long nau i nogat rot long lukluk gut sapos ol eks soldia i mekim wok olsem ol praivet soldia.

YABAKI: Em i bikpela samting we ol hap bilong ol pipel i painim ol yet insait long Bogenvil. Husat i save bilong wanem stret ol i stap na wanem kain gutpela wok ol bai mekim.

RADIO TOK PISIN PROGRAM TUNE IN: 101.9 FM

Radio Australia Tok Pisin Program - stat long mun Mas 2005

MANDE Moring	6AM	Stesen Op - Nius Hettain - Musik na ol intaviu
	6.30AM	Nius na Karent Afes
	7AM	Stesen Pas
	7PM	Stesen Op
	7.01PM	Ol Hettain na Program Priviu
	7.15PM	Spots
	7.30PM	Nius na Karent Afeas
	8PM	Helt
	8.15PM	Musik
	8.30PM	NIUS
	8.40PM	Spots Riplei
	8.55PM	Musik
	9PM	Stesen Pas
TUNDE Moring	6AM	Stesen Op - Nius Hettain - Musik na ol intaviu
	6.30AM	Nius na Karent Afes
	7AM	Stesen Pas
	7PM	Stesen Op
	7.01PM	Ol Hettain na Program Priviu
	7.15PM	Musik na Chit-Chat
	7.30PM	Nius na Karent Afeas
	8PM	Mama Graun
	8.15PM	Musik/Spots
	8.30PM	NIUS
	8.40PM	Helt Riplei
	8.55PM	Musik
	9PM	Stesen Pas
TRINDE Moring	6AM	Stesen Op - Nius Hettain - Musik na ol intaviu
	6.30AM	Nius na Karent Afes
	7AM	Stesen Pas
	7PM	Stesen Op
	7.01PM	Ol Hettain na Program Priviu
	7.15PM	Musik na Chit-Chat
	7.30PM	Nius na Karent Afeas
	8PM	Youth
	8.15PM	Musik/Spots
	8.30PM	NIUS
	8.40PM	Focus Riplei
	8.55PM	Musik
	9PM	Stesen Pas
FONDE Moring	6AM	Stesen Op - Nius Hettain - Musik na ol intaviu
	6.30AM	Nius na Karent Afes
	7AM	Stesen Pas
	7PM	Stesen Op
	7.01PM	Ol Hettain na Program Priviu
	7.15PM	Musik na Chit-Chat
	7.30PM	Nius na Karent Afeas
	8PM	Youth
	8.15PM	Musik/Spots
	8.30PM	NIUS
	8.40PM	Focus Riplei
	8.55PM	Musik
	9PM	Stesen Pas
FRAIDE Moring	6AM	Stesen Op - Nius Hettain - Musik na ol intaviu
	6.30AM	Nius na Karent Afes
	7AM	Stesen Pas
	7PM	Stesen Op
	7.01PM	Ol Hettain na Program Priviu
	7.15PM	Musik na Chit-Chat
	7.30PM	Nius na Karent Afeas
	8PM	Wantok
	8.15PM	Musik
	8.30PM	NIUS
	8.40PM	Youth Riplei
	8.55PM	Musik
	9PM	Stesen Pas
SARERE	Nait	7PM Stesen op - Ol Nius Hettain/Program Priviu
		7.05PM Musik na Chit Chat
		7.30PM Nius
		7.40PM Wantok
		8PM Lokal Ben
		8.30PM Nius
		8.40PM Musik/Chit Chat
		9PM Stesen Pas
SANDE	Nait	7PM Stesen op - Ol Nius Hettain/Program Priviu
		7.05PM Musik na Chit Chat
		7.30PM Nius
		7.40PM Femil Blong Serah (Redio Plei)
		8PM Lukluk Bek Long Wik
		8.30PM Nius
		8.40PM Musik/Chit Chat
		9PM Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

Pacific BEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RAGBI LIG		United		Divison 4 - Kot 6		1:45 Deloitte vs Temis		
OKUK MORI ROGERSON Kap		3:30 Backyard Tigers vs Fincorp Warriors	2:30 Flame Nambis Storms vs Kone Sharks	1:00 PNGSF vs Andersons	1:45 Moore vs STC Shipping	2:30 RH H-Mart 2 vs Veupunama 1	3:15 IPA vs Global	
Sarere - Novemba 19, 2005		4:30 FO Barbarians vs Fincorp Warriors	3:30 Makana Cowboys vs East Nokondis	2:30 SPB 2 vs BSP 2	3:15 Meddent vs WPC Handypay	Divison 10 - Kot 12		
Oval 3 Pul A		Sande - Novemba 20, 2005	4:30 NBAA vs Boroko Bulldogs	Rejistresin bilong klab na pilaia bai pas long dispela wiken.		1:00 PDE vs EFM	1:45 Amotts 2 vs Indies	
B Gret		Oval 3 Pul B	NETBOL		2:30 Sinton vs Asteam		3:15 Stop N Shop vs Veupunama 2	
09:00 Hebou Tigers vs Limestone Bears		B Gret	PRAIVET KAMPANI NET-BOL		3:15 Century 21 vs Boroko Motors		SOFTBOL	
09:40 Kipo Tigers vs 8 Mile Settlers		09:00 GH Eagles vs 5 Mile Spiders	RAUN 1 - GEM 2		Divison 5 - Kot 7		POT MOSBI MERI SOFT-BOL	
10:20 Bekiho United vs D8 Mosquitoes		09:40 Wildlife Pythons vs Mondo Tigers	Sande - Novemba 20, 2005		1:00 Able Computing vs Fincorp		Sarere - Novemba 19, 2005	
11:00 Gordon Ridge vs N33 KM Storms		10:20 Kerowagi United vs 6 Mile Warriors	Primia Divison - Kot 2		1:45 Renos vs Mirupasi		Daimon 3	
11:40 Saraea Saints vs Vanuatu Raiders		11:00 Pulumpa vs GH CKO	1:00 Fairdeal vs BSP 1		2:30 POSF vs Pacific Industries		08:00 BRE Wantoks vs Chebu (U16)	
A Gret		11:40 7 Mile Jets vs Daima Gunz	1:45 Kina vs P-Print 1		3:15 Century 21 vs Boroko Motors		09:30 SP vs Kopex (U16)	
12:30 Hebou Tigers vs Limestone Bears		A Gret	2:30 Brian Bell vs Daltron		Divison 6 - Kot 8		11:00 Manalos vs Gazelle (B)	
1:30 Kipo Tigers vs 8 Mile Settlers		12:30 GH Eagles vs 5 Mile Spiders	3:15 Kenmore 1 vs Courts		1:00 Raywhite vs STC Hardware		12:30 SP vs Dolphins (B)	
2:30 Bekiho Utd vs D8 Mosquitoes		1:30 Wildlife Pythons vs Mondo Tigers	Divison 1 - Kot 3		1:45 Johnstons vs Air Niugini		14:00 BRE Wantoks vs Gazelle (A)	
3:30 Gordon Ridge vs N33 KM Storms		2:30 Kerowagi United vs 6 Mile Warriors	1:00 STC Fin vs Theodist		2:30 Paraka vs RH H-Mart 1		15:30 Airways Bears vs Chebu (A)	
4:30 Saraga Saints vs Vanuatu Raiders		3:30 Pulumpa vs GH CKO	1:45 Datec 1 vs SPB 1		3:15 Hertz vs Ela Motors		Daimon 2	
Oval 2 Pul C		4:30 7 Mile Jets vs Daima Gunz	2:30 OSL vs NTIL		Divison 7 - Kot 9		08:00 Admiralty vs Manalos (U16)	
B Gret		Oval 2 Pul D	3:15 Pryde vs HDPNG		1:00 APNG vs Culinary Delight		09:30 Tikina vs Dolphins (U16)	
09:00 4 Mile Cats vs Kanage Spiders		B Gret	Divison 2 - Kot 4		1:45 DHL vs Star-Fisheries		11:00 BRE Wantoks vs Airways Bears (B)	
09:40 Bomai Yal vs Negefi Bears		09:00 Moitaka Dragons vs Bomai Eagles	1:00 QBE vs GFI		2:30 Pro-Clean vs Arnotts 1		12:30 Tikina vs Chebu (B)	
10:20 9 Mile Crushers vs Gouno Nomads		09:40 Hila Kenis vs Morobe	1:45 Datec 2 vs Lamana		3:15 P-Print 2 vs City Pharmacy		14:00 Admiralty vs Kopex (B)	
11:00 Backyard Tigers vs Vadavada United		10:20 Flame Nambis Storms vs Kone Sharks	2:30 ANZ vs AHC		Divison 8 - Kot 10		15:30 Admiralty vs SP (A)	
11:40 FO Barbarians vs Fincorp Warriors		11:00 Makana Cowboys vs East Nokondis	3:15 Coca Cola vs Pomtrans		1:00 Barlow vs Young & Williams		Bye: Dolphins (A); Airways Bears (U16)	
A Gret		11:40 NBAA vs Boroko Bulldogs	Divison 3 - Kot 5		1:45 Nasfund vs Copytek			
12:30 4 Mile Cats vs Kanage Spiders		A Gret	1:00 Brian Bell vs Kumul Hotels		2:30 AFL vs STC Hotels			
1:30 Bomai Yal vs Negefi Bears		12:30 Moitaka Dragons vs Bomai Eagles	1:45 National vs WPC Askonce		3:15 Kassman vs Bishop Brothers 2			
2:30 9 Mile Crushers vs Gouno Nomads		1:30 Hila Kenis vs Morobe	2:30 Curtain Brothers vs PWC		Divison 9 - Kot 11			
			3:15 LBC vs Bishop Brothers 1		1:00 MRDC vs Kenmore 2			

Spot kisim gutpela mani long 2006 nesanel baset

NESENEL Gavman i makim K450,000 long 2006 nesanel baset long helpim salim PNG tim i go long 2006 Melbon Komenwel Gem.


PNG Spot Komisen sif eksekutiv opisa John Kambuou husat i stap long baset lokap tu long Tunde dispela wik i tok maski mani em i kisim i antap long baset bilong yia i go pinis baset tru bilong spot i wankain olsem bilong las yia.

Wantaim dispela K450,000 mani mak PNG Spot Komisen i kisim olgeta K2,550,000 long yia plen bilong em.

"Mi bin wok long tingting baset bilong mipela bai go antap tasol dispela i wankain long las yia," Kambuou i tok.

"Mi putim mani mak bilong olsem K5 milien tasol bekim long dispela mi kisim tasol K2.5 milien we dispela i go wantaim mani bilong Komenwel Gem."


Syd Yates husat i makim PNG Spot Federesen i tok ol i amamas long helpim bilong Gavman long salim PNG tim long Gem.



International Anti-Corruption Day Youth Competition

K5000 in prizes!!! Have your school fees paid for!!!

Hurry! Entries close Friday 25 November!



TI PNG invites all PNG youth aged 21 or younger to have their say against corruption and have the chance to win K5000 worth of prizes. PLUS First Prize winners will win a trip to POM for a special award ceremony on International Anti-Corruption Day on Friday, 9 December.

Competition 1: Essay on anti-corruption
(maximum 750 words)

Category 1: in-school youth. Category 2: open for youth under 21 years.

Topic: Use of the school vehicle.

A staff member of your local school is regularly seen driving the school truck after hours and during week-ends, often with his wankok.

He is seen at the local hotel, just about every day.

Other staff are becoming increasingly concerned and angry about the staff member's use of the vehicle for non-school business.

They are wondering about the source of financing for the running costs of the vehicle, especially since the school subsidy hasn't been released and the school is struggling to survive with the basics.

• What is your definition of corruption? • Is this corruption, and if so why? • What are the different consequences for the staff member, his wankok, the school, and the nation of PNG if he continues to use the vehicle as he does? • What positive action can you take against such practices?

1st Prize: K1000 education voucher
2nd prize: K500 education voucher
3rd prize: K250 education voucher

Prizes will be awarded separately for both categories.

Competition 2: Design a Logo
For youth aged 18 - 21

Topic: Logo for the Community Coalition Against Corruption (CCAC).

The Community Coalition Against Corruption (CCAC) was formed in 2002 by like-minded community organizations. Its work is coordinated by TI PNG and the Media Council of PNG.

You are a graphic designer and you have been asked to design a logo for the CCAC.

The logo must communicate the message of PNG people and community leaders working together to achieve a better society.

1st Prize: K750 education voucher
2nd Prize: K500 education voucher
3rd Prize: K250 education voucher

Send or deliver all entries to:
Transparency International PNG, PO Box 591, Port Moresby, NCD.
 Ph: 320 2188. Fax: 320 2189. Email: tipng@daltron.com.pg
ALL ENTRIES MUST BE WITH THE TI PNG OFFICE BEFORE 5PM ON FRIDAY 25 NOVEMBER

Entry details: For all youth aged 21 or younger. All entries must be at the TI PNG office before 5pm, Friday November 25, 2005. All in-school entries must be certified by the school principal, and have the name, age and grade of the entrant. All open entries must have the name and age of the entrant. Faxed and emailed entries will be accepted, but original work must also be forwarded to TI. Winners will be flown to POM for the presentation during celebrations to mark International Anti-Corruption Day on December 9, 2005. TI PNG will publish the best essays and distributing them throughout PNG in 2006.



BRUKIM: I luk olsem i nogat moa spes bilong dispela 29 dogs pilaia long difens bilong S.I Eagles long Hohola ov-sisen ragbi lig kompetisen.



SALIM I KAM: Dispela Wantok pilaia i no i laik westim taim long paitim bal bilong ol Chebu long Pot Mosbi sofbol saiens bilong ol meri.




YU STOPIM: Gabby Yura bilong Kikboksing i mekim save long bros bilong Hapkido paitman Enos Tamean long namba eit nesenei Kyokushin Karate sempionsip long Pot Mosbi long Sande. Yura i bin winim disepla pait na go long semi fainol.



KISIM: Wing Atek pilaia bilong Water Bod i skelim gut ples pastaim bipo em i tromoi bal i go long wan-pilai bilong em long Public Servants Netbol long Pot Mosbi egensim Telikom.



LUSIM MI: Pilaia bilong Ebo Tigers i traim strong bilong em wantaim difens bilong Kipo Tigers long Okuk Mori Rogerson Kap A Gret pilai long Pot Mosbi ragbi lig graun long tupela w.ken i go.



WANPELA SAVE TASOL: Stanley Nandex, Silas Piskaut, Laurie Hanku na Gabby yura i amamas wantaim bihain long pait bilong Kyokushin Karate long Sande.

Australia i mas i gat olgeta ansa long holim Uruguay: Hiddink

MOA long 85,000 manmeri i kamap long lukim FIFA wol kap kwalifaing pilai namel long Australia Sokarus na Uruguay.

Wantok Spot i nogat inap taim long wet na lukim dispela pilai bai em i ken tok-save long kamap na mak bilong dispela pilai.

Tasol long toktok long ol pasin bilong redi na kamap long dispela pilai dispela pepa i ken.

Long stat Sokarus kosa Guus Hiddink i tok Australia i mas redi gut long holim pasim ol Uruguay long pilai bilong tupela long nait.

Em i pilai dispela Dutch man (Holan) i bilip bai stap olsem ol Sokarus i kamapim histri o i lus long histri.

Histri long wanem las taim Australia i kwalifai na kamap long wol kap pilai em long 1974. Dispela em 31 krismas i go pinis na em i longpela taim.

"Mi no save sapos ol (Uruguay) i laik atek, tasol wanem samting i kamap mipela oltaim i mas i gat ansa," Hiddink i tok. "Em olsem na mipela i wok, i no long dispela wik tasol. Tasol long ol trening bipo em



REDI? Australia Sokarus kosa Guus Hiddink i laik save sapos ol "soldia" (pilaia) bilong em i redi long holim pasim Uruguay bihain long ol i go daun long Uruguay 1-0 long las Sande long Argentina.

mipela i kisim long Holan long redim mipela long pilai bilong tumora."

Hiddink i save olsem sapos ol Sokarus i witwifim ol

Uruguay bipo long 85,000 manmeri long Telstra Stadium long Sidni tumora dispela bai kirapim tingting bilong ol Australia long go insait long

soka. "Futbol (soka) i namba wan pilai long wol na mi hop olsem dispela pilai bai kamap namba wan long Australia long liklik taim," Hiddink i tok.

Agassi, Nadal rausim nem long Masta pilai



SORI TUMAS: Andre Agassi, namba wan Amerika tenis pilaia i makim gut tenis bet bilong em long wanpela pilai bilong em bipo. Nau em i gat hevi long kamap na pilai.

ANDRE Agassi na Rafael Nadal i rausim nem bilong tupela long kamap na pilai long Shanghai, Saina Masta Kap pilai bihain long tupela i painim hevi long lek bilong tupela.

Dispela i lusim tasol Roger Federer long ol namba wan faiv pilaia long wol renk long pilai.


Tasol Federer husat i winim dispela kap long tupela taim i luk olsem bai i no inap long go moa tu. Sua i wok long kamap long lek bilong em tu.

Dispela tonamen we praismani bilong em i stap long \$US4.45 milien em ol oganaisa i kamapim long lukim ol namba wan eit pilaia long kamap na pilai. Tasol hevi bilong ol sua na sik samting i mekim bai dispela tonamen i luk olsem samting nating.

Long stat bilong pilai Agassi i lus long Nikolay Davydenko 6-4, 6-2 na nau i go aut long pilai bihain long em i bungim hevi long lek bilong em.

"Wantaim kain hevi long lek bilong mi, i nogat sans long mi long kamap na pilai gen," Agassi i tok. "Em i nogut tru na i no gutpela long bihain taim bilong mi long narapela foapela o faivpela wik i kam."

Barrett stap long Kangaroo skwat



LUKAUT: Em i kam Trent Barrett husat i gat hevi long lek tasol sapos em i pilai em bai kisim ples biong Daren Lockyer husat i gat bikpela hevi long lek bilong em.

LONG ragbi lig trai nesen pitai namel long Australia, Nu Silan na Ingran dispela Sarere bai i laspela pilai.

Dispela pilai bai stap namel long Australia Kangaroo na Ingran Lions long Ingran.

Nu Silan i pilai olgeta pilai bilong em pinis.

Nau yet Australia na Nu Silan i go pas wantaim foapela poin na Ingran i gat tupela poin.

Long sapatim tim bilong ol Kangaroo ol Australia Kangaroo i putim kepten bilong Sen George Illawara Dragons Trent Barrett i go insait.

Dispela em long was long tim bilong Ingran long wanem klostu ol Australia i kapsait long Ingran long namba wan pilai namel long tupela long tupela Sarere i go pinis. Tasol laki na

Australia i strong na ronawe long ol na win 20-8.

Barrett i save pilai long hap bek na i save kik gut tu. Dispela em i isi. Tasol ol toktok i kamap olsem sapos

nogat Australia kosa Wayne Bennett i ken kisim kepten bilong West Tigers Scott Prince husat i stap long skwat tu. "(Trent) i gat sua long foet lek bilong em tu," Bennett i tok.

Huston/Perry winim Franklin Templeton sutaut

KENNY Perry na John Huston i winim Franklin Templeton sutaut long Sande we tupela i bung wantaim long mekim 13-anda 59 long skrebel fomat long wanpela strok we ol i winim Fred Couples na Adam Scott.

Perry na Huston i kisim wantaim \$US315,000 husat i mekim 30-anda 186 totel long Tiburon Golf Klub kos.

Tupela i opim pilai long mekim 64 wantaim na long Sarere i mekim 63. Dispela em i gutpela mak tru.

Couples na Scott i pinis wantaim long 62.

Mark O'Meara na Nick Price (60) i kamap namba tri wantaim 27-anda.

Greg Norman husat i holim dispela pilai na Steve Elkington husat i sut long 17 anda na mekim 55 mak kamap long namba foa ples. Ol tupela i go het long mekim 26 anda. Tupela i bin birdie long olgeta hol tasol abrusim tupela tasol na igel (tarangau) long namba 17 hol.



MAMA MI YAH: Kenny Perry i putim han bihain long na John Huston i winim Templeton tonamen.

Perry na Huston i birdie long hol namba 11 na 12 we long dispela taim i kisim wankain mak olsem Couples na Scott. Tasol bihain long dispela Perry na Huston i mekim long hol namba 14 we dispela i lukim tupela i abrusim skoa bilong Couples na Scott. Na bihain

long dispela i mekim gut long 15, 16, 17 na 18 hol.

"Mipela bai tanim na winim dispela samting. Em samting mi wok long tingting long em long olgeta dispela taim," Perry i tok. "Na tru tumas mipela i stat long birdie gut."

Han bilng Bryant hevi long helpim LA Lakers win

KOSA Phil Jackson i no kirap nogut long pilai bilong sempion basketbol pilaia Kobe Bryant long namba tu pilai bilong em.

"Mipela i wok long luktuk long Kobe na Kobe i no inap long sutim wanpela basket. Dispela em long hevi em i gat long han. Em i no inap long sut," Jackson i tok bihain long ol LA Lakers i go daun long Memphis Grizzlies 85-73.

Bryant i gat 18 poin, wanpela poin moa tasol long poin em i mekim long las Fraide lus bilong ol. Em i go egensim



76ers wantaim 30 poin namel mak. Jackson husat i no tok-tok planti long hevi long han bilong Bryant i tok em i kisim taim nogut long taim ol Lakers i pilai long dispela win pilai bilong ol wantaim Atlanta long Novemba 8.

Na wantaim Memphis ol Lakers i no inap long kamapim kain mak em oltaim ol i save kamapim em long skoa i go antap long 80.

Las taim ol i kisim 70 poin em long 2002 taim ol i pilai wantaim Cleveland. Bryant i tok em i kisim hevi long taim long em i laik skoa egensim Atlanta.

SPOT RAUN

wantaim

SCOTT VAVINE



Pilai spot givim hop long manmeri

PLANTI ol manmeri long Papua Niugini i nogat kliapela tingting long wanem samting em pilai. Planti i save lukim spot olsem em i samting bilong amamas.

Tasol mipela i ken tok lukluk bilong spot o pilai i gat bikpela piksa moa long dispela liklik piksa em mipela i gat long en.

Long save gut long wanem samting em i spot o pilai yumi bai lukluk pastaim long sampela samting long helpim yumi.

Spot o stap long ol pilai:

- I SAVE opim tingting bilong manmeri na olsem manmeri i lukim mining long ol samting em i laik mekim o i mekim, i givim hop long manmeri;

- HELPIM manmeri long kamap wantaim ol nupela save;

- HELPIM manmeri long gat gutpela bodi;

- OLGETA manmeri i gat rait na i ken pilai spot maski long wanem krismas ol i gat, sapos ol i man o meri, sapos ol i gat gutpela bodi o sampela hap i no kamap gut;

- NA long hapim level bilong pilai yumi mas praktis na tren hat na go aninit long ol kosing;

- I MAS i gat lo bilong kamapim na holim ol pilai;

- I MAS i gat oda bilong pilai na

- NA long pilai manmeri pastaim i mas i gat save bilong pilai.

I gat planti toktok long wanwan long ol dispela hap toktok.

Tasol hia mi laik toktok liklik long namba wan hap em- spot i save opim tingting bilong ol manmeri, ol manmeri i lukim mining long ol samting ol i mekim o i laik mekim na spot i save givim hop long manmeri.

Dispela hap tok i gat bikpela mining.

Yumi lukim kantri bilong yumi i bungim bikpela hevi long sait bilong mani na sosel sevis.

Laip i hat. Planti manmeri i nogat inap mani long baim gutpela ol samting long helpim na sapatim ol yet. Ol i nogat hop na planti ol yangpela i go insait long mekim kainkain samting we planti bilong dispela ol samting i no gutpela long komyuniti.

Man i gat bodi, tingting na spirit.

Sapos i nogat samting long em i ken soim dispela ol hap bilong em dispela i ken mekim em i sik. O sapos nogat em i mas painim samting long yusim dispela strong em i gat long em na long wankain taim i laik kisim luksave.

Wanpela samting i ken helpim em em spot.

Sapos yu lukluk long ol pilai long 9 Mail setelmen, Morata o Kaugere long Pot Mosbi o Kamkumung long Lae, Genoka long Goroka, Wagol long Madang o long ol sampela setelmen o sampela hap long PNG yu lukim ol pasin nogut i go daun.

Dispela long wanem long pilai ol manmeri i putim olgeta tingting bilong ol long dispela samting em ol i laik mekim. Ol i laik bai ol i gutpela manmeri bilong pilai na olsem ol arapela manmeri i givim luksave long ol.

Dispela tu i givim hop tu. Hop olsem nogut long dispela pilai ol bai go long ol arapela bikpela pilai. Na kamap long ol bikpela pilai i ken opim rot bilong ol long ol i gat sans long ol arapela bikpela samting olsem sait bilong wok-abaut, mani, pren na wok i kamap.

So spot i gat bikpela wok. Em i givim hop long manmeri husat i lukim laip i hat. Bikpela piksa em ol gras rut pilai em PNG Nesenel Gem long Goroka.

Ol manmeri husat i nogat sans long soim save na strong bilong ol nau i gat hop long soim ol yet. Sapos ol bikpela spot bodi i luksave long sampela bilong ol em hop bilong ol.



Spirit bilong pilai go bikpela

Paul Zuvani i rattim

LAIK na spirit bilong pilai i bikpela tru insait long PNG Nesenel Gem we i wok long kamap long Goroka, Isten Hailans provins long dispela taim.

Kodineta Peter Aglua i tok i nogat narapela pilai long kantri i olsem dispela pilai we ol manmeri i wok long kolim olsem PNG Olimpik Gem.

"Olgeta manmeri i seksek long kamapim stail na strong bilong ol long dispela pilai. Ating i nogat narapela pilai we dispela ol gras rut spot manmeri bai soim save na strong bilong ol," Aglua i tok. "Dispela pilai i givim ol sans we sapos nogat bai i nogat man o meri givim luksave long ol."

"Spirit bilong pilai i antap moa."

Em i tok long Tunde ol bodibilding pilai i pinis we dispela i lukim Westen Hailans i kisim



NOKEN: NCD netbol pilaia i laik skoa egensim Morobe tim. NCD win.

planti medol. Na Wetlifting pilai i pinis long aste we dispela i lukim NCD i kisim planti medol.

Wantaim wetlifting em ragbi union 7s we i wok long kamap long Se Danny Leahy ragbi lig graun. 7s wantaim boksing i pinis long aste nait.

Medol Tali- De 3			
Ples	Gol	Silva	Brons
1. Westen Hailans	4	2	0
2. Is Nu Britan	2	0	0
3. Isten Hailans	1	3	4

4. NCD	1	1	2
5. Morobe	1	0	1
6. Wes Nu Britan	0	1	0
7. Madang	0	1	0
8. Manus	0	0	1



Mande faivpela moa provins i kamap na dispela i mekim 18 provins olgeta. "Tupela provins husat i no kamap em Milin Be na Galf. Tim Flai i kamap nau (aste) wantaim etletik na ragbi union 9s tim," Aglua i tok. Ol pilai bai pinis long dispela Sarere.

Ol 13 pilai we ol pilaia i kamap long ol em etletik, basketbol, boksing, bodibilding, bouling, hoki, netbol, ragbi lig 9s, ragbi union 7s, soka, tas ragbi, volibol na wetlifting.

Madang, Oro, Simbu na Enga i salim ol liklik tim na NCD, Manus, Bogenvil, Morobe na Isten Hailans i kamap wantaim ol bikpela tim.

Isten Hailans husat i winim 2003 pilai i redi gut na i gat ol toktok olsem em i laik long difenim dispela taitol. Tasol wanem samting i kamap dispela PNG Gem tru bai lukim planti ol gutpela pilai long lokel spotmanmer.

Spot na yangpela ken senisim PNG

PASIN bilong kisim moa ol yangpela long go insait long pilai i ken tanim dispela kantri i kamap wanpela gutpela kantri tru.

Na hevi bilong lo na oda inap go daun long dispela.

Dispela em toktok bilong siaman bilong namba tu Papindo PNG Nesenel Gem Edris Kumbuwah long Goroka long taim ol pilai i op long las Sande.

"Yanpela bilong mipela bai sevim mipela," Kumbuwah i tok. "Yangpela mipela i bihain taim bilong mipela."

Em i tok amamas long lukim planti provins i kamap wantaim bikpela lain bilong pilai na planti ol pilaia em ol yangpela.

Manus, Bogenvil, Morobe, Isten Hailans, NCD na Is Nu Britan i kamap wantaim

bikpela namba bilong ol pilaia.

"Hevi bilong lo na oda i ken go daun sapos mipela i tarim ol yangpela bilong mipela i kisim sans long soim ol yet long ol pilai. Na dispela ol pilai i givim kain sans long," Kumbuwah i tok.

Na long strongim toktok bilong em mausman bilong mesa sponsa bilong pilai Papindo em Jerry Juralbal i tok spot i save kamapim poroman pasin na wanbel pasin.

"Long pilai yumi ken save long narapela narapela na kam bung olsem wan pipel," Juralbal i tok.

"Taim mipela i kam pilai mipela i no kam long pilai long winim o kisim ol tropi na medol tasol. Nogat i gat moa long dispela. Mipela i laik kamapim

ol gutpela spotmanmeri na long wankain taim kamapim poroman pasin."

Em i tok amamas long ol spot lida na gavman long kamap wantaim kain pilai olsem na i tok wantaim kain stat Papua Niugini wanpela taim bai kamap wanpela kantri we i go pas long ol pasin bilong pilai.

Dem Carol Kidu i opim ol pilai na Gavana bilong Isten Hailans Malcom Kela Smith i givim welkam adres.

Long stap long opening bilong ol pilai tu em Minista bilong Intenel Sekyuriti na Memba bilong Goroka Bire Kimisopa. Stap tu em Memba bilong Manus Charlie Benjamin husat i no bin stap long opisel gren sten tasol i

joinim Manus tim mas i go long ai bilong ol bikmanmeri.

Nesenel Spot Komisen Eksekutiv Dairekta John Kambuou na PNG Spot Federesen Sir John Dawanincura i stap tu long opening bilong ol pilai.

I gat olsem 4000 spot manmeri long 18 provins i kamap long dispela ol pilai.

Dispela ol pilai i bilong ol gras rut spotmanmeri bilong kantri. Ol lain husat i nogat sans long go insait long nesenel skwat.

Long dispela taim tu ol nesenel spot bodi i kamap tu long lukluk raun na painim na makim ol gutpela pilai we ol i bilip i mas stap long skwat bilong ol tren long makim kantri.

PNG Gem kisim blesing long nesenel gavman

NESENEL Eksekutiv Kaunsel i givim tok orait long sapatim namba tu Papindo PNG Gems long ol sas bilong mani em i gat.

Dispela toktok em Minista bilong Welfea na Komyuniti Developmen na Spot Dem Carol Kidu taim em i opim ol pilai long Goroka, Isten Hailans long las Sande.

Long taim em i mekim dispela toktok em i tok tenk yu tu long ol 13 provins long husat i kamap long stat bilong ol pilai.

Dem Carol i tok pilai spot em samting we i stap namel long nesenel, provinsol na distrik

level gavman wantaim helpim i kam long ol kampani o bisnis haus.

Em i tok kamap bilong dispela ol pilai i go gut wantaim tingting nupela spot polisi na plen bilong nesenel gavman.

Em i tok dispela ol pilai i kamap long helpim ol gras rut we sapos nogat sampela ol gutpela save na strong bilong ol spotmanmeri bai hait yet long ol ples.

Em i tok: "Dispela pilai i mekim ol spotmanmeri bilong mipela i hapim level bilong ol i go antap moa. Na long wankain taim i opim rot bilong ol long developim save na strong bilong ol. Na long

kamap long ol bikpela bikpela i no samting bilong ol liklik lain tasol."

"Ol pilai i luk olsem long stat bilong ol long 2003 i wok long kamap bikpela na gutpela moa we dispela i lukim planti provins i soim laik long kamap."

"Na nau i luk olsem ol i kamap olsem wanpela nesenel iven long kalenda bilong Nesenel Iven Kaunsel."

Em i tok tenk yu tu long PNG Spot Komisen long ol i kamap wantaim kain tingting na olsem dispela tingting i mekim spot histri long PNG.

Em i tok sampela ol pilaia

we ol i lusim ol liklik ples na distrik bilong ol nau i brukim ol kot long rijon na Pasifik.

Dem Carol i askim ol pilai long ol i mas lukim dispela ol pilai olsem ol i strong bilong ol.

Em i tok spot developmen i gutpela samting long wanem em i strongim kantri na olsem long pilai manmeri i kamapim wanbel pasin na kamapim gutpela sindaun.

Em i askim wanwan ol provins long redim ol yet gut long 2007 pilai we dispela i ken helpim long askim nesenel gavman long mani long holim ol pilai.

Mopi winim namba wan gren fainol

soka

Bustin Anzu i raitim

OL meri Mopi bilong Lae Futbol Asosiesen (LFA) nau i nupela kuin bilong soka bihain long ol i winim Bara 1-0 long las wik Sande.

Long ol Bara em namba 8 taim ol i bungim Mopi long gren fainol na tu namba wan taim bilong ol long lus long gren fainol taim Mopi i wokim namba wan win bilong ol bihain long 9-pela yia.

Mopi na Bara em tupela i save pes bilong olgeta gren fainol long disisen bilong ol meri. Na long ol kain bung olsem, Bara i save winim olgeta pilai na dispela yia em namba wan taim ol meri bilong Morobe Saut Kos i winim dispela pilai na ol i amamas nogut tru.

Kosa bilong Mopi Emmanuel Anio i amamas nogut tru long namba wan win bilong ol meri bilong em.

"Mi i no inap bilip olsem mipela i winim dispela pilai. Taim mipela winim dispela kwalifaing fainol, mi bin gat tingting olsem mipela bai winim dispela gren fainol, na nau em i tru olsem mipela i winim dispela pilai."

"Mipela i wet longpela taim long lukim dispela samting i kamap," Anio i tokim Wantok Spot bihain long win bilong ol."

Kepten na midfilda Laviniah Anio i strongim toktok bilong ankol na kosa bilong em na i tok olsem nau ol meri Mopi bai kisim gutpela



NUPLEA LIDA: Strongpela meri Mopi Nellie Wullat (l) i kisim tropi long han bilong John Peka, bosman bilong Momase Soka.

win long wanem ol i winim pinis Bara.

"Nau olsem mipela bai kisim gutpela matolo na gutpela win bihain long mipela i wet 9 pela yia olgeta long winim dispela gren fainol. Long ol kain bung olsem, Bara i save winim olgeta pilai. 9-pela yia Bara i holim taitol na nau em pes taim mipela i win," Anio i tok.

Tupela straika bilong Mopi Nellie Wullat wantaim Stacey Brian i bin pilai gut tru long fran lain long winim dispela pilai.

Wullat i kikim wanpela kik na katim bal long sait i go insait long gol ples.

Kipa bilong Bara Erica Mani i no was gut long bal na Brian, husat i poromanim Wullat i kikim bal i go insait long umben bilong Bara insait long pes ap bilong pilai.

Bara i kam bek strong long namba ap taim bilong pilai tasol ol Mopi i strongim kona bilong ol.

Tupela susa ya bilong Bara yangpela Zeena na Neilen i poroman gut tru bihain tasol long Neilen i go jointim em.

Tasol ful bek bilong Mopi Stacey Gorgom i no inap larim tupela susa ya i kam insait long banis bilong em.

Klostu long ful taim, Mopi i slek liklik na Bara i wokim sampela gutpela muv long kisim wankain mak olsem ol. Tasol Gorgom i taitim banis na ol i no inap i go insait long banis bilong Mopi.

Hap Hap spot

Pilai strong: Masani

Soka

SOKA i wok long kirap isi isi i go long narapela mak olsem na ol pilaia i mas i gat sampela kain driman long pilai na i no long pilai nating tasol. Sapos ol i pilai gut, ol bai makim kantri long pilai insait long Pasifik rijon, presiden bilong Lae Futbol Asosiesen Tukape Masani i tok. Masani i tok planti stail bilong pilai i senis pinis na planti ol pilaia nau i wok long pilai gut tru na dispela i soim olsem soka em trupela pilai we kamap gut tru. "Mipela i lukim planti senis na i ken tokaut olsem soka i develop insait long kantri. Ol tim husat i winim ol dispela primia divisen i ken pilai insait long rijon sapos ol i pilai gut long ol nesenel sempionsip. I no olsem bipo, we ol i winim nesenel sempionsip na pinis. Nau em narapela wei we ol i ken makim Papua Niugini insait long rijon bilong Pasifik" Masani i tok bihain long em i givim presen bilong ol tim husat i winim gren fainol long Sande. Olsem na em i askim ol pilaia long ol i mas i gat sampela kain driman taim ol i pilai.

Silvaback winim MRDC 7s tonamen

MRDC ragbi 7s

GOROKA Silvaback tim i winim 2005 MRDC ragbi 7s taitol bihain long 24 tim i pait long em long PRL long Pot Mosbi las Sarere na Sande. Dispela em bihain long Karanalik husat i wina bilong las yia tasol i bin kamap aninit long narapela nem i no bin pait long difenim taitol. Long pilai bilong las Sande Silverback husat i amamas long kisim dispela taitol i amamas tu long kisim K20,000. I kamap namba tu em narapela Goroka ragbi tim Nokondi. Nokondi i kisim ranap kap na K5,000 praismani. Fevoret bilong tonamen Unitech Reds i kamap namba tri na kisim plet tropi wantaim K3,000 praismani na ranap bihong ol Pukpuk i kisim ranap tropi wantaim K2,000 praismani. Na winim boul em Hohola 78 Flies i kisim plet tropi wantaim K1,500 praismani na kisim ranap tropi em Waigani Heights wantaim K1,000 praismani.

PNG holim meri kriket pilai wantaim Japan

kriket

PNG long namba wan taim bai holim bikpela kriket pilai namel long em yet na Japan long sampela taim long Ogas/Septemba long 2006. Russel James husat i Intenesenel Kriket Konfederesen (ICC) prosek opisa bilong Is- Esia Pasifik kriket i tokaut long dispela long taim em i kam long kantri long las wik. Dispela pilai em James i tok i bilong lukim sapos Japan o PNG i kwalifai long pilai long wol kap bilong ol meri long 2007. James i tok ICC i makim PNG pastaim long ol narapela ol Pasifik Ailan kantri long wanem PNG i save pilai gut na pilai planti long kriket. Em i tok wina bilong PNG na Japan bai pilai long wol kap wantaim sikspela ol kantri husat bai kam long Yurop na Afrika. James bai stap wanpela wik olgeta waitim Pot Mosbi Kriket Bod long kamapim wanpela woking komiti o komiti we bai mekim wok long helpim Pot Mosbi long aigris long ol bikpela kampani long Pot Mosbi long sponsaim ol pilaia.

Namba 9 win bilong ol Kumuls

Bustin Anzu i raitim

SHORNCLIFFE Blue Kumuls i winim namba 9 gren fainol na dispela i soim olsem ol i wanpela klab tasol i putim dispela kain rekot long Lae Futbol Asosiesen.

Ol polisman i pilaim wanpela gutpela pilai we planti manmeri i kamap na lukim.

Dispela de i bin gutpela tu long wanem i no bin gat ren we oltaim ren i save kam.

Ol Kumuls i putim tupela gol - wanpela insait long namba wan hap na narapela long namba tu hap. Ol Wests i putim wanpela gol long namba tu hap. Gol bilong West i no bin strong tumas long holim pasim ol polisman.

Olsem na ol polisman i winim ol 2-1. Kepten bilong Blue Kumuls Michael 'shaka' Wagum i

painim umben bilong Wests bihain long wanpela gutpela sapot pilai i kam long ol straika bilong em Clancy John, Jack Jonathan, Ronnie Mahi na tupela brata Armstrong and Clement Peka i wokim bikpela wok long fowat.

Ol mangi long West Taraka tu i kamapim sampela gutpela pilai wantaim



strongpela paia lait wok i kamap long ol ki straika Carlton Guwada, Knock

Gindo, Goroba Tawa na Tara Ely.

Long namba tu hap, ol Kumuls i kisim sampela skul tok long Kosa Ludwick Peka na ol i no wet taim ol i go bek.

Winga John i hetim wanpela gol long 10-pela minit long namba tu hap bihain long wanpela longpela kona kik we i abrusim ol narapela pilaia na em i sanap klostu long gol na ronim bal i go insait. Dispela i givim strong long ol plisman na ol i ting olsem ol i winim gem pinis.

Tasol taim risev pilaia bilong Wests Samson Steven i sekimbil long umben bilong ol plisman, taim em i kisim wanpela penalti gol klostu long sait lain, i luk olsem i gat taim yet long ol i kam bek.

Kepten Roniel Igens na Kwange Baso i pait strong long putim gutpela ran

wantaim ol bek pilaia bilong Kumuls olsem Samson Egaro na Joe Paul.

Ol Wests i bekim bek wantaim ol bek lain bilong ol olsem Goroba Tawa, Aking Mautai na Buebe Tawa i strongim kona bilong ol long baksait. Ol Wests i soim olgeta strong bilong ol tasol taim wanpela kik bilong Tawa i pas long han bilong kipa bilong Kumuls Watson Gabana na i go ausait, Wests i nogat strong moa.

Olpela pilaia bilong Kumuls na nau wanpela opisol Ignatius Ambita i tok em i amamas long lukim olgeta tim bilong Blue Kumuls i go insait long gren fainol.

3-pela tim bilong ol man i win na wanpela tim bilong ol long meri i lus. Primia divisen, Anda 15 na

Anda 21 bilong ol man ol i win na anda 21 bilong ol meri i lus, tasol olgeta i pilai insait long gren fainol.

Long ol narapela nius bilong soka long LFA Marie wantaim Trobriand Ailan soka klab (TISC) long pes divisen i nau go antap long primia divisen.

Tupela wantaim i save pilai long namba wan divisen tasol tupela wantaim pilai gut tru olsem na long 2006.

Long dispela gren fainol bilong tupela, Marie i winim TISC 2-1. Tupela wantaim i nupela pes long LFA tasol pilai bilong tupela wantaim i stail olsem na ol opisol i wanbel olsem long 2006 sisen, ol bai pilai long bikpela level.

Benroy mekim namba tri yia long karate taitol

kyokushin karate

KYOKUSHIN karate sempion Samson Benroy i mekim namba tri yia long holim yet nesenel karate taitol.

Dispela em bihain long namba 18 nesenel taitol pait long Se Jon Gais Stedum long Pot Mosbi las Sande.

Benroy i kisim dispela taitol bihain long Sailas Piskaut i no

inap go moa long pait wantaim em long hevi bilong lek.

Piskaut i bin wanpela strongpela paitman we pastaim long dspela fainol pait em i bin pait wantaim strongpela kikboksing paitman em Gabi Yura we em i bungim dispela hevi long lek bilong em.

Na long taim em i laik pait wantaim Benroy lek bilong em i no

strong long helpim em long go moa na pait long nesenel taitol.

Piskaut husat i kamap namba tu i kisim namba tu tropi kisim tu "most spirited fighter" tropi, em tropi long luksave long em maski i gat hevi em i redi long pait yet.

Namba tri taitol i go long narapela karate paitman Brian Sammy.

Ol narapela divison em long


anda 18 junia divison i go long Richard Palewa, anda 16 Gideon Timothy na anda 12 divison Anna Roy.

Ol paitman i kam long Tong Kune Do Kung Fu, PNG Shotokan, Stone Taekwondo, Hapkido, kikboksing Topng III Moo Do, Kassman taekwondo na kyokushin karate yet.

Senis Walter Schnaubelt i tok dispela i bin ol gutpela ol pait.



WANTOK SPOTS



Pes 31 -
-Lae soka- Mopi winim namba
wan gren fainol
-Benroy winim namba
trikarate taitol.

Pes 29 -
Australia
Sokarus redi
long pilaim wol
kap kwalifai

Lukim stori
long Pes 30

PNG Nese nel Gem

Lukim stori long pes 30

PLET BILONG KAIKAI
 3kg, 6kg, 8kg, 10kg
 na 15kg istap

PLET BILONG WARA
 3lt, 5lt, 6.5lt na
 10litre istap

Mipela igat kaikai
 bilong kakaruk;
 Starter, Grower na Finisher
 istap long 40kg, 20kg, 10kg na
 liklik 4kg paket.

Sapokin wok didiman long yumi.
Brian Bell
 Shop with a friend

TOK NOGAT LONG KORAPSEN!

BRAIBERI LONG BIK BUS BILONG YUMI



**GIAMAN PAPAGRAUN
KISIMMONI
NATING LONG MAIN**

Mai. Tambu, yu mas stat wok tamora...pel em gutpela. I get kar na haus tu, na kontrak bilong wok bel mi givim long kampani bilong yu, tu.



WANTOK SISTEM

**OL PAPAGRAUN I
TINGIM SANTING
LONG TUDE TASOL**



STILIM MONI BILONG PIPEL

KK KK




**GIAMANIM PAPAGRAUN
SEM BISNIS I STAP LONG
NEM BILONG EM**

**Pablik mani i bilong mipela long divelopim kantri.
Pasin bilong stilim pablik mani long stretim sindaun bilong yu yet em
korapsen na i save daunim divelopmen.**


SKUL BAGARAP



BRIS I BRUK



ROT I BAGARAP



HAUS SIK I BAGARAP

**Korapsen save daunim divelopmen na
kirapim hevi bilong nogat gutpela sindaun!**



**SAPOS YU LUKIM,
TOKSAVE!**

Raitim pas o ring long telepon i go long ol dispela opis we lo i makim long was na lukim olsem ol wok bilong ol pablik opisel i bihainim stretpela rot.

"Mi save lukim ol pablik opisel i save askim long na kisim ol gris mani, givim wok long na promotim ol wantok, stilim mani bilong gavman, na kain ol narapela korap pasin olsem? Mi ken mekim wanem long dispela pasin?"

**Nesanel Anti-Korapsen Na
Fred Skwad
Free Mailbag, Konodabu, NCD
Telepon: 321 1692
Feks: 321 1695**

**Pablik Akants Komiti, National
Parliament
P.O. Box National Parliament,
Waigani
Telepon: 327 7689
Feks: 327 7474**

**Ombudsman Komicin
P.O. Box 1831, Port Moresby
Telepon: 398 2680
Feks: 320 3267**

**Transparensi Intanesonel PNG Inc.
P.O. Box 591, Port Moresby, NCD
Telepon: 320 2188
Feks: 320 2189**

**Ateni Jenerel
P.O. Box 591, Waigani
Telepon: 323 0138
Feks: 323 0241**

**Odita Jenerel
P.O. Box 422, Waigani
Telepon: 381 2280
Feks: 325 2872**



**Autim Korapsen;
Strongim Divelopmen!
Stopim Korapsen Nau!**